

საქართველოს
საბჭოთავო
საზოგადოებრივი
მედიის
სააგენტო

ქიზობი

652/
1980/2

33



3

1980



ჭოჯოსი

ქართული
ენების
საქართველოს
საზოგადოებრივი
ცენტრის

ლიბერალურულ-მსაბუნების
საზოგადოებრივ-პოლიტიკური
ჟურნალი

საქართველოს მფრავლთა კავშირისა
და აჭარის განყოფილების
ორგანო

გამოცემის 22-ე წელი

3

1980

მაისი
ივნისი

რა მშენებელი ზღვა გვაქვს, აქარა,
რა მთხვალე, ბებრფასი მუღით...
ქალაქი—ჩვენი ქვეყნის ფანჯარა
აღმოსავლეთით და დასავლეთით.



გ ა თ უ მ ი

აჭარის ჟურნალ-გაზეთების გამომცემლობა

ნომერში დაბეჭდილია:



გლაკტიონ ტაბიძე	3	აჭარელი მფრინავი
სერგო ჯაყელი	4	უკვდავება
ფრიდონ სალვაში	11	ერთი ლექსის ბიოგრაფია
შალვა იოსელიანი	13	ჩემო მიწავ!
მამია ვარშანიძე	14	ლექსები
იაკობ მელია	17	ლექსები
ჯემალ ქათამაძე	19	წითელი თოვლი
ნესტორ მაღაზონია	21	ცხრა მაისი თენდებოდა...
მუხრან კობლაძე	26	იპოვა... საკუთარი საფლავი
იასონ ცერცვაძე	29	ისინი ყირიმში იბრძოდნენ
ნოდარ ჯალალონია	32	ლექსები
ნოდარ მოღებაძე	34	თუა
	43	„შენგან ანთებული ჟინუღ-ილით...“
იური სიხარულიძე	45	კახაბერი
ანზორ ზამბახიძე	49	ისტორიის ფურცლები
მინჟილ მშვიდლობაძე	57	„სალამს ვითვლიან ჩვენი კომკავშირელები“
ფლორა ხორავა	60	„გორდა“ ლენინური კომკავშირის პრემიის ლაურეატია
ავთანდილ დიასამიძე		
იოსებ ბეჭირიშვილი	63	„იყავ საუკუნოდ ხსენებული“
ალექსანდრე ჩხაიძე	67	საქართველო თან გვახლდა ყველგან
რამაზ სურმანიძე	72	„კუნძულ სახალინის“ ქართველები
ნოდარ კახიძე	78	ძველი გზები და ხილები აჭარაში
თეიმურაზ ფანჯიკიძე	82	ვატიკანი. თანამედროვეობა. პოლიტიკა
	91	გასულ ორ თვეში.

გარეკანის მე-2 გვ. „პირველი გმირი აჭარის“ — შოთა ხოლუაშვილის ნახატი.

გარეკანის მე-3 გვ. „მედლა და იაზონი“. ბათუმის თეატრის ფარდის ესკიზი — ზურაბ საბაძის ნახატი.

ყურნალი გააფორმა ავთანდილ ლომიძემ.

ნომერში დაბეჭდილია ნ. ანასტასიევის, ვ. მითაიშვილისა და ა. ჩანტლაძის ფოტოები.

ტექნიკური ხელმძღვანელი შუშანა დარჩია.

ხელმოწერილია დასაბეჭდად 30.4.80, საბეჭდი თაბახი 6, საგამომცემლო 5, შვეიცარიის № 1392, ემ 00137, ქაღალდის ზომა 60×90/16, ტირაჟი 4.000.

ს ჭ ა რ ე ლ ი
მ ფ რ ი ნ ა ვ ი

(ნაწყვეტი)



92591

ვინ იყო, რომ ოცდაათი
საოცარი გაფრენით
ყოველი დღე და საათი
აანთო აღმაფრენით?

საზენიტო ცეცხლის ალში
მტრის ტყვიის დამცინავი
უყურებდა სიკვდილს თვალში
გამბედავი მფრინავი?

— შეილი ქართლის და აჭარის,
საესე გულის სიალით —
ჯინჭარაძე! — გახდა ჯარის
საპასუხო გრიალი.

— ვისი გახსოვთ ვაჟკაცობა,
ცოდნა, გამბედაობა,
თავდადების წრფელი გრძნობა,
ნიჭი, შორსმხედლობა —
ვინ გადულო დუშმანს სარმა
და უშვა ვით ბზრიალა.

— ჯინჭარაძე! — მთელმა ჯარმა
ერთხმად დაიგრიალა.

ვინ იყო ის, საესე გზნებით,
პაერთა ჯადოქარი?
— ჯინჭარაძე! — ძველუარებით
ისმის ხმა ბობოქარი.

ვინ გადასჭრა ზეცა სხივით
და მიწაზე სდგა მუხად?
— ჯინჭარაძე! — გრიგალივით
გამოისმა პასუხად.

ვინ იყო ის, მტერთ მორევნის
ოსტატი მეთაური?
— ჯინჭარაძე! — ზღვის მორევის
ხმით გაისმის ხმაური.

პირადად ვინ, მფრენი მცველად
ღრუბელთა საცდომებში,
იმარჯვებდა საკვირველად
საპაერო ომებში?

მიენიჭა პირადად ვის
კმირის დიდი სახელი?
— ჯინჭარაძე! — ჯარის ისმის
ხმამალალი ძახილი.

1944 წ.
ბათუმი.

კ. შარტავის სახ. სსრ
სახელმწიფო სპეციალური

უჩხუკუხუხუ



„შერე, რა ვუყოთ, თუ ბრძოლაში შენ დაიდუბე,
შენებრ მამაცთა, სულით ძლიერთა ლად სიმღერაში
მუდამ იქნები მაგალითი
და სინათლისკენ კვლავ ამაყად შენ მოგვიწოდებ“.

მ. გორკი. „სიმღერა შევარდენზე“

საბჭოთა კავშირის გმირის ისრაფილ ჯინჭარაძის სახელს ატარებს პიონერული რაზმეულები, სკოლები, ქუჩები, მოედნები, კოლმეურნეობა...

ისრაფილ ჯინჭარაძის ბიოგრაფია ჩვეულებრივი საბჭოთა ადამიანის ბიოგრაფიაა, მაგრამ ამაღლებული უკვდავებამდე თავისი გულის მგზნებარებით, სამშობლოსადმი უსაზღვრო სიყვარულით.

...ჭაბუკმა ისრაფილმა პირველი წაკითხვისთანავე შეიყვარა ნიკოლოზ ოსტროვსკის „როგორ იწრთობოდა ფოლადი“. ხშირად იმეორებდა პაკვა კორჩაგინის სიტყვებს: „ყველაზე ძვირფასი ადამიანისათვის სიცოცხლეა“... მაგრამ თუკი სამშობლოს შენი სიცოცხლე დასჭირდა? ვინ იცის, მამულისათვის დაფერული რამდენი გმირის სიცოცხლეზე ფიქრობდა ისრაფილი ბათუმის რკინიგზის ტექნიკუმში სწავლის დროს.


ყველას უყვარდა ეს ალაღმართალი, ახოვანი ჭაბუკი: ამხანაგებსაც, მასწავლებლებსაც, ნათესავებსაც.

სწავლისაგან თავისუფალ დროს გადაიკიდებდა მხარზე ბიძის ნაჩუქარ ფოტოაპარატს და ველსიპედით ესტუმრებოდა ახლობლებს. განსაკუთრებით უყვარდა ყოფნა თავის ბიძასთან — აბდულ ჯინჭარაძესთან, რომლის ოჯახში ახლაც სათუთად ინახავენ ისრაფილის გადაღებულ ფოტოებს, ნივთებს, რომლებიც ისრაფილის სახელთანაა დაკავშირებული.

დედუღეთი ხომ ყველაფერს ერჩივნა. ბაბუას — მემედ ბოლქვაძის სახლისაკენ მიმავალ აღმართს არ უშინდებოდა. — „ნუ დააქროლებ ასე სწრაფად ველოსიპედს!“ — საყვედურით ეტყოდა დედა და მოსიყვარულე ხელებით ქოჩორს აუწეწავდა.

— სისწრაფის გარეშე სიმაღლეს ვერ დაიპყრობ. — უხსნიდა ისრაფილი და გადასცქეროდა ქვემოთ გაწოლილ მოლივლივე ზღვას.

ბეჯითად სწავლობდა ისრაფილი ტექნიკუმში, მაგრამ შინაგანად მაინც აკლდა რაღაც... ამ წლებში ლენინურმა კომკავშირმა სამხედრო-საჰაერო ძალების შეფობა აიღო. ჭაბუკებმა და ქალიშვილებმა აიტაცეს საბრძოლო ღონისძიებები:



ისრაფილმა თითქოს ერთბაშად იბოვა თავისი მოწოდება: უყოყმანოდ ჩაეწერა ბათუმის აეროკლუბში, სადაც ტექნიკუმისაგან მოუწყვეტილვ გატაცებით ეუფლებოდა საფრენოსნო საქმეს.

საავიაციო კლუბი ამ დროისათვის დიდად პოპულარული იყო. აქ სწავლობდნენ შემდგომში საბჭოთა კავშირის ვპირები დავით თავაძე, გარი მერკვილაძე, მიხეილ გორბაჩევი, ალექსანდრე გორბაჩევსკი, უშიშარი მახინჯაურელი ჭაბუკი ნური ჯინჭარაძე. აქ ეზიარა საფრენოსნო საქმეს ლეგენდარული მფრინავი ქალი ფადიკო გოგიტიძე.

ისრაფილი წარჩინებით სწავლობდა. საავიაციო კლუბის დამთავრების შემდეგ, 1939 წელს, ისრაფილ ჯინჭარაძე, როგორც სწავლის ფრიადოსანი, კომკავშირული საგზურით ბალაშოვის საავიაციო სასწავლებელში გაგზავნეს. წასვლის წინ ველოსიპედა და ფოტოაპარატი თავის ბიძაშვილს აჩუქა.

საავიაციო სასწავლებელში ჩვეული ენერგიითა და გულმოდგინებით ეუფლებოდა ისრაფილი რთულ ტექნიკას. ამ დროს ახალი ტიპის თვითმფრინავები გამოჩნდა. კომკავშირმა საპაერო ფლოტს შესანიშნავი შევარდნები მისცა.

ჩკალოვი, ბაიდუკოვი, ბელააკოვი, მარინა რასკოვა, ვალენტინა გრიზოდუბოვა... აი ვინ იყვნენ მაშინ კურსანტების სათაყვანებელი ვპირები. ახალგაზრდებს გული საგმირო საქმეებისაკენ მიუწევდათ.

სასწავლებელი ერთი მეგობრული ოჯახი იყო. განსაკუთრებით დაუახლოვდა ისრაფილი უკრაინელ მიხეილ ტოკარენკოს. მათი საწოლები ერთად იდგა. ისინი დამით ძილისთვის განკუთვნილ დროსაც ჩურჩულით აგრძელებდნენ საუბარს მომავალ ცხოვრებაზე, კომკავშირელის ვალზე, ოცნებობდნენ ვპირობაზე.

— ზოგჯერ ისრაფილი გაირინდებოდა, — იგონებს მიხაილ ტოკარენკო, — მღუმარედ შესცქეროდა ლაჟვარდ ცას. ამ დროს იგი ოცნებით მშობლიურ მახინჯაურში თუ იყო, ეალერსებოდა მის ზურმუხტოვან მღელვებს, მოლივილივე ზღვას. თვალწინ წარმოუდგებოდა შვილის განშორებით დასევდიანებული დედის თვალეზი... მეერ „სულიკოსა“ და „ციცინათელას“ წამოიწყებდა... ეს სიმღერები და თავისი მშობლიური კუთხე ყველას შეგავყვარა. ყოველთვის მეპატიჟებოდა, ჩემი ქვეყანა და ჩემი ზალხი უნდა ვაგაცნოო... ცეკვაც შესანიშნავი იცოდა. მთელი სასწავლებელი მოხიბლა...

ისრაფილის თანაკურსელი და თანამებრძოლი განაგრძობს. ბევრს ვევიჭირდა მისი სახელისა და ვვარის წარმოთქმა. ერთხელ თვითონ ისრაფილმა ვეითხრა: ვატყობ ჩემმა სახელმა და ვვარმა მოტორის ვაწმენდაზე მეტი ჯაფა მოვავყენათ, ამიტომ უბრალოდ „კოლია“ დამიძახეთო. ჩვენც სიამოვნებით დავთანხმდით და სასწავლებელში ისრაფილს სიყვარულით ყველა კოლიას ვეძახდით.

ი. ჯინჭარაძემ საავიაციო სასწავლებელი წარჩინებით დაამთავრა. როგორც სანიმუშო მფრინავი, იგი ერთ-ერთ საავიაციო ქარხანაში დანიშნეს მფრინავ-გამომცდელად. ისრაფილმა აქაც გამოიჩინა თავი, როგორც საქმის მცოდნე სპეციალისტმა.

და აი, 1941 წლის 22 ივნისი... დედასამშობლოს დამახილზე აღსდგა მთელი ჩვენი ქვეყანა. საბჭოთა ზალხი ჩაება სამკვდრო-სასიცოცხლო ბრძოლაში გერმანელი ფაშისტების წინააღმდეგ.

ისრაფილი ბევრს ცდილობდა მოქმედ არმიამში წასულიყო, მაგრამ ამაოდ. „არის ომის პირობებისათვის არც თუ ისე საზარბიელო სიტყვა „ჯავშანი“,

— წერდა ის ერთ-ერთ ბარათში დედას, — ვმუშაობ ქარხანაში მფრინავ-გამომცემ-
დელად, ვასრულებ კონსტრუქტორების ყველა დავალებას“.

ისრაფილს გული თანატოლებისაკენ მიუწევდა, რომლებიც უშუალოდ წინა
ხაზზე უტევდნენ მტერს, ბომბავდნენ, კრიტიკულ მომენტებში საკუთარი სხეუ-
ლით ფარავდნენ მტრის ამბრაზურებს, აფეთქებდნენ ფაშისტთა ეშელონებს. ის
კი... იმში ყველა საქმე საჭიროა, განაგრძობდა თავის თავთან საუბარს ისრაფილი,
მაგრამ საცდელი გაფრენები რა მოსატანია, როცა ჩემი თანატოლები ფაშისტებს
მუსრავენ...

„ადამიანისათვის ყველაზე ძვირფასი სიცოცხლეა“, — კვლავ პავლე კორჩა-
გინის სიტყვები ჩაესმოდა ყურში, — მაგრამ ისეთი სიცოცხლე, რომელიც გრძელ-
დება სიკვდილის შემდეგაც.

— მტკიცედ გადაწყვიტე, წავიდე წინა ხაზზე, სადაც ჩემი თანატოლები
ებრძვიან ფაშისტურ ურჩხულს, — უთხრა ისრაფილმა კონსტრუქტორს ერთ-
ერთი საცდელი გაფრენის შემდეგ. მეორე დღესვე გაემართა სამხედრო კომისარი-
ატისაკენ. დაელოდა თავის რიგს და კომისარს მაგიდაზე დაუდო განცხადება
მოქმედ არმიაში მონაღისედ წასვლის თაობაზე.

კომისარმა განცხადება წაიკითხა და გულდასმით შეათვალიერა ჭაბუკი. ის-
რაფილმა თავისი დიდრონი შავი თვალები ჯიქურად შეაგება კომისრის მხერგს.
ამ შეხედვაში იგრძნობოდა ურყევი გადაწყვეტილებაც და თხოვნაც გაეგზავნათ
მოქმედ არმიაში.

„ფრონტს სწორედ ასეთი არწივები სჭირდება“, — კომისარმა ისრაფილის
თხოვნა დააკმაყოფილა.

ასე დაიწყო ისრაფილ ჯინჭარაძის საბრძოლო გზა.

1942 წლის 22 მაისიდან 1943 წლის 17 მარტამდე იგი იბრძოდა კალინინის
ფრონტზე, ამავე წლის 23 მარტიდან 20 ივლისამდე ვორონეჟის ფრონტზეა, 20
ივლისიდან 1943 წლის 15 ოქტომბრამდე კურსკის მიმართულებით იბრძვის. ამ
ხნის განმავლობაში ისრაფილ ჯინჭარაძემ გამოიჩინა უბადლო გმირობა. მისი
მოიერიშე თვითმფრინავი „ილ-2“ რისხვად ატყდებოდა მტერს. ფაშისტ ურდოე-
ბთან სამკვდრო-სასიცოცხლო ბრძოლის დღეებში, 1943 წლის 15 აპრილს. ის-
რაფილი კომუნისტური პარტიის რიგებში შევიდა. კომუნისტი მფრინავი მტრის-
რიგებში სიკვდილსა და ჰანიკას თესავდა. ისრაფილ ჯინჭარაძის გმირობის შესა-
ხებ ვეგებულობთ დაჯილდოების ფურცლიდან, რომელშიც აღწერილია მისი საბ-
რძოლო გზა.

ჩრდილო-დასავლეთის ფრონტზე 12 საბრძოლო გაფრენის დროს მამაცობის
გამოჩენისათვის ი. ჯინჭარაძე 1943 წლის 26 მაისს დაჯილდოებულია წითელი
ვარსკვლავის ორდენით. ვორონეჟის ფრონტზე 30 საბრძოლო გაფრენაში წარმა-
ტებებისათვის 1943 წლის 30 აგვისტოს დაჯილდოვდა სამამულო ომის პირველი
ხარისხის ორდენით.

1943 წლის 6 მაისს ესკადრილიამ 12 თვითმფრინავის შემადგენლობით, რო-
მელშიც ი. ჯინჭარაძეც შედიოდა, მიიღო საბრძოლო დავალება, დაებობა მტრის
აეროდრომი. დარტყმის შედეგად განადგურეს ფაშისტთა 30 თვითმფრინავი,
ჩაახშეს საზენიტო არტილერიის 8 წერტი, გაჩნდა 12 ხანძრის კერა.

დიდი ვაჟკაცობა გამოიჩინა ქართველმა მფრინავმა ბელენინისთან მოწი-
ნააღმდეგის 70 ტანკსა და ავტომანქანაზე იერიშის დროს. დარტყმის შედეგად
განადგურდა 5 ტანკი, 10 ავტომანქანა, 80 გერმანელი ჯარისკაცი და ოფიცერი.
საბრძოლო დავალების შესრულების დროს ი. ჯინჭარაძის თვითმფრინავზე იერი-
ში მიიტანა გერმანელთა სამმა თვითმფრინავმა. ისრაფილმა იერიში წარმატებით

მოიგერია. ამ ბრძოლაში მან ჩამოაგდო მტრის ერთი თვითმფრინავი, დანარჩენი ორი ბრძოლიდან გაიქცა. მიუხედავად იმისა, რომ ისრაფილის თვითმფრინავმა მიიღო ძლიერი დაზიანება — მისი მართვის სისტემა თითქმის მთლიანად გაშლილია მწყობრიდან, — ქართველმა მფრინავმა მამაცობა გამოიჩინა და თვითმფრინავი მშვიდობიანად დასვა აეროდრომზე.

1943 წლის 4 აგვისტოს 11 საბჭოთა თვითმფრინავმა, რომელშიც ი. ჯინჭარაძის საბრძოლო მანქანაც იყო, გამანადგურებელი დარტყმა მიაყენა მტრის აეროდრომს. შტურმის შედეგად განადგურდა მტრის 15 თვითმფრინავი, საბჭოთა შევარდნებს ამ ბრძოლაში არ დაუკარგავთ არცერთი თვითმფრინავი.

1943 წლის 5 აგვისტოს გერმანელი ფაშისტები განდევნეს ბელგოროდისა და ამავე საღამოს ჩვენი სამშობლოს დედაქალაქი მოსკოვი სალუტით პირველად მიესალმა ორიოლისა და ბელგოროდის განმათავისუფლებლებს. ამ გამარჯვებაში თავისი წვლილი შეიტანა ი. ჯინჭარაძემაც.

განსაკუთრებით დიდ წარმატებას მიაღწიეს ისრაფილმა და მისმა თანამებრძოლებმა 1943 წლის 12 აგვისტოს. ათმა საბჭოთა თვითმფრინავმა იერიში მიიტანა მტრის საარტილერიო პოზიციებზე და ტანკებზე, რომლებიც განლაგებული იყო ტყეში დასახლებულ პუნქტ დერგანის სამხრეთით, მძლავრი დარტყმის შედეგად განადგურდა და დაზიანდა 5 ტანკი, 3 საარტილერიო ბატარეა.

ამ დავალების წარმატებით შესრულებისათვის 53-ე არმიის სარდალმა ი. ჯინჭარაძეს პირადად გამოუცხადა მადლობა.

ასევე წარმატებით დამთავრდა შტურმი მტრის განლაგებაზე სადგურ ლაუბოტონის ჩრდილოეთით. დარტყმის შედეგად მტრის საბრძოლო განლაგება აირია, რამაც საშუალება მისცა ჩვენს ქვეით ნაწილებს დაეკავებინათ მტრის გამაგრებული პოზიციები. ამ ჯგუფის ყველა მფრინავმა დაიმსახურა მეხუთე საპაერო არმიის სარდლის მადლობა, მათ შორის ი. ჯინჭარაძემაც.

კურსკის რკალზე ცხარე ბრძოლის დროს 1943 წლის აგვისტოში, წარმატებას წარმატებაზე აღწევდა ი. ჯინჭარაძე. ამ პერიოდში მოხდა ძირეული გარდატეხა სამამულო ომის მთელს მსვლელობაში.

1943 წლის 27 სექტემბერს მოწინააღმდეგემ თავი მოუყარა დიდძალ არტილერიას, ტანკებს და შეაჩერა ჩვენი სახმელეთო შენაერთების წინსვლა. ფრონტის სარდალმა თვითმფრინავების ჯგუფს უბრძანა შეეცვალებინათ კურსი და იერიში მიეტანათ მზვერავების მიერ ახლად აღმოჩენილ დაჯგუფებაზე. შტურმი ბრწყინვალედ დამთავრდა. გამანადგურებელი დარტყმის შედეგად მტრის საცეცხლე წინააღმდეგობა ჩაახშეს და ჩვენს სახმელეთო შენაერთებს საშუალება მიეცათ წარმატებით გაეგრძელებინათ შეტევა. ყველა მფრინავს გამოეცხადა ფრონტის სარდლის მადლობა.

სულ სამამულო ომის ფრონტებზე ი. ჯინჭარაძემ ილ-2 თვითმფრინავით მოახდინა 92 საბრძოლო გაფრენა. პირადად მან მოსკო და დაზიანა 82 ავტომანქანა, 27 ტანკი და 7 თვითმფრინავი, ჩაახშო საზენიტო არტილერიის 10, საცეცხლე და სხვა არტილერიის 5 წერტი. მოკლა, დაჭრა და გაფანტა მტრის 880-ზე მეტი ჯარისკაცი და ოფიცერი.

„92 წარმატებითი საბრძოლო გაფრენისათვის, ბრძოლის დროს გამოჩენილი მამაცობისა და გმირობისათვის ამხ. ი. ქ. ჯინჭარაძე ღირსია მთავრობის უმაღლესი ჯილდოს — „საბჭოთა კავშირის გმირის“ წოდებისა“. — კვითხულობით დაჯილდოების ფურცელში.

დაჯილდოების ფურცელს ხელს აწერს 673-ე მოიერიშე საავიაციო პოლკის მეთაური, მაიორი მატკოვი.

საბოლოო დასკვნას ისრაფილ ჯინჭარაძისათვის საბჭოთა კავშირის გვირის წოდების მინიჭების შესახებ ამტიციებს ფრონტის სამხედრო საბჭო, ხელსაწყოებს არმიის გენერალი, შემდგომში საბჭოთა კავშირის მარშალი კონევი.

ამ პერიოდში მოხდა ძირეული გარდატეხა დიდი სამამულო ომის მსვლელობაში.

მძიმე პირობებში უხდებოდათ საბჭოთა მფრინავებს ფაშისტთა გააფთრებული წინააღმდეგობის გადალახვა. ისინი საბრძოლო დავალებებს ასრულებდნენ მოწინააღმდეგის საზენიტო არტილერიისა და გამანადგურებელი ავიაციის ძლიერი წინააღმდეგობის პირობებში.

ასეთ რთულ პირობებში ისრაფილ ჯინჭარაძემ მოახდინა 92 საბრძოლო გაფრენა...

როგორც უკვე ვთქვით, საბრძოლო დავალების წარმატებით შესრულებისათვის, გვირობისა და მამაცობის გამოჩენისათვის სარდლობამ 1943 წლის 10 ოქტომბერს იგი წარადგინა საბჭოთა კავშირის გვირის წოდების მისანიჭებლად. იმავე წლის 15 ოქტომბერს საბრძოლო დავალების შესრულების დროს უკრაინის ცაში დაიფრფულა მამაცი ქართველი შევარდნის ისრაფილ ჯინჭარაძის სიცოცხლე. იმ დღიდან მისი სახელი ლეგენდად იქცა.

1944 წლის 4 თებერვალს სსრ კავშირის უმაღლესი საბჭოს პრეზიდიუმმა ისრაფილ ქემალის ძე ჯინჭარაძეს საბჭოთა კავშირის გვირის წოდება მიანიჭა.

ამავე წლის 11 თებერვალს სსრ კავშირის უმაღლესი საბჭოს პრეზიდიუმის თავმჯდომარე მ. ი. კალინინმა ისრაფილის დედას წერილი გაუგზავნა. „პატივცემულ ფატი მემედის ასულ, — წერდა იგი, — სამხედრო სარდლობის ცნობით, თქვენი ვაჟი, უმცროსი ლეიტენანტი ისრაფილ ქემალის ძე ჯინჭარაძე საბჭოთა სამშობლოსათვის ბრძოლაში დაეცა მამაცთა სიკვდილით.

იმ საგმირო საქმეებისათვის, რომელიც თქვენმა ვაჟმა ისრაფილ ქემალის ძე ჯინჭარაძემ ჩაიდინა გერმანელ დამპყრობთა წინააღმდეგ ბრძოლის ფრონტზე, სსრ კავშირის უმაღლესი საბჭოს პრეზიდიუმმა 1944 წლის 4 თებერვალს მას მიანიჭა წარჩინების უმაღლესი ხარისხი — „საბჭოთა კავშირის გვირის წოდება.

ვიგზავნით სსრ კავშირის უმაღლესი საბჭოს პრეზიდიუმის სიგელს თქვენი ვაჟისათვის საბჭოთა კავშირის გვირის წოდების მინიჭების შესახებ, რათა შეინახოთ იგი, როგორც მოვონება თქვენი გმირი შვილისა, რომლის დეაწლს არასოდეს დაივიწყებს ჩვენი ხალხი.

სსრ კავშირის უმაღლესი საბჭოს პრეზიდიუმის თავმჯდომარე მ. კალინინი.

1944 წლის 11 თებერვალი“.

ისრაფილის გვირობის ამბავი მთელ საბჭოეთს მოედო.

გვირის სახელის უკვდავსაყოფად აჭარის ასსრ უმაღლესი საბჭოს პრეზიდიუმის 1944 წლის 8 მაისის ბრძანებულებაში ვკითხულობთ: „...დაკმაყოფილდეს მშრომელთა დეპუტატების ბათუმის საქალაქო საბჭოსა და მშრომელთა დეპუტატების ბათუმის რაისაბჭოს აღმასკომების შუამდგომლობა და საბჭოთა კავშირის გვირის ამხანაგ ისრაფილ ქემალის ძე ჯინჭარაძის სახელის უკვდავსაყოფად ქალაქ ბათუმის ქუჩას და მაზინჯაურის საშუალო სკოლას ეწოდოს ისრაფილ ქემალის ძე ჯინჭარაძის სახელი“.

დიდმა გალაკტიონმა 1944 წელს ი. ჯინჭარაძის გვირობას მიუძღვნა ლექსი „აჭარელი მფრინავი“, ასევე ლექსი მიუძღვნა მამაც შევარდნის მამინ ჭაბუკმა პოეტმა ფრიდონ ხალვაშმა. შემდეგ ეს ლექსი სიმღერად იქცა.

რამდენიმე სეზონის განმავლობაში ბათუმის სახელმწიფო თეატრში წარმატებით იღმებოდა დრამატურგ ამირან შერვაშიძის პიესა „სიმღერა შევარდენზე“.

აჭარის სახელმწიფო მუზეუმში, რომელიც ჯინჭარაძის ქუჩაზე მდებარეობს, ვრცელი დარბაზი უკავია განყოფილებას „აჭარა დიდ სამამულო ომში“ საქვეყნო ექსპოზიციაში წარმოდგენილია ი. ჯინჭარაძის გმირობის ამსახველი დოკუმენტები. აქვეა მოქანდაკე მამულ ბოლქვაძის მიერ შესრულებული ი. ჯინჭარაძის ბიუსტი. ი. ჯინჭარაძის ბიუსტი დადგმულია მახინჯაურის საშუალო სკოლის ეზოში, ბათუმის პიონერთა და მოსწავლეთა პარკში. 1979 წლის 9 მაისს ი. ჯინჭარაძის ბიუსტი დაიდგა მახინჯაურის ზღვისპირა პარკში. ეს ადგილი მახინჯაურელი მოსწავლეებისა და ახალგაზრდების საყვარელ ადგილად იქცა. აქედან ულოცავენ მახინჯაურელები გზას საბჭოთა არმიის რიგებში მიმავალ ახალგაზრდებს, აქ ტარდება შეკრებები, პიონერთა, ოქტომბრელთა რიგებში მიღება.

ი. ჯინჭარაძის ხსოვნას სათუთად ინახავს მისი მშობლიური სოფელი, სახლი, სადაც იზრდებოდა გმირი, გულდობა ზღვება ისრაფილის სტუმრებს... კედლიდან შემოგეჟურებს ისრაფილის პორტრეტები. სათუთად ინახავენ სამახსოვრო საჩუქრებს, რომლებიც გადასცეს ისრაფილის დედას — ფატიის მახინჯაურის საშუალო სკოლის, ქ. ბათუმის № 2 სკოლა-ინტერნატის, № 9, ურეხის საშუალო სკოლის მოსწავლეებმა.

...ფრთხილად დებს ყვეილს გმირის ბიუსტის კვარცხლბეკზე ჯამბულ ჯინჭარაძე, იგი მოწიწებით შეჰყურებს თავისი ნათესავის ბრინჯაოში გაცოცხლებულ სახეს. ვინ იქნებოდა მასთან ერთად მოსული პატარები, ცხოვრების რა გზებს აირჩევენ ისინი, ამის თქმა ძნელია, მაგრამ რომ ისინი გაიზრდებიან პატიოსან, სამშობლოსათვის თავდადებულ ადამიანებად, ეს ცხადია. მათ სახელოვანი საქმეებისაკენ მოუწოდებს მამა-პაპათა უკვდავი სახელები.

...ოცდამეხუთმეტე წელია გადაიქუზა დიდი სამამულო ომის გრივალმა, მაგრამ წითელი კვალისმამიებლების მიერ შინმოუსვლელთა ცნობების შეგროვება, მათი ოჯახებისადმი დახმარება ჯერაც არ წყდება.

მახინჯაურის საშუალო სკოლის წითელმა კვალისმამიებლებმა კარგი საქმე გააკეთეს. გამარჯვების 30-ე წლისთავზე სკოლაში გაიხსნა საბრძოლო დიდების გალერეა. გალერეაში ცალკე ექსპოზიცია ისრაფელ ჯინჭარაძის გმირობას ასახავს.

სკოლის პედაგოგიურ კოლექტივს, მოსწავლეებს, სოფლის მშრომელებს არ ასვენებდათ ის გარემოება, რომ არ იყო დადგენილი ისრაფილის დაღუპვის ადგილი, არ იცოდნენ გმირის საფლავი. იყო ძიება, იმედი, თითქოს წარმატების ნაპერწკალიც, მაგრამ მთავარი მაინც მიუწვდომელი რჩებოდა.

ი. ჯინჭარაძის საფლავი აღმოჩნდა 1979 წლის სექტემბერში. ამ აღმოჩენას არა აქვს დიდი ხნის ისტორია. 1978 წლის 20 აგვისტოს გაზეთმა „დნებროვსკაია პრავდა“ დაბეჭდა თადარიგის გენერლის მ. ტოკარენკოს წერილი „აღმოსავლეთის გალავანი“, რომელშიც აღწერილია ისრაფელ ჯინჭარაძესთან შეხვედრები, ისრაფილის უკანასკნელი ვაფრენა. როდესაც ჩვენთვის ცნობილი გახდა ამ წერილის შინაარსი, დაუუკავშირდით საბჭოთა კავშირის გმირს, ისრაფილის თანაკურსელსა და თანამებრძოლს ავიაციის თადარიგის გენერალს, მიხეილ კუზმას მეტოკარენკოს.

მ. ტოკარენკო გულითადი ადამიანი აღმოჩნდა — ჩვენს წერილებზე, ღებუებზე ყოველთვის გულწრფელად, საინტერესოდ გვაპასუხებდა.

მ. ტოკარენკოს მიწვევით მე დნებროპეტროვსკში ვავემგზავრე.

დნებროპეტროვსკის ოლქში აღმოჩნდა გმირის საფლავი. მისი მისამართია: პერენდნებროვსკის რაიონი, სოფელი პრავობერეჟნოე, მმათა სასაფლაო, № 25.

1979 წლის ნოემბერში მ. ტოკარენკო თავის მეუღლესთან ოლდა დენისის ასულთან ერთად მახინჯაურს ეწვია. მას გულითადი შეხვედრა მოუწვეს ი. ჯინჭარაძის

რამის სახელობის მახინჯაურის საშუალო სკოლის მოსწავლეებმა, მახინჯაურელმა მშრომლებმა, ისრაფილის ნათესაებმა და ახლობლებმა. ამაღლეებმა შეხვედრა მამულ ჯინჭარაძის ოჯახში, სადაც დაიბადა ისრაფილი. აქ, ამ სახლში, ვეპატიჟებოდათ ისრაფილი, — უთხრა ძვირფას სტუმარს ისრაფილის ბიძაშვილმა დაუთ ჯინჭარაძემ, — მაშინ აქ თვითონ ისრაფილი გავიწვევდათ მასპინძლობას...

— ისრაფილს მე მივაჩნდი უმცროს დად... რადგანაც თქვენ ისრაფილს ძმობას უწვევდით, მეც ძმასავით გთვლით, — იყო ნაზი ბოლქვაძის მისასალმებელი სიტყვები ძვირფასი სტუმრისადმი.

ბ. ტოკარენკომ ძოინახულა ისრაფილის დედის — ფატის საფლავი, ყვავილებით შეაძკო იგი, დიდხანს ძდუმარედ იდგა თავისი სიყრმის მეგობრის საწოლთან, მოგონება მოგონებას მისდევდა და ყველა მათგანი უკრაინაში მთავრდებოდა, სადაც 1943 წლის 15 ოქტომბერს მის თვალწინ დაიღუპა ისრაფილი.

ბ. ტოკარენკო ბევრს აკეთებს თავისი მეგობრის ხსოვნის უკვდავსაყოფად. განზრახულია ვერხენდნუროვსკის რაიონის ერთ-ერთ საშუალო სკოლას ი. ჯინჭარაძის გმირობის აღსანიშნავად, საბჭოთა ხალხების მეგობრობის ნიშნად მიენიჭოს გმირის სახელი და გერმანელ ფაშისმხე გამარჯვების 35 წლისთავის ზეიმზე ამ სკოლის ეზოში დაიდგას გმირი-ქართველი შევარდნის ძეგლი.

— ადამიანზე დიდხანს ქვა ცოცხლობს, მაგრამ სწორედ ადამიანი, მარტო ადამიანი უკვდავყოფს ყოველივეს, რასაც მისი გმირობა შეეხება... აქ მოიტანენ ყვავილებს და მოიყვანენ ბავშვებს, აქ, წარსულზე ფიქრსა და მომავალზე ოცნების დროს, ადამიანები მოიგონებენ იმათ, ვინც დაიღუპა სიცოცხლის მარადიული ცეცხლის დასაცავად. — თქვა ამხანაგმა ლ. ი. ბრეჟნევმა სტალინგრადთან სამამულო ომში საბჭოთა ხალხის უკვდავი გმირობის ამსახველი ძეგლი-ანსამბლის გახსნისადმი მიძღვნილ მიტინგზე...

27 წლის ჭაბუკმა ისრაფილ ჯინჭარაძემ უკვდავყო ადამიანისათვის ყველაზე ძვირფასი — სიცოცხლე.

აქ შეიძლება დაგვემთავრებია ჩვენი წერილი, მაგრამ სათქმელი კიდევ ბევრია. ცნობილია, რომ ისრაფილმა თავისი 92-ე გაფურენა მოახდინა 1943 წლის 27 სექტემბერს, გმირი დაიღუპა იმავე წლის 15 ოქტომბერს. ჩვენთვის უცნობაა გმირის საბრძოლო გზა 18 დღის განმავლობაში. ეს დრო მშვიდობიან პერიოდში ძალზე მცირეა, მაგრამ იმ ქარცეცხლიან დროს, როცა წუთები გადამწვევტ როლს ასრულებდა ადამიანის ცხოვრებაში, ამ 18 დღის უყურადღებოდ დატოვება არ შეიძლება. მით უმეტეს, რომ ამ დროს დამაბული ბრძოლები მიმდინარეობდა ფაშისტ სეავეებსა და საბჭოთა შევარდნებს შორის ჰაერში ბატონობისათვის, და ეჭვი არ არის, იმათ შორის, ვინც მუსრს ავლებდა ფაშისტებს, იქნებოდა ისრაფილ ჯინჭარაძეც. ეს მით უფრო სარწმუნოა, რომ დაჯილდოების ფურცლის მიხედვით ისრაფილს არ ჰქონია მიღებული ჭრილობები ან კონტუზია. საჭიროა, ი. ჯინჭარაძის ცხოვრებისა და ბრძოლის გზის უფრო დაწვრილებით შესწავლა, განსაკუთრებით მისი უკანასკნელი დღეებისა.

სერგო ჯაყელი,

ი. ჯინჭარაძის სახელობის მახინჯაურის საშუალო სკოლის დირექტორი.



ერთი ლექსის ბიოგრაფია

ყოველ მხატვრულ ნაწარმოებს, თვით პატარა ლექსსაც კი, აქვს თავისი ბიოგრაფია.

მაგონდება ჩემი ერთ-ერთი პირველი ლექსის — „გმირ ისრაფელ ჯინჭარაძეს“ დაბადების მიზეზი და გარემოებანი.

ეს ლექსი, შეიძლება, რაიმე განსაკუთრებული მხატვრული ღირსებებით არ გამოირჩეოდეს, მაგრამ გამოქვეყნებისთანავე რომ სიმღერად იქცა, ამან მისი მომავალი სიცოცხლეც ერთგვარად განსაზღვრა.

სამამულე ომი ბობოქრობდა.

1944 წლის გაზაფხულზე, მგონი თებერვლის ერთ წვიმიან დღეს, ჩემი მშობლიური მთის სოფლიდან ბათუმში ჩამოვედი და უბის ჯიბეში ჩაკეცილი ლექსებით გაზეთ „საბჭოთა აჭარის“ რედაქციას მივაღდექი. გულისფანცქალით ავიარე კიბე და რედაქტორის კართან შევჩერდი.

ამ დროს კარიც გაიღო და თავს დამადგა სათვალისანი, მოღიმარი კაცი.

— ჩემთან ხარ? შემოდი, ბიჭო, — უკანვე შებრუნდა და კაბინეტში შემეფანა. — შენ მგონი ხალვაში ხარ, ა?

— კი, ბატონო. — ვუთხარი მორიდებით და ვიცანი, — ჩემს წინ

რედაქტორი ანტონ კელენჯერიძე იყო.

იგი შამობრივად მომეალერსა, თავზე ხელი გადამისვა, გვერდით მომიჯინა და საუბარი გამიბა.

— ვიცი, ლექსები მომიტანე, ალბათ, მაგრამ ახლა მე ერთი ახალი ამბავი უნდა გახარო. წუხელ ფრონტიდან შეგვატყობინეს, მანხანჯაურელი ბიჭი, მფრინავი ისრაფელ ჯინჭარაძე საბჭოთა კავშირის გმირი გახდა.

იქნებ დაგვიწერო ლექსი ისრაფელ ჯინჭარაძეზე?

შემდეგ ბატონ ანტონს უცებ სახეზე დიმილი ჩაუქრა, წამოდგა, თავის ვეება მაგიდასთან მივიდა, იქიდან, ეტყობოდა, უკანასკნელ წუთს მიღებული დეპეშა აიღო და ნაღვლიანად ჩაიკითხა. ეს მიხეილ კალინინის პირადი ბარათის ტექსტი იყო ისრაფელის დედისადმი გამოგზავნილი, რომლითაც იგი სამძიმარს უცხადებდა დაღუპული გმირის მშობელს.

სიხარულითა და მწუხარებით დამძიმებული გული თითქოს უკვე მკარნახობდა ლექსს. წასასვლელად წამოვდექი.

— მოიცა, ბიჭო, შენ, ალბათ, საწერი ქალაღი არ გექნება.

გამოაღო უჯრა და მთელა კონა გაზეთის ჩამონახჭერი ქალაღი-

სა გადმომცა. მაშინ, ომის დღე-
ებში, გაზეთი მუქ, სქელ ქაღალ-
დზე იბეჭდებოდა. მე არც ფანქა-
რი მქონდა, არც იშოვებოდა არ-
სად, მაგრამ ეს ვეღარ გავუშვილე
რედაქტორს და, რაღაცნაირი შა-
ნაგანი მაღალი რწმენით შთაგონე-
ბული (რედაქტორმა ლექსი შემა-
კვეთა!) გარეთ გამოვედი.

შუქგამორთული სასტუმროს
ექვსადგილიან ნომერში მეკავა
ერთი საწოლი. დღისით შინ არა-
ვინ იყო, შემეძლო წყნარად, მარ-
ტო, ჩავჯდომოდი ლექსს. მაგრამ,
გამახსენდა, არ მქონდა ფანქარი.
ჩავედი ადმინისტრატორთან, მას
ნათქურა ედგა და ფეხებს ითბო-
ბდა. გაჯავრებით ამომხედა და
თავი გააქნია უარის ნიშნად. მაგ-
რამ, მგონი, მაინც შევეცოდე, და-
მიძახა, შემაჩერა და ერთი ჯგუ-
ტი, წვერწატეხილი, მსხვილი,
წითელი ფანქარი მესროლა. ჩა-
რჩენილი წვერი შიგ მოძრაობდა,
ამიტომ, ერთ მხარეს ცერი დავა-
დგი და დიდრონი, უსწორმასწო-
რო, ბრტყელი ანბნებით პირველი
სტრიქონი გამოვიყვანე.

რა გრიგალები გააპე..

ლექსის დასასრულს, გვირის
დაღუპვით გამოწვეული სევდის
გამხელა ვცადე.

გიგონებს მაზინჯაური..

დედა ნატრული ცრემლებით
შენს ნაწერ ბარათს
დაჰხარის.

ერთ-ორ საათში, როცა რედაქ-
ტორის შეკვეთა შესრულებულია
ჩავთვალე, რედაქციისაკენ გავე-
შურე. მაგრამ ასეთი ხელნაწერის
ვინმესთვის ჩვენება მეუხერხულა
და ფოსტაში შევიაარე. იქ, დეპე-
შების მაგიდაზე, მელან-კალამი
მეგულებოდა. მაგიდის მაგიერ
იდგა მომადლო, მრგვალი ყუთი,
რომელსაც ზედაპირი ყოველ
მხარეს დამრეცი ჰქონდა. ცენტრ-
ში ამობრუნებული ელექტრო-
იზოლატორი იდგა მავთულით
დაბმული, შიგ მელანი შევნიშნე.
იქვე იდო თითის სიგრძე ჩხირი,
წვერზე ძაფით კალამდამაკრებუ-
ლი.

დგამი, რაზედაც წერდნენ, მაღა-
ლი და დახრილი იყო, როგორც
კი კალამს ქაღალდზე დავადებდი,
წყალა მელანი უმაღვე უკან მო-
ქონავდა.

იქით, ფანჯრის ფართო რაფა-
სთან მივდექი. როგორც იქნა, ლე-
ქსი გადავწერე და იმავე დღეს
რედაქტორთან შევიტანე.

ბატონმა ანტონმა გაიოცა, ასე
მაღე როგორ დაწერდიო. მაგრამ
რომ ჩაიკითხა, თბილი, მხოლოდ
მისებური, უსაზღვროდ ლამაზი
ღიმილით გამოხატა კმაყოფილე-
ბა.

მეორე დღეს ლექსი გაზეთში
იყო.

რამდენიმე დღეში კი მღეროდ-
ნენ.



შალვა იოსელიანი

ხანმოკლე იყო პოეტ შალვა იოსელიანის სიცოცხლე. იგი ოცდარვა წლისა ცი არ იყო, ბრძოლაში რომ დაეცა. დიდი სამამულო ომის მძვინვარე უამს გაიწვიეს ჯარში; ნიჭიერი და განათლებული ახალგაზრდა განამწესეს ერთ-ერთი ნაწილის კომისარად... ბოლოს იბრძოდა ქერჩში... და იმ ცხარე ბრძოლებში დაიღუპა 1942 წლის მაისში. მისი საფლავი დღესაც არ არის აღმოჩენილი... თბილისში, საქართველოს მწერალთა სასახლის სკვერში მარმარილოს დაფაზე აღბეჭდილია ფრონტზე დაღუპული მწერლების სახელები, მათ შორისაა შალვა იოსელიანიც. დაღუპული პოეტის სურათი გამოფენილია თბილისის მეგობრობის მუზეუმში.

იმოდგავა ერთ ათეულ წელს. მოასწრო სამი კრებულის გამოცემა, ესენია: „სიმღერები“, „ლექსები“ და „დაბრუნება“. პირველი ლექსი გამოაქვეყნა 1934 წელს. მისი ლექსები გამოირჩევა ლირიულობით, მაჟორული უღერადობით... ვაჟკაცური ხმის პოეტია და მისი სტრიქონები ძალუმაღ გვაგვრძობინებს შინაგან ძალას. შალვა იოსელიანი იყო შესანიშნავი დეკლამატორი. ახლა რამხელა რეზონანსი ექნებოდა მის პოეტურ ხმას!

კურთხეულ იყოს მეომარი პოეტის სახელი!

ჩემო მიწავ!

მამულის ტრფობით ამევსო გული
და თითქოს სუნთქვა გრიგალად იქცა,
შენი დიდებით ვარ ანთებული,
შენ შემოგვევლე მშობელო მიწავ.
ბავშვობის დღიდან კვალდაკვალ მდევედა
გმირობის ცეცხლი ჩაუქრობელი,
ჩემს ვაჟკაცობას მოესწრო დედა,
მამულისათვის მზრდიდა მშობელი.
და მეც მოვდივარ, მტერო ტიალო,
მოვდივარ რისხვით, ვით ქარიშხალი,
რომ შენს გულღვიძლში დავატრიალო
სააკადის და ერეკლეს ხმალი.

ომი... ფრონტი... სანგარი.. ქვემესთა გუგუნნი... ადვილად სათქმელია, მაგრამ აბა ერთი იმას ვკითხოთ, ვინც იწვინა ყოველივე ეს. რა წამება და რა წვალებაა ყოველი დღე!

ღიას, მეც ვიჭექი სანგარში, ჩემი ქვემეხიც გუგუნებდა.. მახსოვს, ჩვენი და მოწინააღმდეგის საარტილერიო დღეელი.. აგერ, ახლოს, ჭურვები სკდებან.. ვინ დაიჭრა, ვინ მოკვდა, ვინ გადარჩა? თითქოს აღარც ფიქრობ სიკვდილზე, იგი თითქოს აღარ არსებობს შენთვის... ამ გოლგოთაში, ამ წარღვანაში განა კაცს პოეზია უნდა ახსოვდეს?! მაგრამ არა, მახსოვდა იგი, ვეთაყვანებოდი მას. ჩანთაში მდლო რვეულები, საწერ-კალამი და შესვენებისას სანგრებში ვწერდი ლექსებს. ვწერდი და თან ვიგონებდი ძმებს, ჩემსავით ომის გზას რომ გაუდგენენ. ოთხნი წავედიო. ხოლო მე ერთი დავუბრუნდი ოჯახს. დღესაც ჩვენს სახლში ქალთა მგლოვიარე ხმები ისმის.. ომმა სამუდამო ჭრილობა დააჩინა სულს.. და რაც სამუდამოდ დააჩნდების სულს, იგი მარად მწუხარე ზარს რეკავს.. და გტკივა, გტკივა უსაშველოდ ეს ჭრილობა.. ხუთი წელი დავყავი ჭარში.. და როცა ოჯახს დავუბრუნდი, ჩემი პირველი წიგნიც — „მებრძოლის სიმღერები“ მაშინ დაიბადა. მე მიყვარს ეს წიგნი, რადგან მთელი ჩემი მეომრული გრძნობები მას წარვატანე. მან მკითხველთა სიყვარულიც მომიტანა..

მახსოვს, ფრონტზე მივიღე ორი ადამიანის წერილი — ერთი ეკუთვნოდა ჩვენს საყვარელ მწერალს პარმენ ლორიას, ხოლო მეორე ჩემს ბიძაშვილს, ცხრა წლის გოგონას სურგიე ვარშანიძეს, რომელსაც ერთ-ერთ ლექსს მთელი სიყვარულით ვუძღვნი.

ბარათი მებრძოვს

პარმენ ლორიას

ჰქუხდა ყოველი..

მე მღუპარედ ვიჯექი სანგარში,
ვერ გაეყრები სევდიან ფიქრს, რაგინდ იძალო.
შენი წერილი მომახარეს..

თრთოლვით გავშალე,
რომ მომიგონე, რომ გახსოვარ,
მადლობა ძმაო.

რად შემიძულეს, რად არ მწერენ, რა დავაძავე,
გული მიტირის — ნუთუ ყველამ გადამივიწყა?!



შენ კი მაღლობა,
 გასაფრენად ფრთები გავშალე,
 კაიოხულობ წერილს...

და ვიგონებ მშობლიურ მიწას.
 ვიგონებ ბათუმს, და ვიგონებ მამულ-დედულებს,
 და ვხედავ გემებს,—უპირებენ რისხვას მტერს შეშლილს.
 კახაბრის ველის ქარიშხალი ჩემში გუგუნებს
 მშობლიური ცის ვარსკვლავები კამკამებს ჩემში.
 მაფრთხილებ: — ბიჭო, დაიცავი დროშა მამულის,
 არ იღაწროო, ასე ამბობ, რომ ვთქვათ მარტივად.
 მტერს თუ გავექცე, ძმის მახვილმა გამიპოს გული,
 მეგობრობაშიც არავისთვის მიღალატია,
 როგორ იქნება ვულაღატო მამულს, ჩემს მამულს.
 რაც მახარებს და რაც მადარდებს, მოგწერო მინდა,
 დავჯექი ახლა და შენთვის ვწერ უბრალო ბარათს.
 ეჰ, კაპიტანი რომ მიცქერდა აქამდე მშვიდად,
 ბრძანა: სერჟანტო, ჩქარა ცეცხლი,

სიჩუმე კმარა!

უბეში ვიღებ ქაღალდებს და შენს ლამაზ წერილს,
 წუთი რაა და უცებ ქვემეხს დავაგრილებთ,
 ასე ჩათვალე — გადამიტყდა დღეს კალმის წვერი,
 და მე ბარათის გამოგზავნას დავაგვიანებ.
 ჩემთვის ბარათი გიწერია ჰალაღი გულით,
 თითქოს ბჭკარებში ჩვენი ბუხრის ცეცხლი ანთია.
 გჯეროდეს, სულ წინ გავაქროლებთ დროშას მამულის,
 მეგობრისთვისაც არასოდეს მიღალატია,
 როგორ იქნება ვულაღატო მამულს, ჩემს მამულს.

1942, 10 აგვისტო.
 ყაბარღო, მოქმედი არმი

ს უ რ ი მ ს

შენ რომ პატარა გოგო იყავი,
 შენ რომ იყავი გოგო მაღხაზი,
 მაშინ ვიყავი მე ჯარისკაცი,
 ის ხატი შენი ჩემში ახლაც ზის,
 შენ რომ პატარა ქალი იყავი,
 თეთრი ბაფთებით თმას იმშვენებდი,
 მე ახალგაზრდა კაცი ვიყავი

და გულში სევდას არ ვიშენებდი.
მე მეოპარი როცა ვიყავი
ჯა ფრონტზე ქვემეხს ვაგუგუნებდი,
მამინ მივიღე შენი წერილი
აღსავსე თბილი ბავშვურ გუნებით.
მწერდი: — ვლოცულობ შენზე ყოველდღე,
ღმერთს ვეხვეწები შენს გადარჩენას;
მწერდი: გკოცნიო გულით მხურვალით,
აგაცდინოსო ტყვია გამჩენმა.
მწერდი: ახ, როგორ მენატრებო,
გულზე შენს გამო ცეცხლი მომენტო,
შენ, სანატრელო ჩვენთვის ყოველწამს,
შენ, საყვარელო ჩვენი პოეტო!
მწერდი: — სუყველა კოცნას ვიგზავნის.
ენატრებო ჩვენებს სუყველას...
რომ წავიკითხე შენი ბჭკარები,
შენს პოეტს დიდმა სევდამ უყელა.
ვინც არ მახსოვდა, შენ გამახსენე,
შენ გამახსენე, რაც არ მახსოვდა,
შენი ალალი ნაზი ჩურჩული
თითქოს მესმოდა იქვე ახლოდან.
ჩემი კერიის სუნი ვიგრძენი,
და ჩემი ბაღჩის სურნელი ამო,
თითქოს მეძახდა მე ანგელოზი:
— შენ აქ რა ვინდა, იქ ჩემთან წამო! —
უცებ ქუხილმა მიწა შეჭზარა,
უცებ დათხარა მიწა ჭურვებმა,
შენი წერილი, ჩემო პატარავ,
უბეში მეღო სევდა-ურვებად.
შენი წერილი უბეში მეღო
სანუგეშებლად და ავგაროხად...
მე ხომ გადავრჩი, მე ხომ მოვედი,
თუმც გრიგალებმა მკაცრად გამროზგა.
მე მახსოვს შენი ნაზი ცრემლები,
მე მახსოვს შენი ყელზე მოხვევა.
დიახ, გადავრჩი, გული პოეტის
ვერ გამიხვრიტა ტყვიამ ოხერმა.
ჰოი, რამდენი ვინმე აღარ გვყავს,
ხან მეგობრებს და ხან ძმებს მივსტირი,
იქნებ არ მშვენის ვაჟკაცს კურცხალი,



რა კქნა, განა მაქვს გული ქვიტკირის.
შენ მეფერები, რომ დამავიწყო
მწარე სევდა და ამაოება.

ო, ეს ფიქრები სად დავაშიწო,
ვერ ვიმორჩილებ სულს და გონებას...
შენ იმ გოგონად თვალში მიზიხარ,
რომ უმშვენიებდა ნაზ თმებს ბაფთები,
წერილს რომ მწერდი ფრონტზე მეომარს
დიდი ტრფიალით და მონატრებით.
მე შენ მაგონებ იმ ტანჯვის დღეებს,
და გული ჩემი დარდით ჭირიჭინებს...
ბარათს რომ მწერდი ლორთქო თითებით,
იმ შენი ნაზი ხელის ჭირიძე.

1980. მაისი.

იაკოვ მელია

16.546

სამხედრო სამსახურში გამიწვიეს 1940 წელს. ვმსახურობდი ქ. ლუცკში
რიგით ჯარისკაცად. სამამულო ომმა მომიწწრო მდინარე ბუგთან, სასაზღვრო
ზონაში.

ბრძოლებით გამოვიარე ლუბომირი, კოველი, უიტომირი.

1941 წლის 14 ივლისს ნოვოგოროდოლისკში მივიღე მძიმე ჭრილობა მკე-
რდის არეში.. და 1942 წლის 4 ივლისს გამათავისუფლეს სამხედრო სამ-
სახურიდან, დაჯილდოებული ვარ „საბრძოლო დამსახურების“ მედლით, მი-
ღებული მაქვს სხვა ჯილდოებიც.

ოცდაათხმეტ წელიწადს ფილტვით ვატარებდი ჭურვის ნაშხვრევს, და
შის გამო დიდი ტკივილი გადავიტანე. სამშობლოს სიყვარული ყველაფერს გა-
ძლევინებს კაცს.. იქნებ, ამიტომ არის, რომ ხშირად ვიგონებ ომის დღე-
ებს, და სამშობლოსადმი დიდი სიყვარული დღესაც იღვრება ჩემს ფრონტულ
ლექსებში.

იქ აკაცია რომ ღვას...

როცა ჩავდივარ სოფლად,
როგორც მიმწუხრის ჩრდილი.
თავს წამადგება ზეზვა:
— სად არის ჩემი შვილი? —
კაცის იღბალი მართლა
ყოველმხრივია ჭრელი,
მას სტალინგრადის კართან
საფლავი გაუუჭერი.

იქ აკაცია რომ ღვას
და თეთრ ყვავილებს ბარდნის,
ბამცნობს: ცოდვაა, ცოდვა,
არ გაუშხილო დარდი.
მაგრამ იმგვარად მიმწერს
და ისე მსაყვედურობს,
თითქოს ხვდებოდეს მიზეზს,
თვალების საიდუმლოს.

გ. მელია სს. ს. ქ. სს.

ჰოსპიტალი, ქერა ქალი,
 დიმილი და წრფელი გული,
 ქერა ქალი, კელაპტარი,
 სასთუმალთან ანთებული.
 იქნებ, ვცდები, წუთით ჩადგა
 ამომტყდარი ქარიშხალი, —
 იქნებ, წუთით დაუბრუნდა
 თავის ქარქაშს ბასრი ხმალი.
 ვაგლახ, თურმე მკერდნატყვიარს
 მიმიჩინეს მე აქ ბინა,

აკვამლებულ სანგრებს შორის
 ღარნა ჩემი კარაბინა.
 ო, მრავალი თეთრი ღამე
 თეთრ კედლებთან მიილია, —
 როგორც მწუხრის იდილია.
 ცრემლის,
 როგორც მწუხრის იდილია.
 ჰოსპიტალი, ქერა ქალი,
 დიმილი და წრფელი გული,
 ქერა ქალი, კელაპტარი,
 სასთუმალთან ანთებული.

სადღაც გარმონი ტირის

მაშინ არ ეძებდი ჰაერს,
 არცა უჩიოდი სუნთქვას,
 გეტკბილებოდა მწარეც,
 წყენა არ მიგქონდა გულთან.
 მაშინ არ გყოფნიდა სივრცე,
 გქონდა სანაუარდო ფრთები,
 მიზანს აღწევდი თუ არა,
 ცხოვრობდი ნეტარი ნებით.
 მაშინ არ იცოდი შიში,
 სიცოცხლეს სად ჰქონდა ზღვარი,
 ყოველმხრივ მოჩანდა გზები
 და არ გეცვლებოდა მხარი.
 მაშინ სიყვარული შენი
 სხვა იყო — ანკარა, წმინდა,

ამ მოვონებებით ტკბები,
 კვლავ სიჭაბუკე გინდა.
 მაგრამ რად შეჩერდი ნეტავ?
 ეწყველი ომების მომგონს,
 რა უცებ გათეთრდი, ბიჭო,
 და შეიცვალე როგორ.
 ნეტავ, ვინ წაგართვა ფრთები,
 ნეტავ, ვინ წაგართვა ძალა,
 სახეზე გაჩნია ღიმი,
 სატკივარს მაინც ვერ მალავ,
 ო, სადღაც გარმონი ტირის,
 ო, სადღაც გარმონი კვნესის. —
 არვის ხეებთან შორი
 ყრმობის ჩურჩული გესმის.

ჩემალ ქათამაქი

დნებრთან ბრძოლაში ზამთრის სუსხიან საღამოს ჩემს ძმას მტრის ჭურვის ნამსხვრევებმა ფეხები გადაუმსხვრია, უინვაზე დავარდნილი მომაკვდავი ჯარისკაცი მხოლოდ დილით იპოვეს, უმალვე ჰოსპიტალში წაიყვანეს.. უინვისაგან გათოშილი ხელის თითებიც წააქრეს, ათი თვის მკურნალობის შემდეგ მოკრილ წვივებზე პროთეზები მოარგეს და სახლში გამოისტუმრეს.

ოცდაათი წლის განმავლობაში იგი არ გამოჰკლებია სოფელსა და ოჯახს ჭირსა და ლხინში, სამშობლოს ერთგული ჯარისკაცი, შრომაშიც დარჩა პატიოსან ჯარისკაცად და ბოლომდე შესაშური სიყვარულით ეჭიდებოდა საქვეყნო საქმეს.

ოცდათხუთმეტი წელი გავიდა დიდი სამამულო ომის დამთავრებიდან. თითქოს მოშუშდა მძიმე იარა, მაგრამ სახლში დღემდე ვინახავთ ჩემი ძმის რკინის პროტეჟებს, როგორც ომის პროტესტის, როგორც იმ საშინელ დღეთა ცოცხალ სურათსა და გახსენებას.



წითელი თოვლი

(ლირიკული პოემის ნაწყვეტი)

ღუმიღს მოეცვა ცისფერი სივრცე
და დედამიწა — ტანკების რემას.
შენ მაშინ ივრძენ,
შენ მაშინ ივრძენ,
ტკივილი სულის, სხეულის გვემა.
და ყუმბარებით ამოთხრილ ქვესკნელს,
მკერდს აფარებდა ხალხი რა ძალით,
და მოიწევედა სიკვდილი ჩვენსკენ,
სიკვდილი ჩვენსკენ, როგორც ხანძარი.
და დასახვევი არ იყო უკან,
მძიმე ჭურვები ხმელეთს ზარავდა.
დაბატარავდა მამულის რუკა,
მაგრამ გული არ დაბატარავდა.
ჭურვების დარტყმამ დაშიგნა მიწა,
გაიჭიხვინეს ცეცხლში ცხენებმა.
ვიღაც სანგრიდან წამოიწევა,
მაგრამ სანგარზე მიესვენება.
გაცივდა გული, ჭაბუკის გული
და აღარ წივის ყურებთან ტყვია,
და სიცოცხლეზე დანატრებული
ვიღაცა კვდება ძალიან გვიან.
ვიღაცა მკერდით შეასკდა ჯავშანს
და შავი ტანკი მოიტეხს კისერს,
ერთი ლამაზი სიცოცხლე დაშრა
და ერთი ღელა ატირდა ისევ.
დაღლილი ღამე დანებდა სიკვდილს,
ხევიდან ხევში გაფრინდა ყვავი...
მძიმე ღუმიღი ჩამოწვა ირგვლივ,



მთვარემ ღრუბლებში მოიკლა თავი.

— ვაიმე წყალი!

— ვაიმე დედა!

დაჭრილი ითხოვს წყალსა და შველას.

მაგრამ სიცოცხლე ჩამქრალა ყველგან,

მისძინებია სიკვდილით ყველას.

შენ კი ბურანში მეგობრებს ეძებ,

სანგარში მტერს რომ ამოუნადმავს.

ეს ვინ შეჩერდა, ნეტავი, ბედზე,

ვინ დაგაწვინა თოვლზე გულადმა,

და ვინ შეგახო მაჯაზე ხელი,

ვინ ჩამოგბანა ჭრილობა მყისვე,

ვინ მოგანათა თვალები სველი,

ვინ დაგიბრუნა სიცოცხლე ისევ.

ვინ მოინდომა მომაკვდავ კაცის

იმ ყიამეთში გულდაგულ შველა,

ვინ დაგიბედა დღეები მკაცრი

და ბეწვის ხიდზე ვინ მოგეშველა.

ვინ შეაცურა მორევში ნავი,

ცოცხალ-მკვდარს სული ჩაგიდგა ძალად.

ვინ დააფეთა სიკვდილი შავი

და შენი ტანჯვა დაიდო ვალად?

ვინ, ვინ აგინთო სიცოცხლით დილა,

ვინ გაგიყვანა ცეცხლიდან გზაზე.

დედის თვალები რად მოწყენილა,

სად გაქრა ყრმობა და სილამაზე?

რად ჩაქრა ყველას სახეზე ღიმი,

რატომ ატირდა უცნობი ქალიც.

ნუთუ დამწყდარა იმედის სიმი,

ნუთუ დასრულდა სიცოცხლის კვალი?

არა, შენ კიდევ შეხედავ ზეცას,

მზესაც შეხედავ ოცნებით მთვრალი.

გაეკიდები გულთეთრა მერცხალს,

არ მოგიხდია ბოლომდე ვალი.

შენ, ჩემო ძმაო, ტანჯულო მართლაც,

საწყალო ბიჭო,

ჯმუხო და მკაცრო...

სამშობლოსათვის დამწვარი სანთლად.

უბელო კაცი,

უფეხო კაცი!



ქვეყნის იხე ქმუის და კვნესის ფართო ეზოში. მომცრო, წელ-
გაუმარებელი ჩქოლები წვეროებით მიწამდე იხრებიან, თითქოს შველას
ითხოვენ.

არა, ეს მაისის ამინდი არაა!
სად არის მაისის ვარდი? მსხლისა და ვაშლის ნახევრად დამტვერი-
ლი ყვავილები... ნორჩი ნასკვები? დაიგვიანა გაზაფხულმა.

ნამდვილი თებერვლის ამინდია.
კარს კი გამარჯვების დღე მოგვდგომია. ცხრა მაისი.
შეიძლება, ბუნება საცხრამაისოდ იხსენებდეს იმ ქარიშხლიან და
სისხლიან დღეებს, 45 წლის მაისმა რომ შეაჯამა!

მძლავრად დაუბერა ქარმა. სროლა ისმის გარკვევით, მაგრამ კვნესა
და წუხილი კი... მხოლოდ მოგონებაში.

მაგიდას ვუზივარ და მოგონებათა სტრიქონებს ვებრძვი.
მეორე ოთახში მეუღლე წევს. ჩანს, ძილი არც მას ეკარება. მესმის
- ხშირად გვერდს ინაცვლებს.

დღეს სადამოს ჩაი არ აგვიდუღებია, სულ შინმოუსვლელი შვილის
ხსენებაში ვიყავით...

ახლა ქარმა მერამდენედ გაიმეორა თავისი მძლავრი იერიში. გაბ-
მულ გუგუნში რაღაც ღრმა კვნესა გაისმა თითქოს...

და მე უაზროდ ავდექი.
სწორედ ასე გადიოდა ის დამე, 1941 წლის 19 ოქტომბრის დამე.
პირველი საათი იყო. ამავე მაგიდას ვუჯექი. თითქოს გარკვეული ხმა
შემომესმა: „მამავ, მიშველ!“ წამსვე წამოვვარდი, ფანჯარას ვეცი და
უაზროდ გამოვადე. სივრცეს ჩავაცქერდი...

მოგიკვდეს მამა! სულ შენი ხმა იყო, ბიჭო!
მაგრამ ჩემამდე რა ქარი მოიტანდა?

აღბათ, იმ ღამეს დაიღუპა... წერილებიც მაშინ იმ დღეებში შეწყდა.

მე თვითონ პირველი მსოფლიო ომი გადამიტანია... დატრაც დატყვევ
ვიღებოც... ამხანაგი მომეშველა და გამომიყვანა, სიცოცხლე მანუქა...
მაგრამ ეს ომი საშინელებით სავსე იყო. და ჩემს ერთადერთ ბიჭსაც
მშველელი აღარ გამოუჩნდა? მოვიკვდეს მამა... რატომ შენთან არ ვიყა-
ვი მაშინ!

...სანი დაიწყო, ვერ ვწვები. მეუღლის წრიალი კი შენგლდა, მერე
კიდევაც შეწყდა, აღბათ, ჩაეძინა... და ახლა სრული მარტოობა ვიგრძე-
ნ: უკანასკნელი თანამგრძნობი დაღუპდა.

მეშინია, არ გავვიჟღე. ვდგები და ანგარიშმიუტკემლად, მაგრამ ფეხ-
აკრეფით ბოლთასა ვცემ...

ქარმა იმატა. საღდაც ჩოჩქოლია. ფანჯრიდან ეზოს გავცქერი. არა-
ვინ ჩანს ამ სიბნელეში. უკვე აღარც ჩოჩქოლი იხმის.

— კაცო, შუაღამე იქნება აწი... ცივა კიდევ. — იძახის ცოლი.

— ხელს მიშლი... ცოტალა დამრჩა, — ვატყუებ მე და ისევ ბნელ
ეზოს შევაცქერდები.

ფეხის ხმა მომესმა ოთახიდან, ქურდივით მოვწყდი ფანჯარას და
მაგიდას მივუჯექი. სწორედ ამ დროს შემოვიდა ცოლი, საბანძოხურულა
და აძაგაგებული. ერთხანს უაზროდ ათვალიერა ჩემი საწოლი და მაგი-
და, მერე ნელა მომიახლოვდა:

— არა, რას იზამ, რომ ჩვენმა ბიჭმა უცებ კარი შემოაღოს? — თით-
ქოს ფიქრებს აგრძელებს ცოლი. — ეგებ ლანჩხუთში უკვე ჩამოსულია
და გათენებას უცდის, რომ ზვალ მოულოდნელად მოვიდეს და დღესას-
წაული მოგვილოცოს. ჰა? — გულუბრყვილოდ ამთავრებს იგი.

— რა სისულელეა! — ვეუბნები, — ლანჩხუთამდე მოაღწია და გა-
თენებას უცდის? ის კი არა და, მანქანას თუ ვერ იშოვიდა, სირბილით
წამოვიდოდა!

— ჰო, ჰო, — უიმედოდ დამეთანხმა, ერთი ღრმად ამოიოხრა და გაბ-
რუნდა.

მე კვლავ ფანჯარასთან მივედი და ჭიშკარს მივაჩერდი.

ალიონმა მოატანა. მამალმა ყვილს მოუხშირა. მერე ქარი ანაზღად
შეწყდა.

მე ერთხელ კიდევ თვალი მოვაველე ეზოსა და ჭიშკარს, გაწბილებუ-
ლი მოვბრუნდი და გაუხდელად მივწექი.

ახლა ფიქრებმა თითქოს დრო მიშოვნეს, გროვად მომესივნენ.

...გათენებულა. მზით სავსეა ეზო. მეძინა? არა მგონია. მაგრამ რა-
ტომ არ ვიცი, როდის მოვიდა სინათლე? ამდენი სინათლე!

ავდექი. ჰირზე ცივი წყალი შევისხი.

ცოლი სამზარეულოში ფუსფუსებს.

ჭაღარა მეზობელი ბესარიონი მორცხვად ზის დაბალ სკამზე სამხარეულოს კართან. მორცხვად კი არა, ენაჩავარდნილი, რომ ძისი ვაჟი დაბრუნდა და ჩვენი — არა.

ცოლის ხმა კარგად მესმის, რადგან სტუმარი სმენაზე ცოტა მწყურა-ლადაა და ცოლი იძულებულია გარკვევით და ხმამაღლა ილაპარაკოს.

...ცოდვია კაცი. მოხუცდა. სმენამაც უკლო, ღონეც წაერთვა, ჰოდა, თუ რამე გაიგო...

შენ უფრო ვეჭვებიან, მე შემატყობინე, მას არ უთხრა, არც მე ვეჭვები. ცოცხალი ეგონოს და ელოდოს. ასე უფრო ადვილი გადასატანია, სიკვდილი დაწყევლოს ღმერთმა! ლოდინი სჯობია“.

ვატყობ, ორივეს ცრემლი ახრჩობს.

სწრაფად გამოვბრუნდი, და ისევ მივწევი. ხუთიოდე წუთის შემდეგ ცოლი მეძახის:

— კაცო, კიდევ გძინავს?

— აღარ ძძინავს. რა იყო?

— ჩამოდა, სტუმარია, საუზმეც მზადაა.

— მოვდივარ, — დავუძახე მე, წამოვდექი და კიბეს ნელა ჩაუყუევა სამხარეულოსაკენ.

ბესარიონი ისევ იმ ადგილას იჯდა იმავე დაბალ სკამზე, ჩემს მიახლოებაზე წამოდგა:

— შეგაწუხებთ ასე ადრე... დილაშვიდობისა, ბატონო! გაგაღვიძე ხომ?

— არა, კაცო, გვიან დამძინა. რაღაც სამუშაო მქონდა. საყოფად მაინც ვიძინე, დაბრძანდი... საუზმეც გვქონია.

— თუ არ გეწყინება, მე წავალ... გამარჯვების დღე მინდოდა მომელოცა და მეხარებინა, რომ კარგი ამბები მოდის.

— როგორ? ახალი გაიგე რამე?

— თქვენი ბიჭის? არა, მარა ღმერთი მალე გაგვაგონებს... კაცო, ამდენი ხანი გავიდა... ჰოდა, ახლა და ახლა ჩნდებიან ბიჭები... ერთი ლანჩხუთში მოსულა, გვარს დავაზუსტებ და გეტყვი. ერთი ჩოხატაურში დაბრუნებულა, ტყვედ ნამყოფია...

— რა ვიცით, ბატონო ბესარიონ, ეგებ ჩვენიც გზაშია. — ჩაურთო ცოლმა.

— ღმერთმა ქნას! — ვთქვი მეც უფრო იმედიანად, — ყველაფერი მოსალოდნელია.

ცოლმა სუფრაზე მიგვიწვია. ბესარიონმა გაიბატიჭა.

— მე, მართალია, არ მისაუზმია, ტყუილს ვერ გეტყვით, მარა...

— მით უმეტეს, ბატონო ბესარიონ, ერთად ვისაუზმით. — გულით ვთხოვე მე და სუფრისაკენ მივიწვიეთ.

არაფი დავასხი და სტუმარს მივაწოდე.

— სიმწარე აგაშორეთ, სიტკბოება მოგცეთ... თქვენი ვაჟი მშვიდობით მოგვეკაროთ! — დააწყო ბესარიონმა და მერე უცხად დალია. ცოლს ხაჭაპურიც გამოეცხო, ახლა ჭრის. დაჭრა და თეფშებზე დააწყო.

— ჩემ ბიჭს უყვარს და... აღარ მივაკელი დღევანდელ სუფრას... — თქვა ცოლმა და თეფში სტუმრისკენ მიაჩინა.

არაფი უსიტყვოდ გადავკარი და რაღაც ბურთი ამიგორდა ყელში. ლუკმა დავაჭიანე, მაგრამ არ გადადის, კარგა ხნის მერე ისევ ფიქრებმა წამიღო.

— ჩაი დაშაქრე, კაცო!.. ოა, შვილო, შენც შინ მყავდე ახლა!.. — თქვა ცოლმა და შემომხედა.

მე ხელახლა ამიგორდა ყელში ბურთი, სუნთქვა მომიხშირდა და კურცხალი მუხლზე დამეცა.

— ოი, შენ გლახავ, შენ! ასე უნდა? ჩემს გასამხნეველად თქვა ცოლმა და მაღულად მანაც მოიმშრალა ცრემლი.

ძალა მოვიკრიბე, მეორე ჭიქაც დავასხი, გამარჯვების დღე დავლოცე და ჭიქა ბესარიონს მივაწოდე. მანაც უსიტყვოდ დალია.

საუზმე ასე თუ ისე მოთავდა, მაგრამ ლაპარაკი ვერ აეწყო.

ჩაი დაუღეველი დარჩა, ხაჭაპურს მხოლოდ ერთი ნაჭერი მოაკლო სტუმარმა

მე გამეხარდა, რომ სტუმარი წამოდგა: მარტო მინდოდა ყოფნა...

ცოლი სუფრას ალაგებდა. მე ბესარიონს ეზოში ვაყვევი ვითომ გასაცილებლად.

— რა საჭიროა? ნუ გეშინია, ძაღლი არ გყავდეთ. რა საჭიროა! იბოდიშებდა ბესარიონი და ვეხს აუჩქარა, რომ ადრე გამცლოდა.

— ბესარაონ ჩემო! — ჩავახველე და სტუმარი შევაჩერე. — უფრო ხშირად შემოკვიარე, ვიცო, უხერხულობას გრძნობ, რომ შენი ბიჭი დაბრუნდა და ჩემი არა... მაგრამ რა ნუგეში იქნებოდა ჩემთვის, რომ შენიც არ მოსულეყო!..

-- რომ იცოდე, მთელი ღამე ვიფიქრე, მოვსულიყავი თუ არა... ბიჭი მაინც არ წამომყვა. გამოგიტყდები, ბატონო, უხერხულობას კი ვგრძნობ, ისიც ვიცო, რომ ჩემი სიამე შენ ვერაფერ სიკეთეს და ნუგეშს მოგანიჭებს... მაგრამ ვიყო, ველოდო, ვინ იცის...

— ჰო, ლოდინიც ერთნაირი ნუგეშია, თუმცა იმედი თითქმის გადაწვევტილია... — აქ კიდევ აგორდა ყელში ბურთი. ბესარიონმა იგრძნო ეს და არაფერი თქვა... იყუჩა. მერე, როცა სუნთქვა აეწყო, კვლავ განვაგრძე. — ერთი თხოვნა მაქვს თქვენთან... შეიძლება, ცნობა რამე მოვიდეს. მართალია, მაცნობეს, უგზო-უკვლოდ დაიკარგაო, მაგრამ ასეც გამიგონია:

კაცი ბრძოლაში დაიღუპაო, ამა და ამ ადგილას არის დამარხული და იგი
კი უენებელი დაბრუნდა. საშინელი ომი იყო და, გასაგებია, ყველაფერს
ვინ აღრიცხავდა შეუცდომლად. ჰოდა, გამორიცხული არაა, სადღაც ცოც-
ხალი იყოს... ეს როგორც გამონაკლისი... ჰო, მაგრამ იცი რა?... თუ რამე
გაიგო და ყველამ დამიმალოს, შენ ნუ დამიმალავ... ცოლს არ უთხრა, ცუ-
დი თუ რამე აყოს... იგი დედაა... რაც უნდა გულმაკარი იყოს, ქალაი, სუ-
სტია... და კიდევ უბედურება არ მოხდეს... ჩემი ნუ გეშინია, რაც უნდა
იყოს, მამაკაცია ვარ...

და მეტი ველარაფერი ვუთხარი.

ბესარიონმა ცრემლები მოიწმინდა, „პატიოსან სიტყვას გაძღვეო“,
და წალახლასდა.

ჭიშკართან კვლავ შევაჩერე.

— ხომ არ დაგავიწყდება, ჩემო ბესარიონ?

— როგორ გეკადრებათ, ბატონო, — ხელი მხარზე დამადო, ცოტა იყუ-
ჩა, მერე აკანკალებული ხელით ჩემი მარჯვენა მონახა, ჩამომართვა და
ჭიშკარი ვაიხურა.



დედა

მხატვარი თამაზ ჯალალანია.

იჭრება... საკუთარი საფლავი

ნარკვევი

იგი ახლა 71 წლისაა. მხნე, ჯან-
მაგარი და ენერგიული, ტკბილ-
მოსაუბრე.

ფაშისტურ გერმანიაზე გამარჯ-
ვების 35-ე წლისთავს შეეგება
კაცი, რომელმაც მთელი თავისი
შეგნებული ცხოვრება სამშობ-
ლოს, ქვეყნის სამსახურსა და და-
ცვას მოახმარა. იშრომა, იომა,
მერე ომისაგან დანგრეული ქვე-
ყანა აშენა, შვიდი ათეული აღ-
მართი აიარა და მაინც მოუსვენ-
ნარია, მაინც ახალგაზრდულად
შემართული.

ტკბილმოსაუბრეა-მეთქი, თავი-
დანვე ვთქვი. სათქმელი კი, იცო-
ცხლეთ, ბევრი აქვს.

— ომს უცნაური კანონები
აქვს. — მითხრა და ფოტოსურა-
თი გამომიწოდა ღიმილით. დავხე-
დე სურათს. ძმათა სასაფლაოს
ფოტო იყო. ერთ-ერთ ძეგლს გარ-
კვევით აჩნია წარწერა — „ჩინჩა-
ლაძე გრიგოლ ალექსანდრეს ძე“.
გაოცება ვერ დავფარე.

— თქვენი საფლავია? — ვკით-
ხე.

— კი, ჩემია — დამიდასტურა
და ახლა გაზეთის ამონაჭერი გა-
მომიწოდა. „საბჭოთა აჭარის“
ერთ-ერთი ნომერი იყო — „პიატი-

გორსკისათვის ბრძოლაში დაი-
ღუბნენ ჩვენი თანამემამულეები“...
და ჩამოთვლილ გვარებს შორის—
გრიგოლ ალექსანდრეს ძე ჩინჩა-
ლაძე.

როგორ, რანაირად? — კვლავ
ვერ ვფარავ გაოცებას და თან მე-
ღიძება, — კაცს საკუთარი საფლა-
ვის ფოტო უჭირავს ხელში... მა-
საც ეღიძება.

— ხომ გითხარი, ომს ბევრი უც-
ნაური კანონი აქვს-მეთქი... მერე
ჩაფიქრდა, მოგონებებში ჩაიძი-
რა...

მამამისი ალექსანდრე ჩინჩალა-
ძე ხონიდან ჩამოვიდა ბათუმში.
როტმილდისა და ხანატურიანის
ქარხნებში მუშაობდა, რევოლუ-
ციურად განწყობილი მუშა იყო.
დედამისი ევატ ხალხის ბედნიე-
რებისათვის იბრძოდა. 1923
წლიდან სკკპ წევრი იყო და მთე-
ლი თავისი ცხოვრება შეაღია
ხალხის სამსახურს.

1928 წელს პოლიტექნიკური ინ-
სტიტუტის სტუდენტი გახდა,
1934 წელს კი ქალაქ კრასნოურა-
ლსკში მუშაობს ერთ-ერთ მსხვილ
სამრეწველო ობიექტზე. მა-
ლე გამოიჩინა თავი როგორც
უნარიანმა ინჟინერმა და არაერ-



თი მადლობაც დაიმსახურა. ნათელ მოგონებად შემორჩენია შეხვედრა სერგო ორჯონიკიძესთან, მისი ხელის ჩამორთმევა და მადლობის სიტყვები.

მერე არმიაში გაიწვიეს. სამხედრო სასწავლებელი დაამთავრა და ტექნიკურ ნაწილში ასეულის მეთაურის მოადგილედ დაინიშნა. დაიწყო სამხედრო მოსამსახურის მოუსვენარი ცხოვრება. გამუდმებული შრომა და სწავლა ჩვენი არმიის თავდაცვისუნარიანობის განმტკიცებისათვის და ბოლოს ომი... ომის მძიმე და ხიფათიანი გზები.

პროხლანდია, გეორგიევსკი, ბუდიონოვსკი. — ამ ქალაქების განთავისუფლებაში უშუალოდ მონაწილეობდა გრიგოლ ჩინჩალაძე.

რა დაავიწყებს იმ 110-კილომეტრიან მარშს გეორგიევსკიდან ბუდიონოვსკამდე რომ გაიარა თავისი ტანკისტებით. მოულოდნელი დარტყმით მტერი აიძულეს უკან დაეხია.

მერე ქალაქ მინერალური წყლების განმათავისუფლებლებს ეხმარება სატანკო ბრიგადა, რომლის შემადგენლობაშიც იბრძვის გ. ჩინჩალაძის ასეული.

სწორედ მინერალური წყლებიდან წავიდა პიატიგორსკისაკენ, რომ სადღაც გზაში გახნეული ბუნინის ცისტერნები მოექებნა და ტანკები საწვავით გაეწყო. ფეხით მიჰყვებოდა გზას. ხალხმრავლობა იყო. უცებ მტრის თვითმფრინავი გამოძვრა ღრუბლებიდან და ბომ-

ბები ჩამოყარა. გაისმა გამაყრუებელი გრილი... გრიგოლ ჩინჩალაძე ყვება.

— მერე აღარაფერი მახსოვს. ბევრი ჩვენთან მოეკლა აფეთქებას. — მიცვალებულებისათვის საბუთები ამოვლეთ და მანქანით დასამარხად წაესვენებინათ. მე გონდაკარგული ვიყავი. ჩემი საბუთებიც წაიღეს და მეც მანქანაზე დამდეს. უკვე საფლავეში ჩასასვენებლად ვიყავი გამზადებული და სწორედ მაშინ შეემჩნია ვიღაც მადლიანს, რომ სიცოცხლის ნიშნები მქონდა.

სასწრაფოდ ჰოსპიტალში წამიყვანეს... ასე გადავრჩი ცოცხლად დამარხვას. საბუთები კი დაიკარგა და მერე, სწორედ, იმ საბუთების მიხედვით გაკეთდა ძმათა საფლავე. ასე დამიღგეს ძეგლი ცოცხალ კაცს ძმათა საფლავეზე.

— იმ კაცის ვინაობა არ იცით, ვინ გადავარჩინათ?

— ეეჰ, მაგი რომ ვიცოდე! — იქნებ, თვითონ აღარცაა ცოცხალი, ვინ იცის, სად უწია მტრის ტყვიამ. არა და, როგორ მინდა ცოცხალი იყოს, ვნახო ის ოჯახსაშენებელი და გადავკოცნო. მაგრამ...

გამარჯვების 35-ე ცისკარს შეეგება ომგადახდილი კაცი. ხშირად ერთად შეიკრიბებიან ყოფილი თანაპოლკელები ვალოდია კოპალეიშვილი, არტემ მნაცაკიანი, გრიგოლ ჩინჩალაძე... იგონებენ გარდასულ დღეებს, შინმოუსვლელი ბიჭების მოსაგონარს შე-

სვამენ და მწუხარების ჩრდილი გადაუვლით სახეებზე.

რამდენი გასაჭირი ნახა, რამდენი ვზაწვრილი განვლო და რამდენი მწარე ტკივილი არ ასვენებს ახლაც გრიგოლ ჩინჩალაძეს, ორი შვილის სიკვდილი გაიგო არმიაში ყოფნის დროს და იქ, შორეულ ტრამპალებში გამოიტირა.

მაინც არ შედრკა, გასაჭირს ქედი არ მოუხარა. მსობლიურ ქალაქში წითელი ეარსკვლავის ორდენითა და მრავალი საბრძოლო მედლით მკერდლამშვენებული დაბრუნდა. მშვიდობიან შრომას შევუდგა. იყო მანქანათსაშენი


ქარხნის საამქროს უფროსი, ბათუმის საზღვაო პორტის მექანიკოსი, ზაციის უფროსი, მუშაობდა საჩამომსხმელო ქარხანაში, კურორტ-სამმართველოში, გაზიფიკაციის სამმართველოში...

ორი შვილის მამამ, ორი შვილიშვილის ბაბუამ გრიგოლ ჩინჩალაძემ დიადი გამარჯვების 35-ე გაზაფხული იზეიმა...

ვეტერანი კვლავ მწყობრშია.

იქ კი, პიატიგორსკში, მშათა განსასვენებელზე არის ცოცხალი კაცის საფლავი, როგორც მუდმივი გახსენება იმ ქარიშხლიანი დღეებისა.

ვეტერანები





დიდი სამაშულო ომის პირველხვე დღეებში სევასტოპოლმა მტრის ჭარბი ძალების, განსაკუთრებით ავიაციის თავდასხმა განიცადა.

1941 წლის ნოემბერში ფაშისტები ყირიშში შეიჭრნენ. ისინი ვარაუდობდნენ ერთი დარტყმით დაუფლებოდნენ შავი ზღვის მნიშვნელოვან ბაზას — სევასტოპოლს, მაგრამ შავიზღვისპირეთის არმიის მამაცმა ჯარებმა და საზღვაო ქვეითმა ნაწილებმა ფლოტის სომალდებთან, სანაპირო ბატარეებთან და ავიაციასთან მჭიდრო ურთიერთმოქმედებით არსებული დარტყმა აგემეს მტერს.

1941 წლის დეკემბერში ჰიტლერელებმა სევასტოპოლზე მეორე იერიში მიიტანეს, მაგრამ ისიც მარცხით დამთავრდა.

1942 წლის მაისის დამლევს ფაშისტებმა დაიკავეს ქერჩი და სევასტოპოლის წინსაღმომებთან თავი მოუყარეს აურაცხელ ცოცხალ ძაღას და დიდძალ ტექნიკას;

სევასტოპოლის მიუვალ ციხე-სიმაგრედ გადაქცევაში ფასდაუღებელი წვლილი მიუძღვის ჩვენს სახელოვან თანამემამულეს, შემდგომში საბჭოთა კავშირის თავდაცვის მინისტრის მოადგილეს, ლენინური და სახელმწიფო პრემიების ლაურეატს, რსფსრ დამსახურებულ მშენებელს, გმირ ქალაქ სევასტოპოლის საპატიო მოქალაქეს არჩილ გელოვანს, რომელსაც 1977 წლის ივლისში საინჟინრო ჯარების მარშლის წოდება მიენიჭა. მისი დამსახურება სამშობლოს წინაშე აღნიშნული იყო მთავრობის 23 ორდენითა და მედლით. სახელმწიფოებრივი მხედართმთავარი 1978 წლის თებერვალში 62 წლისა მოულოდნელად გარდაიცვალა.

ჰიტლერელთა ვარაუდი — სამ დღეში სევასტოპოლის იერიშით აღების შესახებ — ქრახით დამთავრდა. საბჭოთა მეომარ-

ბი 250 დღეს გმირულად იცავდნენ გმირ ქალაქ სევასტოპოლს. ამ ეპოპეას თვალყურს ადევნებდა მთელი მსოფლიო. ქერჩი, სევასტოპოლი, ნოვოროსიისკი, ტამანის ნახევარკუნძული, ანაპა და სხვა ადგილები საბჭოთა კავშირის ხალხთა შვილებთან ერთად მორწყულია ათასობით ქართველი, სომეხი, აზერბაიჯანელი მეომრის სისხლით, ყირიშისათვის ბრძოლებში მონაწილე 120 ათასზე მეტი ქართველი მეომრიდან ნახევარზე მეტი გმირულად დაიღუპა. აქედან ორი-ათასზე მეტი მშოური აჭარის წარმომადგენელია.

ფაშისტებმა მარტო ქერჩში შვიდი ათასი საბჭოთა მოქალაქე დახვრიტეს. აჯინუშკაის სამტეხლოებში წითელი არმიის სუთი ათასზე მეტი დაჭრილი და ავადმყოფი მეომარი, ადგილობრივი მცხოვრებნი, ბავშვები, ქალები, მოსუცები მხეცურად მოახრჩვეს. გადაწვეს მრავალი სოფელი, დაანგრირეს საზოგადოებრივი შენობები. სოფელ ჯანტორაში აღმოაჩინეს გერმანელების მიერ ნაწამები და კოცონზე დამწვარი წითელარმიელის — ზუგდიდელი გრიგოლ სხულუხიას სხეული. როგორც შემდეგ აღვინდა, ტყვედ ჩავარდნილმა გ. სხულუხიამ ჭალათებს არ გაუმხილა საბჭოთა ნაწილების ადგილსამყოფელი, რისთვისაც ცეცხლში ჩააგდეს, მოტეხეს ორივე ხელი. ზურგზე სუთქიმიანი ვარსკვლავი ამოჭრეს. გ. სხულუხიას სიკვდილის შემდეგ საბჭოთა კავშირის გმირის წოდება მიენიჭა.

ფაშისტების მხეცობამ შურისძიების გრძნობით აღავსო საბჭოთა ჯარისკაცები, რომლებიც მზად იყვნენ ახალი ხადმირო საქმეებისათვის.

დადგა დღე შურისძიებისა.

1944 წლის 8 აპრილს საბჭოთა ჯარები შეტევაზე გადავიდნენ. — 35 დღის განმავლობაში ყირიში, ელვისებური და-

არტემების შედეგად გაიწმინდა ოკუპანტთა თარეშისაგან.

10 მაისს უკრაინის ფრონტის ჯარებთან ერთად ზღვისპირეთის არმიის მეომრებმა გაარღვიეს გერმანელთა ძლიერ გამაგრებული თავდაცვა და იერიშით აიღეს ციხე-სიმაგრე და დიდმწიხნელოვანი სამხედრო-საზღვაო ბაზა შავ ზღვაზე — სევასტოპოლი.

გმირი ქალაქის — სევასტოპოლის განთავისუფლებისათვის ბრძოლაში ღირსეული წვლილი შეიტანეს ანაპის სახელობის წითელდროშოვანი 414-ე ქართული მსროლელი დივიზიის მეომრებმა (დივიზიის მეთაური — გენერალ-მაიორი ვ. ძაბახიძე, პოლიტგანყოფილების უფროსი — პოლკოვნიკი ვ. ჯანჭღლაძე).

გამოჩენილი მხედართმთავრის გენერალ-პოლკოვნიკ პ. ჩანჩიბაძის ნიჭი განსაკუთრებით გამობრწყინდა ყირიმში.

ქობულეთის რაიონის სოფელ ლედვას მკვიდრი აბდულ წულუკიძე ფრონტზე წასვლამდე — 1941 წლის სექტემბრამდე — ამ სოფლის კოლმეურნეობის ვამეფობის თავმჯდომარე იყო. 1942 წლის მარტში ასლადფორმირებული 414-ე ქართული დივიზიის 137-ე მსროლელი პოლკის ბატალიონის კომისრად დაინიშნა და აქედან დაწყებული, მისი ბიოგრაფია განუწყრელად დაუკავშირდა მშობლიური დივიზიის საბრძოლო საქმიანობას. ბატალიონის მეთაური კაპიტანი ნიკა ამირიძე გამოცდილი და გულისთადი ოფიცერი იყო, პირველ მსოფლიო ომში წმინდა გიორგის ოთხივე ორდენი დაიმსახურა. მას ახარებდა ა. წულუკიძის სიამაყე, წინააღმდეგობა, დიდი ორგანიზატორული ნიჭი და, რაც მთავარია, მეომრებისადმი თავდადება, მათი დიდი სიყვარული.

1944 წლის 28 იანვარს ა. წულუკიძე ორგზის მიყენებული მძიმე ჭრილობის შედეგად ბრძოლის ველზე გარდაიცვალა. ყველა დაამწუხრა მისმა დაღუპვამ. იგი ყირიმის მიწას მიაბარეს და სამო საფლავში განისვენებს ქერჩის სამხედრო სასაფლაოზე. ყირიმის 157 სამშო

საფლავზე განისვენებს ათასობით ქართველი მეომარი.

ყირიმელი მშრომელები, დიდი სამამულო ომის ვეტერანები უკვდავყოფენ იმ აღმაშენებელ სახელებს, რომლებმაც თავი შესწირეს ჩვენს წმიდათაწმიდა საქმეს.

30-იანი წლების ბოლოს ჯემალ ბაკურიძე პარტიის ქობულეთის რაიკომის მეორე მდივნად მუშაობდა. 1940 წელს იგი ლენინის სახელობის მოსკოვის ორწლიან პარტიულ სკოლაში გაგზავნეს, მაგრამ მისი დამთავრება არ დასცალდა... ომის დაწყებისთანავე ბატალიონის კომისრობა შესთავაზეს. კურსკი, ბელგო-გორი, ყირიმი... საყვარელი კომისარი პირადი მაგალითით ადლერთოვანებდა მებრძოლებს. ერთ-ერთი გაზედული ოპერაციისათვის ქერჩში სახელოვანი კომისარი წითელი დროშის ორდენით დააჯილდოვეს, მაგრამ მალე იგი ბრძოლაში დაეცა...

ქობულეთელმა ხუსეინ ბეჟანიძემ 1926 წელს წარჩინებით დამთავრა სამხედრო სასწავლებელი და ოცეულის მეთაურად დაინიშნეს ქართულ დივიზიაში, რომელიც მაშინ ზურგში იდგა. 1938 წლის დასაწყისში დაინიშნა ქედისა და ბათუმის რაიონების სამხედრო კომისრად, სადაც 1941 წლის სექტემბრამდე იმუშავა. შემდეგ ასლადფორმირებული 390-ე მსროლელი დივიზიის 284-ე პოლკის მეთაურად დააწინაურეს და ფრონტზე გაგზავნეს. 1943 წლიდან კი პოდპოლკოვნიკი ხ. ბეჟანიძე 276-ე მსროლელი დივიზიის 871-ე პოლკის მეთაურია და ყირიმში მუსრს ავლებს მტერს. მეთაურის მკერდს მთავრობის მაღალი ჯილდოები — 6 ორდენი და 5 მედალი ამშვენებდა.

ხ. ბეჟანიძე 1967 წლის თებერვალში გარდაიცვალა.

მამაცობის განსაკუთრებული მაგალითები გამოავლინა ყირიმის ბრძოლებში 224-ე მსროლელი დივიზიის 143-ე პოლკის კომისარმა, ბათუმის მკვიდრმა აკაკი გიორგაძემ. იგი 19 წლისა იყო, როცა საბჭოთა არმიის რიგებში გაიწვი-

ვს. შემდეგ ზემსახურად დარჩა. მალე თავის პოლკში პოლიტხელად დანიშნეს. 1940 წელს კი ბატალიონის კომისრად დაწინაურეს. იმ წელსვე დაუსწრებლად სწავლობდა ლენინგრადის სამხედრო აკადემიაში, მაგრამ მისი დამთავრება არ დასცალდა. ყირიმის ფრონტს მიაშურა. მუდამ მოწინავეთა რიგებში მყოფი ა. გიორგაძე მძიმედ დაიჭრა და ბრძოლის ველზე დაეცა. მთავრობამ მისი მამაცობა ლენინის ორდენით აღნიშნა.

ქედმოუხრელი კომისრის შესახებ სადესანტო ბრძოლების მონაწილეთა ნაამბობის საფუძველზე მწერალმა რ. მარგიაშვილმა შექმნა „ბალადა კომისარ გიორგაძეზე“, რომელიც დივიზიის სტამბაში დაბეჭდა. ის სწრაფად გავრცელდა, სახელმძოვნი კომისრის სანაქებო ოჯახი — მეუღლე, ორი ქალიშვილი და ვაჟი წმიდად ინახავენ სამშობლოს თავისუფლებისათვის გმირულად დაცემული მამის ხსოვნა.


ყირიმისათვის ბრძოლებში მამაცობითა და გამჭრიახობით თავი გამოიჩინეს აჭარის რესპუბლიკის, წარგზავნილებმა: შაქრო მოისწრაფიშვილმა, მიხეილ დარჩიამ, ვლადიმერ თოიძემ, დიმიტრი დოლიძემ, ჭემალ წითელაძემ, ივანე იუდინმა, გიორგი ჩიჩუამ, მიხეილ დვალისვილმა, მოსე ჩხარტიშვილმა, აკაკი ხობუამ, ლაშარე ცეცხლაძემ, გუგული ჩხაიძემ, ივანე კვიციმემ, კუკური ჩხარტიშ-

ვილმა, ივანე ტოროტაძემ, ელისე ტულუშმა, ამბერკი ლორიამ, გაბრიელ ჩახიბაიამ, გიორგი მშვიდლობაძემ, თეოდოლე ყურაშვილმა, ისმაილ გორგილაძემ, გუგული გაბისონიამ, გერმანე მუჟანაძემ, ალექსანდრე სოფრომაძემ, ვიქტორ ფოცხვერაშვილმა, ბენდო ფხვიძემ, ბენო გიორგაძემ, ნიკოლოზ ჯოსაძემ, შალვა ხახნელიძემ, რიზა ჩეიბიშიმ, მამია კუკულაძემ, ნიკოლოზ ტულუშმა, ვლადიმერ ხიხაძემ, მურად ევგენიძემ, ქსენია კობლაძემ, სერგო ბურჭულაძემ, ნიკოლოზ გოგინაიშვილმა, იოსებ დიასამიძემ, ალექსანდრე ვერულიძემ, ქესკინ გუგუნავამ, ასლან ბეჟანიძემ, სიმონ წილობანმა, კლიმენტ რჩაიძემ, ელისე ჩხაიძემ, ეზიკი ჩხვიძემ, შევეკეთ შერვაშიძემ, მიხეილ გუჯაბიძემ, აკაკი სულაბერიძემ, გიორგი რუსეიშვილმა, აკაკი გაბელიამ, მიშა ხარებავამ, მიხეილ სისარულიძემ, ახმელ წუწუნავამ, ვალერიან კლეჩიანამ, ახმელ მიქელაძემ, კოტე სანაძემ, ვალიკო სალუქვაძემ, დურსუნ შავიშვილმა, ილიას გოგიტიძემ, გიორგი აკოფოვმა, ვალიკო უდენტმა, კონსტანტინე მაღანიამ, გივი ქანუყვაძემ, შოთა სირაძემ და სხვებმა.

დღეს ომგადასდილთა უმრავლესობა აჭარის სხვადასხვა კუთხეში მოდგაწივობს და შრომაშიც მოწინავეა.

იასონ ცერცვაძე,

გადამდგარი მაიორი, ყირიმის ბრძოლების მონაწილე.



მკვლელი კოლხური ჰანგები

ჩ ა რ ი რ ა მ ა

ჩარი, ჩარი, ჩარირამა,
 ჩარირამა ჩარია,
 შენი ეზოს ავლა-ჩავლა
 ნეტავ, რად მიხარია.
 ჩარი, ჩარი, ჩარირამა,
 ჩარირამა ჩარია,
 ცრემლი თვალებს ჩამილამავს,
 შენ რომ გვერდით ჩამიარ.
 ჩარი, ჩარი, ჩარირამა,
 ჩარირამა ჩარია.
 კაცის გული არის ჩარმა,
 ქალის გული ფალია.
 ჩარი, ჩარი, ჩარირამა,
 ჩარირამა ჩარია.
 სიყვარულმა ჩაიარა.
 და ეს გული მკვდარია.

რისი მტერი, ვისი მტერი,
 ოუ, ნანა, ნანა.
 სიყვარული არ ჯობს განა?
 ოუ, ნანა, ნანა.
 ჩქარა, სანამ გახდი მტვერი,
 ოუ, ნანა, ნანა.
 სანამ ხარობ ამ ქვეყანას,
 ოუ, ნანა, ნანა.
 სიტყვა — მოკლე, საქმე — ბევრი,
 ოუ, ნანა, ნანა.




რა უცებ გამალარიბე,
 რა უცებ გამომიმეტე.
 რა დასაკლავი ხარივით
 წამომიქციე იმელი.
 რა უმოწყალოდ დამაზრე,
 შენით ლალი და მდიდარი.
 ვაი, რა უცებ დამაშრე
 აღიდებული მდინარი.

ღარღიანი ღამღივიარ

არწივივით ვიყავ ლალი,
 სანაგარდოდ მქონდა ცა მე.
 ახლა, შენზე ფიქრით დაღლილს,
 არც დღე მყოფნის და არც ღამე.
 რაც შენ გნახე, შეგიყვარე,
 სისარულმა მიმატოვა.
 ჩემს დაკეტილ გულის კარებს
 აღებთ შენ და სიმატოვე. •
 ახლა ცრემლით ვიკლავ
 წყურვილს,
 გზაზე საგზლად მიმაქვს ოხვრა.
 არაფერზე მიმდის გული,
 ყველაფერი მრჩება ოხრად.
 დარდი რაა, არ ვიცოდი,
 დარდიანი დავალ ახლა.
 იმას ჰქონდეს ჩემი ცოდვა,
 შენი თავი ვინც მანახა.

მიეჩაქჩაქებთ, მიეჩარჩალბთ
მე და ჩემი ურემი.
აქეთ ბუსკა, იქით ჩელა,
გულში — დარდი ულევო.
ხარებს ღამე მიაქვთ რქებით,
ურმის ღერძი ჭრიალებს.
ჩან გული და ხან ფიქრები
ბორბალივით ტრიალებს.
ჩემო ბუსკა! ჩემო ჩელა!
თქვენი ქედით უღლეღით,
თქვენც დარდივით მიგაქვთ ნელა
აკაციის უღელი.
ჭურიან თქვენი სკოლა,

წიგნი — შარა ნაბადას.
თქვენი ღზინი — ლაფში წოლა,
ლაქაშებში ნავარდი.
მე კი ჩელა, მე კი ბუსკა,
მადნობს დარდი უთქმელი;
ამ ცხოვრებით მოკლულ გულს
კლავს
სიყვარულის უღელიც.
თუმც ვუყვარვარ, თუმცა მიყვარს,
მაინც ტირის ეს გული...
ღარიბი ვარ, მდიდარს მიჰყავს
ჩემი შეყვარებული.



შეტყუა

მხატვარი გენალი ტულუში.



ახალი რომანის ერთი თავი

უფროსმა გამოძიძახა. ცოტა პედანტი კაცია და გაგანია სიცხეში, როცა პიჯაკის ჩაცმა სისულელეა, მასთან უბიჯაკოდ და უპალსტუხოდ ვერ შეხვალ. პიჯაკი საკიდარზე თვეობით ჩვარივით ჰკილია, ვინიცობაა, თუ გამოგვიძახა, გადავიცვამთ. თხუთმეტი დღეა, უფროსთან არ შევსულვარ, არც ისე საშური საქმე იყო და გამიკვირდა, რატომ მიბარებდა.

პიჯაკი ჩავიცვი. ჯიბეში ჩაჩრილი ჰალსტუხი, როგორც შევქელი, გავიკეთე და, ცოტა არ იყოს, ველავდი. ეს რამდენიმე დღეა, ყველა მატყობს უგუნებობას და მეშინია, ხომ არაფერი გაუგიათ-მეთქი.

უფროსი მარტოდ დამხვდა.

— გამარჯობა, დავით!

— იცოცხლეთ, გრიგორ ივანიჩ!

კაბინეტში ახალთახალი ავეჯი ბზინავდა და იდეალური სისუფთავე იყო. ფანჯრებზე ვეებერთელა ნაყშიან ფარდებს ნიავი არხევდა. უფროსმა თბილი თვალებით შემომხედა. არა, გაგებული რომ ჰქონოდა, ასე არ შემომხედავდა.

— როგორ ხარ?.. — მეკითხება იგი, — მარტო ცხოვრება არ მოგებზრდა? — თავი გააქნია, — აი, აი, არაა კარგი, შენ ახლა სამი შვილის მამა უნდა იყო!

— გრიგორ ივანიჩ...

— არ თქვა, — სიტყვა გამაწყვეტინა, — ეს მაკლია, ის მაკლიაო.

— არა, მაგრამ...

— ბინა გაქვს, ხელგამართული ცხოვრობ, სხვა რაღა გინდა?!

— არაფერი! — გავიცინე და შევხედე.

— ჰო, ქალებს გადაყვი. მოიყვანე ცოლი, თორემ ეგ ქალები დაგლუბავენ! არაფერი მითქვამს, ყურადღებიანი კაცია, ყველა თანამშრომელის ოჯახს იცნობს, ყველას ხელს უმართავს, ეხმარება. დღესასწაულზე ოჯახებში ჩამოუკლის მად, თითო ჰიქა ღვინოს დაღვევს, დალოცავს და წავა. იგი არ ჰგავს ცხვირ-აწეულ უფროსს, თავში რომ არაფერი უღვევს და გაბღენძილი დადის.

ერთხანს ვდუმდი.

— დავით სოლომონიჩ, — მითხრა მან. — იცი, რატომ გამოგვიძახე?



ანა სიცხეში, როცა
სტუდენტ ვერ შეხვალ-
თუ გამოგვიძახა, გადა-
რც ისე საშური საქმე

არც შევძელი, გაგიკეთ
ლა მატყობს უგუნებობას

სული სისუფთავე იყო.
უფროსმა თბილი თვა-
რ შემომხედავდა.

ერება არ მოებეზრდა? —
ღის მამა უნდა იყო!

ის მაკლიაო.

ა გინდა?!

გ ქალები დაგლუბავენ!
თანამშრომელის ოჯახს
სულზე ოჯახებში ჩამოუკ-
ავა. იგი არ ჰგავს ცხვირ-
ნმბილი დაღის.

ბატონ გამოვიძახე?

— არა! — სერიოზულად შევხედე.
— გაწინაურებთ!
ვერაფერი ვთქვა, უხერხულობისგან თავი დაეხარე.
— უფროსი ეკონომისტად გადავიყვანე, ასეთია ჩემი აზრი, ვნახით, სხვები რას
იტყვიან, — გაიცინა, — შეძლებ?

შევხედე.
— აბა, რა ვითხრათ?!
— გასაგებია! — თითო ღაპკრა მაგიდას, — მოიფიქრე და მითხარა!
— კარგი!
— ორი ღღის ვადას გაძლე!

თავის დაკვრით გამოვეთხოვე, კაბინეტში გონებაარეული დაგებრუნდი. სიხა-
რული და გულისტკივილი — ეს ორი გრძობა ჩემში ერთმანეთს შეეჭვიდა. რამ-
დენიმე წუთს უძრავად ვიჯექი — თუაზე ვფიქრობდი. ტელეფონის ყურმილი ავი-
დე და დავერქე, როგორ ხარ-მეთქი, ვკითხე, კარგალო, მძაპსუხა. ხომ არაფერი
გინდა-მეთქი, არაო, და მეც შეტი ვერაფერი ვკითხე. ერთხანს გაშუშებული ვი-
ჯექი, ვფიქრობდი. გარკვეულად ვიცოდი, რაზეც ვფიქრობდი, მაგრამ მაინც არ
მჯეროდა. იყო სინანული და შორეული ზმანება. სულის ამაფორიაქებული ზმანე-
ბა. ვერ ვიხვეწებდი, მუშაობაზეც გული ამიცრუვდა. ხასიათს მიფუჭვდა ჩემი
კვლარა, დამძიმებული სახის ნაკეთები და სილურჯეგადარეული ტუჩები.

ტელეფონმა დაიწვრიალა.
— გისმენთ!
პაუზა.

— ალო!
მეისევ ვეციანი, თინა მირეკავდა.
— შენ ხარ?!

— ჰო, არ მელოდი?
დავბენი, რა მუპასუხა? მართლაც, არ მახსოვდა, ვიცი, მეტყვიის, საღამოს
კინოში წაივდიო.

— დაკავებული ვიყავი!
— ასეა, — მკაცრი ტონით მითხრა, — შენგან ყველაფერია მოსალოდნელი.
— თინა, არ მეცალა!
— იქნებ არ გესიამოვნა, რომ დაგიარეკე?
— არა, არა, იყო რაღაც!
— რა?
— მაწინაურებენ!
— მართლაც?
— ჰო.

პაუზა.
— მომილოცავს!
— გამალობთ!

გული მაინც არ მომბრუნებია, ვინანე კიდევ, არ უნდა მეთქვა, ალბათ, აწი
ვედარ მოვიზოვებ. ჩემი სიტყვა გამართლდა — ხმა დაუნახდა, ოდნავ ღელავდა
და მიუზნებოდა: გუშინ საღ იყო, მოუთქმელად მელოდა, ბევრი იდარდა, რომ
არ მივედი და კიდევ ათასი რაღაც-რაღაცეები. ნერვიულობისაგან ყურმილი კინა-
ღამ გამოვიარდა, ხმა არ გავეცი და მკიობა, ხომ მისმენო? მერე მოვიფიქრე, ამხა-
ნავი მელოდებო-მეთქი და გამოვეთხოვე. ცოტა ხნის შემდეგ დარეკა.

ქართული
ლიტერატურის
კლასიკის
სამხატვრო
მუზეუმი



- მარტო ხარ? — მეკითხება.
- კი!
- რატომ არ მიიხარია, როდის შევხვდეთ?
- როდის? — არასოდეს-მეთქი, გავივლე გულში, მაგრამ რომ არ ეგრძნობ

დავუყვავე, — როცა იტყვი!

- დღეს!
- დღეს?! — დავფიქრდი, მიზეზს ვეძებდი.
- იქნებ დრო არ გაქვს?
- კარგი, საღამოს მოვალ! კარგად იყავი!
- ჰო, დროებით.

ყურმილი დავდე და სიბრაზე ყელში მომეხვინა. რა ოხრობამ მათქმევინა, კარგი გოგოა-მეთქი, ახლა არ გინდა, მოიშორი?! გამაცნეს, თვალში მომივიდა და ვთქვი, კარგი გოგოა-მეთქი. გულახდილად ვერ ვიტყვი, რატომ არ შემიძლია მასთან შეხვედრა. დაცარიელებული ვიყავი, გამოფიტული, კრინტს ვერავისთან ვძრავდი. სრულებით დამავიწყდა დაწინაურების სიხარული, სხვა დროს ცას მივწვდებოდი. ერთ კარგ სუფრასაც გავშლიდი, მაგრამ ახლა არ მინდოდა მეფიქრა მასზე და მენერვიულა.

- დავით! — მეძახის თურმე ჩვენი ინჟინერი.
- დავით! — არც მეორეჯერ გამიგონია მისი ხმა.
- არ გესმის? — კარებში იდგა და გაცოცხლებული მიეყურებდა. გონს მოვეკვი, წარბი გავხსენი. მისაყვედურა, ხომ არ დაყრუბულხარ, სამჯერ დაგიძახეო. სიმწრით გავიდიმე.

დავბერდი! — ვთქვი.
 - ჰა, ჰა, ჰა... რა უცნაური ხარ! — კარი მიხურა და ჩემს მაგიდასთან გაჩერდა, — ვეღარ გცნობ, ხომ არაფერია?!
 იმოქმედა მისმა მეგობრულმა შეკითხვამ, — მხრები ავიჩინე, ვერც ჰო ვუთხარი, ვერც არა.

- მოხდა რამე?
- არა, ისე!
- შენ რაღაცას მალავ, თქვი!
- ჰმ! — ისევ სიმწრით ჩავიდიმე და დავჯექი, ისიც დაჯდა, მაგიდაზე ხელები დააწყო და შემომაჩერდა.

— რა უნდა იყოს? — დავძინე ცოტა ხნის შემდეგ.
 — არა, შენ რაღაცას მალავ!
 ვუთხრა?... ორვჭოფობდი, თითებს მაგიდაზე ვათამაშებდი, ვიგრძენი, სახე მომეჭურა.

- შალვა, — ხმა გამებზარა, — ჩვენ ხომ მეგობრები ვართ?
- ეჭვი გეპარება?!

— ჰოდა, ერთ საიდუმლოებას გაგანდობ, არავის უთხრა, თანაც უნდა გამიგო, — დავფიქრდი, — იმ საღამოს, როცა ჩვენ „მზიურში“ ვიყავით, ფათურაკს გადავეყარე... ჩემს სადარბაზოში გოგო ეგდო. მთურაღმა ძალა მოვიკრიბე და ხელში ბავშვივით ატატებული სახლში შევიყვანე, ისე დაბეგვილ-ნაწამები იყო, გონს დილაძმდე არ მოსულა, — შალვას თვალები გაუფართოვდა, ახლოს მოიწია, — შევცდი, უნდა გამეცხადებინა. მერე, გონს რომ მოვეგო, მთხოვა არავისთვის მეთქვა. მეც ვლუმვარ და არ ვიცი, რა მოჰყვება ამ ამბავს.

- ვინაა?
- თბილისში, ტექნიკუმში გამოცდებს აბარებდა, ჩაჭრილა და შინ ბრუნდე-

ბოლა. მატარებელს გაუსწრია, ვიღაცების „ვოლგაში“ ჩამჯდარა და, ჩვენ წავი-
ყვანთო შინ, სამტრედიას რომ გამოცდნენ, გზიდან გადაუხვევიათ და... უცქვითათ
კიდეც იმ ძაღლიშვილებს!

— მერე, აქ საიდან?

— ეს არც მან იცის, ახსოვს მხოლოდ, როცა თვალი გაახილა, გზის პირას
ვეგლო, ბალახებში. არ იცის, როგორ მოხვდა ჩემს სადარბაზოში. ახლა მიხვოს,
არავის არ ვუთხრა და სამუშაო ვუშოვო.

— მშობლები?

— არ ჰყავს, მამიღამ გაზარდა.

— საშიშია, თუ მოაკითხეს?

— სამუშაო მიშოვე და არავისი არაფერი მინდაო, ოთახსაც დაეიქირაველო.

— „ვოლგის“ ნომერი არ ახსოვს?

— არა, მხოლოდ სახეზე შეუძლია მათი ცნობა. ტანზე ყველაფერი შემოხე-
ული ჰქონდა, ფული მივეცი და ზოგი რამ იყიდა. ანგელოზია, პირდაპირ საცო-
დაობაა, მას რომ უყურებ, რა გული უნდა გქონდეს, ბავშვს ასე მოექცე. ძებნა რომ
გამოაცხადონ და ჩემთან ნახონ, რა ვთქვა, ვინ დამიჯერებს?!

— აქ საიდან აღმოჩნდა, საოცარია!

— მეც მიკვირს! გზის პირას, ალბათ, თავად გამოიყვანეს, რომ გამვლელს
ენახა... იქნებ, გზის პირას გონებადაკარგული რომ ეგლო, ჩასვეს მანქანაში
და წაიყვანეს.

— შეიძლება!

— მერე!... აქ ჩამოიყვანეს?... არა, აქ რაღაც საიდუმლოებაა!

— იქნებ, თვითონ არ ამბობს ყველაფერს.

— არა მგონია, ტყუოდეს.

— შეცდი, მილიციაში უნდა გაგეტხადებინა.

— თავისი უბედურება ჰყოფნის, ქვეყანას როგორ გაგაგებინო-მეთქი, ბავშვია.
ჩემს ადგილას სხვაც ასე მოიქცეოდა. თვალს ვერ მოწყვეტ, ისეთია! ახალნა კაბა
რომ ჩაიცვა და თმა დაივარცხა, ნამდვილი ანგელოზია, მაცვალივით შავი თვა-
ლები აქვს, ღიდრონი...

შალვამ გაოცებით შემომხედა.

— ხომ არ შეგიყვარდა?

— აჰ, სად მე და სად ის? მისი ტოლი რომ ვიყო, მგონი, ყურადღებას არა-
ფერს არ მივაქცევდი!

ისევ გაოცებით შემომხედა.

— შენ, შენ ხომ არ ეშმაკობ?

— როგორ გეკადრება?!

— ყველაფერი ხდება ცხოვრებაში! ისე, თუ დამიჯერებ, თავიდან მოშორება
ჯობს, ხიფათს არ გადაეყარო. სწორედ მასეთი მარწყვივით გოგონებია საშიში!

— როგორ ვუთხრა, წადი-მეთქი, აბა, სად წავიდეს?! მისთვის სამუშაოს ვე-
ძებ, ბინასაც დავუქირავებ, შემდეგ რაც უნდა, ისა ჰქნას!

— ჰა, არ გცოდნია, სიყვარული ასე იწყება! — გაიცინა მან.

სიყვარული არ ვიცი, როგორ იწყება, ალბათ, ვერც ვერავინ იტყვის, მა-
გრამ, რაც ვთქვი, ჯერ საკუთარ თავთან არ მიფიქრია.

— სიყვარულს თავი დავანებოთ, ის მითხარი, როგორ მოვიქცე?

— მამიღას გააგებინე!

— არ შვრება, თავს მოვიკლავო.

— აბა, რა ვითხრა?!

— ნურავის ეტყვი. — შევხვდეთ.

— არა, არა!

სავონებელში ჩავვარდი, არ გამეძინლა, ჯობდა. ჩემი ბრალია, მილიციას რომ არ გამოვუძახე. სხვა რა?.. არა მგონია, თეამ ცუდი თქვას ჩემზე. ვთხოვ, წერილი გაუგზავნოს მამიდას, მისამართს ნუ მისწერს, გააგებინოს, კარგადაა, მუშაობს და მალე ესტუმრება. ეს აზრი მომეწონა, შინ დაწყნარდებიან და ძებნას არ დაუწყებენ. ვთხოვ, მისწეროს, თითქოს მოსამზადებელ კურსებზე დადის და გაისად აუცილებლად მოეწყობა ტექნიკუმში. დავგეგმე და დავმშვიდდი. მაგრამ რატომ არ მინდა თეას წასვლა?.. არ გაეგოთ და არ მოეკითხათ?.. არ ვიცოდი.

კაბინეტში ჩაიკეტე, თვლიდან არ მშორდებოდა თეა. შალვას სიტყვების შემდეგ გულახდილი გავხდი საკუთარ თავთან — ვხედავდი მას მომდინარს, მესმოდა მისი ტიტინი, მაგრამ წარმოვიდგენდი თუ არა, რაც გადახდა, ვნერვიულობდი, ხელებს ვიფშენებდი და, მაგიდაზე დაყრდნობილი, ფიქრებს მივეცემოდი. გაივლიდა რამდენიმე წუთი და თვალწინ თეა გაცოცხლდებოდა, ვხედავ, ფანჯარაზეა გადმომდგარი, სარკესთან დგას, თმა ჩამოუყრია და საკუთარ ორეულს უღიძის...

რაც უნდა მოხდეს, არ ვეტყვი, წადი-მეთქი. იყოს ჩემთან, ვასწავლი, ჩავაცემე, ვუბატრონებ და მერე... საკუთარ თავთან ვერ ვთქვი, ბელს ეწიოს-მეთქი, ძნელი აღმოჩნდა, გულზე გამეკენწლა.

ტელეფონმა დაიწკრიალა.

— გისმენო!

— დავითი ხარ? — მეკითხება ვიღაც ქალი.

— განლავართ!

— გამარჯობათ! — ხმა დაინახა.

— გაგიმარჯოთ! ვინ ბრძანდებით, ბოლიში, ვერ ვიცანით.

— ზინა ვარ!

ვერ მოვიგონე და გავიკვირვე.

— ზა, ზა, ზა... — იცინის იგი, — გულმავიწყი ყოფილხართ!

— „ზინა, ზინა... ვის ვიცნობ ზინას?“ ჰო, მომაგონდა.

— ა, თქვენ ხართ?

— დიახ, მომეწონა თქვენი ქალაქი, წყნარი, სუფთა ქალაქია, ხალხიც კარგია, თუმცა...

— თუმცა ზოგი უყურადღებოა, არა? — გავიცინე.

— ჰო!

— მაპატიეთ, ჩემი ბრალი არაა, თორემ... მარტო ხართ?

— მარტო ვარ.

— სასიამოვნოა!

— თქვენ მუშაობთ?

— ასე ვთქვათ!

— ალბათ, დრო არ გაქვთ?

გასაგები იყო მისი შეკითხვა და ვუთხარი:

— თუ ნებას დამრთავთ...

— მოხარული ვიქნები.

— გმადლობთ!

— ოღონდ შეიდი საათის შემდეგ...

გულზე ცაცხლი წამეკიდა. ტელეფონის ყურმილი დავდე, თვალები მიელაგა და. საღამოს შეიდ საათზე... საღამოს შეიდ საათამდე დიდი დროა, მთელი სამი

საათი. შინ მისვლას მოვასწრებ, პერანგს გამოვიცვლი, გამოვკონტაქვები და მივაკითხავ, მაგრამ ჯობს, ჯერ დავურეკო, გარეთ გამოვიყვანო... თეა შინ მარტოა, კარგამოკეტილი, რა ვუთხრა, სად მივდივარ-მეთქი. კინოში?.. თეატრში?.. წვეულებაში?.. არა, ვერ ვეტყვი, გული დაწყდება, იჯავრებს! არ მეტყვის, სად მიდინარო, მაგრამ მარტო დატოვება გამიმნელდება. შვიდის ნახევარზე დავურეკავ, საქმეს შევრჩი და შემაგვიანდება-მეთქი. სამუშაოს დამთავრებისთანავე ქუჩაში გავედი. შვიდის ნახევარი იყო, ვნერვიულობდი, გული უკან მეწეოდა და ვერ გადამეწევიტა, დამერეკა თუ არა სასტუმროში. ჭოჭმანში ნახევარი საათი გავიდა. მე ისევ ქუჩაში დავაბოტებდი, წუთებს ვითვლიდი და, რაც დრო გადიოდა, მით უფრო არ მიხდოდა სასტუმროში დამერეკა. უნებლიეთ შევბრუნდი და შინისკენ გავემართე, მყისვე გულზე სიმძიმე მომეშვა. უმჯობესია მაღაზიაში შევივლი, რაღაც-რაღაცაეებს ვიყიდი და თეას მიუუტან! გაუსარდება, იქნებ დაივიწყოს თავისი უბედურება. ჰო, მხოლოდ ეს მსურდა და სხვა არაფერი...

ტელეფონმა დაიწვრიალა, საძინებელში გავედი და ყურმილი ავიღე.

— გისმენთ!

— გამარჯობა, დავით!

ვიცანი, თინა იყო, გული დამიმძიმდა.

— გავიმარჯოს... ამ დილით როგორ გავახსენდი?

— მე ყოველთვის მახსოვხარ!

დუმილი ჩამოვარდა.

— დავით!

— გისმენთ!

— დღეს რას აკეთებ?

— რა, რა უნდა გავაკეთო! — ტკეპნით ვუთხარი, სახეზე სიმბურვალე ვიგრძენი.

— საქმე მაქვს, გამოხვალ? — გამომწვევად მითხრა.

— ახლა ავდექი.

— მაშ...

— შემდეგ!

— მაინც?

— როცა მეტყვი.

— კარგი.

— მე... სამ საათზე.

— დროებით. — ისევ გამომწვევად მითხრა.

— კარგი.

— ჰო, დროებით.

ყურმილი დავდე, გული საგულეს არ მქონდა, ვიგრძენი, დღევანდელი სადილის იდილია ჩაიშალა. ვერ მოვიაზრებ, თეასთვის რა მეთქვა, სამსახურში მიბარებენ-მეთქი? გონებაარეული შევედი მასთან, თუმცა ვცდილობდი, არ შეეტყო. არ უკითხავს, ვინ იყო, იქნებ გულზე კიდევ გაჰკენწლა ქალურმა ცნობისმოყვარეობამ, მაგრამ არ უკითხავს.

— სამსახურიდან დამირეკეს! — ვთქვი მე. თეა შეცბა, ალბათ, მასაც გულმა უაზრა, სადილის იდილია ჩაიშლებოდა, — სამ საათზე მივდივარ, — საათზე დავიხედე, — თორმეტის ნახევარია, ბაზარში წასვლას მოვასწრებ, — წარბი გავხსენი, მითხარი, რა ვიყიდი?

— ბაზარში სიარულს რომ არ ხარ ჩვეული?! — გაიცინა მან.

— შევეჩვევი!... რა ვიყიდი?

— რაც შენ ვინდა!

ბაზარში ერთი საათი დაეყავი, ვიცილე ქათამი, ტყემალი და მწვანელი კუკული, ვეულო იყო, ნაცნობებს ეცინებოდათ — მე და ბაზარი. ადვილი წარმოსადგენია, რა მდგომარეობაში ვიყავი, ხორაგი ისე მიმქონდა, არ დაენახათ, რომ ბაზრიდან მოვდიოდი, გულზე მაწვა, თავი როგორ დამეჭირა, რომ არ ვგრძნოთ ჩემი გასაჭირი. ერთი შეხედვით, მოუქნელი, უბრინციპო ვჩანდი, თითქოს ვაკაკაცობისა არაფერი გამაჩნდა და სხვების ფეხის ხმას აყევი, მაგრამ ვიმეორებ, ერთი შეხედვით, თორემ ჩემს დღეში სხვისი ჭკუის სწავლება ყურად არ მიმიღია, როგორც მინდოდა, ისე ვიქცეოდი.

კარი თეამ გამიღო, გამოცვლილი მეჩვენა, გახალისებული და მიმნდობი. ხორაგი ჩამომართვა.

— მალე მოხვედი! — მითხრა მან.

— ჰო!

— წასვლამდე ისადილებ, თუ?!.. — დიდრონი თვალებით შემომხედა.

— მოასწრებ?

— კი!

— წასასვლელი ვარ! — ტანზე სიმბურვალე მომედო, შინ გაჩერება აღარ შემეძლო, — მალე მოვალ!

— ხუთზე?

— ჰო, ასე, ექვსზე მაინც. ღვინოს მოვიტან, თითო ჭიქა დავლიოთ! შევატყევე, ესაიამოვნა.

— ღვინოს არ ვსვამ.

— ჩემი ხათრით, ერთ ჭიქას დალევ!

არ შემოუხედავს, მაგრამ ვიგრძენი, ჩვენს შორის გაიბა უხილავი ძაფი, რომელიც ერთმანეთისკენ გვეწეოდა და სულს გვიფორიაქებდა. კარებში რომ გავედდი, თვალს დამატანა და მოიწყინა კიდევ, კინაღამ მივბრუნდი, მაგრამ ვიცოდი, შემოყოლებდა, თინასთან შეხვედრა გადამავეწყვებოდა და ატყვებოდა ტელეფონის წკრიალი და საყვედურები. მივალ და ისე მოვიქცევი, მიხვდეს, მასთან შეხვედრა მაინცდამაინც აღარ მენახისება... კიბეზე ჩავდიოდი და ვნერვიულობდი, რა ოხრობამ დაარეკინა თინას-მეთქი.

სადარბაზო კარებში მეზობელი ქალი შემხვდა, მომესალმა და, კიბეს რომ შეუყვავა, შეპარვით მითხრა.

— კარგი მეოჯახე ყოფილხარ, დავით!

რა მეთქვა, გავიცინე.

— ხომ არაფერია?

— არა, არა! — მიუგე და ქუჩაში გავედი.

შემთხვევით არ მეითხავდა, ალბათ, თეა დაინახა და, როგორც მეზობელს, ჩვევია, ცნობისმოყვარეობამ შეიპყრო. დღეს თუ ერთმა იცის, ხვალ მეორე გაიგებს, ზეგ კი მთელ ქალაქს ეცოლინება. ვინ მითანაგრძნობს, ვინ მიხვდება ჩემს კეთილშობილებას, გავიღანძვლებით, თეას ისე არ გაამტყუნებენ, როგორც მე, ბებრუხანამ ბავშვი გააბრეყვაო! ასე იტყვიან, მოდი და, თავი იმართლე.

სამ საათამდე დარეტიანებული დავაბოტებდი ქუჩებში. თინა მოედანთან დამხვდა, შეპარვით ელიმებოდა, ოღნავ დამცინავდაც. ალბათ, რაღაც გაგებულს ჰქონდა, გული შემიქანდა, ქუჩაში არ დამიწყოს საყვედურები-მეთქი.

— იქნებ მოგაცდინე, სხვა საქმე გქონდა! — მეუბნება იგი.

ღიას, ასე მითხრა, იქნებ სხვას უნდა შეხვედროდი და მოგაცდინეო.

— არა! — მხრები შეეყარე.



- შენ... შენ ასეთი არ იყავი!
- ვერ ვიტყვო, როდის ვიყავი მისთვის კარგი...
- მუდამ ერთ გუნებაზე არავეინა! - ვუპასუხე მე.
- ღავით, ვეღარ გცნობ!
- ლოყებზე სიმზურვალე შემომმინთო.
- გეჩვენება!
- ცდები!

ჩვენ არ ვცდებოდით, მხოლოდ ვიამაშობდით. სხვა დროს, სხვა შემთხვევა-ში ერთ-ორ თბილ სიტყვას ვეტყვი და სალაპარაკო თემაც შეიცვლებოდა, მაგრამ ახლა ეს არ შემეძლო.

- ცუდად ხომ არ ხარ? - მეკითხება იგი.
- არა! - გავიციხე ნამალაღვლად.
- იქნებ?... - ეჭვით შემომხედა.
- ოჰ, თუ ღმერთი გწამს, ნუ იტყვი!

ზედმეტი ქათინაურებია, არ მსურს მასთან გავლა და გათავდა, რაღას ვებო-ლიშები! შევატყვე, მასაც აღარ ეხალისებოდა ჩემთან ყოფხა, თუ არ მიდიოდა, უბრალოდ, ქალური ცნობისმთავარების გამო - საბოლოოდ დარწმუნებულიყო ჩვენს ურთიერთობაში. ღიმილს აფრქვევდა, მაგრამ ეს ღიმილი ისე ყალბი იყო, როგორც ჩემი ღუმილი.

- დღეს კარგი ფილმი გაღის. - თქვა მან.
- ტანში გამცრა.
- ჰო, ამბობენ... ვერ მოვიცადე.
- დღეს რა საქმე გაქვს?
- ექვს საათზე ამხანაგებს ველოდე - ვიცრუე მე.
- სტუმარი გყავს?
- არა, ისე.

მან გამომწვევად გადმოხედა.

- მხოლოდ მამაკაცები?
- რა თქმა უნდა!
- არ მჯერა!
- ნამღვილად!
- ჰოდა, შენ...

- ხეალ, ან ზევ წავიდეთ! - ოღონდ ახლა გაცელოდი მშვიდობიანად და მეტს აღარ შევხვდებოდი, არა, ნამღვილად არ შევხვდებოდი. ყველაფერი ეს მტანჯველი და აუტანელი იყო.

- ზედმეტი ვიქნები? - შემომამარა.
- არა, მაგრამ...
- მამაკაცები ხართ?

ასეთი სითამამე ჩემთან ვერ არ გამოუჩენა. ალბათ, იგი თავის მხრივ მართალი იყო.

- მაშ, დღეს არ გცალია!
- არა!... ნუ მიწყენ, არ ვიცოდი, თუ ღამირეკავდი, თორემ...
- შენ ერთი ჭიქა ღვინო ყველაფერს გორჩენია.
- არ მიყვარს ჩაბიება! - გავიციხე, რომ არ წყენოდა.

- ალბათ, თავს გაბეზრებ - გაჩერდა. - ღავით, უგუნებოდ გამოიყურები, ლაპარაკით მოგაბეზრე თავი, წადი, - სახე დაუნაღვლიანდა, - მგონი, თვალიც

აუწყლიანდა, ასე მომეჩვენა, რადგან პირი მომარდა და ხელში ნაქარგი ცხვირისა
ხოცი შეატრიალა, — როცა მოიცალო, დამირეკე.

- რა თქმა უნდა, მაგრამ ჯერ ვერ მოვიცლი.
- ცოდო ხარ, არ დაილალო.. შორს მივდივარ, ნუ დაიხარებ გაცილებას!
- დაზარება რას მიქვია, — შემეცოდა, — ოღონდ საყვედურებს ნუ მეტყვი!
- ცისფერი კაბა ეცვა, მკვრლდახურული, მხრებამდე შეჭრილი თმა შევნოდა.
- ცხვირი სწორი, ოდნავ ვრძელი ჰქონდა და მსუქანი ბაგეები — სველი. სახეზე
- სიცივე დაპკრავდა, ახლა შევნიშნე, ტუჩის კუთხეში ნაოჭი გასდევდა.
- მოველით. — თქვა და ჩემსკენ შემობრუნდა.

- გამოვერკვიე.
- ასე მალე?
- გული დაგწყდა, არა?
- შორს მივდივარო და... ჰო, თუმცა სხვა დროს გავიართო, — მივუგე, რომ

სხვა არაფერი მეთქვა.
— ნახვამდის!

ეს იყო ჩვენი უკანასკნელი შეხვედრა.

იგი უცებ შებრუნდა და სადარბაზო შესასვლელში მიიმალა. ეჭვობოდა, თავს
ველარ ფლობდა, უმტყუნა ნებისყოფამ. ისეთი გულისტკივილი, სინანული ვიგრ-
ძენი, მეგონა, სწორედ იგი მიყვარდა და სამუდამოდ დაეკარგე, მაგრამ ეს იყო
უეცარი, წამიერი განცდა და გონს მაშინვე მოვეგე. ხუთი შესრულებულიყო. შინი-
სკენ გავემართე და თვალწინ თვა მედგა. იგი, ალბათ, სამზარეულოში ფუსფუსებს,
ცდილობს, რაც შეიძლება გემრიელი კერძი მოამზადოს და მასიამოვნოს. გონება-
არეული მიეჩქაროდა შინ და ჩემზე ბედნიერი სხვა არავინ მეგულებოდა.



თაყაიბიძის ვაჟი.

მხატვარი ნიკოლოზ იაკოვენკო.



„შენგან ანთებული ქინძილით...“

1915 წელს მოულოდნელად გარდაიცვალა საქართველოს ბუღული, აკაკი. მთელი ქვეყანა დასტიროდა მგოსანს. ყველგან გაისმოდა სევდიანი გულისშემძვრელი რეკვიემი. საერთო-სახალხო მგლოვიარებაში მოიცვა მთელი საქართველო... საყვარელ მგოსანს გლოვობდა აჭარაც, აკაკი ხომ დაუცხრომლად იღვწოდა აჭარის საკეთილდღეოდ დამას მხურვალე ურთიერთობა ჰქონდა მოწინავე პატრიოტ აჭარლებთან, მათ შორის, უპირველესად ქობულეთელ გულოლა კაკიაციშვილთან. აკაკის ხომ ილიასთან ერთად დიდი წვლილი მიუძღვის ბათუმში პირველი ქართული სკოლის დაარსებაში. ქვითინებდა უკვე ღრმად მოხუცებული გულო, ლიცვასავით რომ ბუბუნებდა აკაკის ტკბილ ლექსებს... იგი სათავეში ჩაუყენეს დელეგაციას, აჭარიდან რომ ვაიგზავნა თბილისს მგოსნის დასაფლავების სამგლოვიარო ცერემონიალში მონაწილეობის მისაღებად. დიდი ქართველი პოეტის ცხედართან გულო კაკიაციშვილმა წარმოთქვა შთამაგონებელი სიტყვა, რომელიც პირველად ა. წულაძემ 1915 წელს დაბეჭდა აღმანახში „მშური სიტყვა მუსლიმან ქართველებს“.

ნამდვილო ქართველო თავალო აკაკი!

ეს რაღაც სხვანაირი ამბავია! დღეს მოყრილია მთელი საქართველოს ერი; სხვა ერებიც ბევრია მათ შორის და გარს ეხვევიან შენს კუბოს, თითქოს რაღაცას გეხვეწებიან: დარჩიო, ანუ გაბარებენ რამეს საქართველოს შესახებ წარსულ დიდ წინაპრებთან; მაგრამ არა მგონია, უენო ხარ, სულია ცოცხალი და უკვდავი, თორემ ენა და სხეული ვერ მიიღებს ამ შედარებას. არა, ვგონებ მისთვის არიან მოსულნი, რომ თაყვანი სცენ, ვითაცხოველის მყოფელს შენს დიდებულ გვამს.

მეც ამათ რიცხვში ვურევვიარ მოხუცებული, უძლური ქართველი მუსლიმანი, გამოგზავნილი სამესხეთოს მხრიდან, იმ მხრიდან, რომელიც სამას წელზე მეტია მოიტაცა მტერმა და მოაშორა საქართველოს. გამოიმგზავნეს და დამავალეს, რომ მათ მაგიერაღაც თაყვანი ვსცე შენს დიდებულ ცხედარს და თუ მოვახერხე, ორიოდე სიტყვა ვითხრა...

საქართველომ მუდამ მტერთან ბრძოლაში ატარა თავისი სიცოცხლე, თუ სპარსნი, თუ ოსმალნი და სხვა ერებიც ღვრიდნენ მათ სისხლს და აოხრებდნენ ქართველი ერის სადიდებელ ნაშთებს, და ამგვარად საქართველოს ისტორია, ქართველთა ერის წამების ისტორია არის; მაგრამ წამებულთა შორის განსხვავება არის. სამ ძმაში, მტერთან ბრძოლის ღრის, მოხდება, რომ ორი მტრის ტყვიით განგმირული უკან მობრუნებულა,

წყლოლი მოურჩენია და დარჩენილა თავის ოჯახში. მესამე კი სულ მტერს წაუყვანია ტყვეთ და ჩაუგდია განუწყვეტელ სატანჯველში, აი სწორედ ქართველმა ერმა, ოსმალეთთან მრავალ საუკუნის განმავლობაში ბრძოლის დროს, დაჰკარგა ერთი მისი ძმა — მხარე სამცხე-საათაბაგო, უპირველესი მისი მხარე, ის მხარე, სადაც იშვა უკვდავი შოთა რუსთაველი და მრავალნი მებრძოლნი გმირნი და სამას წელზე მეტი იყო, რომ ეს დაკარგული ძმები ქართველებს თვალითაც აღარ უნახავს.

ბოლოს კი წარსულ რუს-ოსმალეთის ომის დროს მოხდა განგება და კვლავ შემოვიერთდით ჩვენს უფროს მოძმე ქართველებს და ვსუნთქავთ ქართველ ერთან ერთად... და ამ დროს, სამასი წლის შემდეგ, სადაც შევიანახეთ ქართული დედა-ენა, ჩვენც ველირსეთ დავენახა დიდებული აკაკი, სინათლე, რომელიც ვითარცა უკვდავ შენ აღუნთე ქართველ ერს; მაგრამ ჩვენი მხარე მეტად დაბნელებული იყო და ერთი სანთელით ვერ მოეფინება ყველგან სინათლე; და საჭიროა, რომ აქეთ უფრო მრავალი სანთელით შემოვიდნენ, და გევედრები, დაუბარე ამ შენებს, რომ ცალი თვალი და ერთი ხელით სანთელი ჩვენსკენ დაიჭირონ; გვინათონ და გვიპატრონონ, აღვადგინოთ ჩვენი დედა-ენა, გვიხსნან იმ გაჭირვებისაგან, რომელშიდაც ნამეტურ ახლა ვიმყოფებით.

აღარ შეგაჩუხებ. გაცხონოს ღმერთმან... და ვისურვებ, რომ შენფერი შვილი ბევრი გაჩნოდეს საქართველოს, განათლებულს შენგან ანთებული ჟინუდლით.



აკაკის ძეგლი ბათუმში — ოთარ წურჭავას ნახატი.

კახაბერი

საქართველოს თანამედროვე ადმინისტრაციულ დაყოფაში კახაბერად იწოდება ხელვაჩაურის რაიონის ერთი სოფელი და მისივე სახელის სასოფლო საბჭო, რომელიც, გარდა კახაბრისა, აერთიანებს სოფლებს — ადღია, ანგისა, მინდა, თოდოგაური და მეჯინისწყალი. ეს ბათუმის სამხრეთ-დასავლეთით მდებარე ტერიტორიაა, რომელსაც ჩრდილო-დასავლეთით ზღვა ეკვრის, სამხრეთ-დასავლეთით — ჭოროხი, სამხრეთ-აღმოსავლეთით — ხელვაჩაურის სასოფლო საბჭო, აღმოსავლეთით — ურეხის სასოფლო საბჭო, ხოლო ჩრდილოეთით და ჩრდილო-აღმოსავლეთით — ქალაქი ბათუმი.

ისტორიულად კახაბერი გაცილებით უფრო ვრცელ ტერიტორიას მოიცავდა. არც მისი ფიზიკურ-გეოგრაფიული განვრცობაა ინტერესს მოკლებული — „ბათუმის კონცხიდან გონიოს ციხის ნანგრევებამდე“ (აღ. ჯავახიშვილი, საქართველოს გეოგრაფია, ტ. I, 1926, გვ. 15).

კახაბრის, ისე როგორც მთელი ჩვენი ზღვის სანაპირო ზოლისათვისება, ადამიანს ჯერ კიდევ ადრე — „ახალი ქვის“ ხანამდე დაუწყია. ამ ეპოქის განვითარებული ეტაპი მრავალფეროვანი მასა-

ლებითაა გამოვლენილი მახვილაურის გორა-ნამოსახლარზე, რომელიც 1968 წელს აღმოჩნდა (ს. გოგიტიძე, ახალი ტიპის ქვის საწაფები მახვილაურის ნეოლითური ნამოსახლარიდან, სამხრეთ-დასავლეთ საქართველოს ძეგლები, VI, თბილისი, 1974, გვ. 4-5 და სხვ.).

მას შემდეგ ამ მხარეში დღემდე უწყვეტად გრძელდება ცხოვრება.

სხვადასხვა დროს კახაბერში კავკასიურ-იბერიული მოღვმის მრავალ ტომს უცხოვრია. ამ ტომთა ნაკვალევს გვამცნობს კახაბრის სუბსტრატული ტოპონიმია, ძველი ავტორები (ბერძენი, ლათინი და სხვ.) და ა. შ.

კახაბრის მხარეს, როგორც მთელ სამხრეთ-დასავლეთ საქართველოს, არაერთხელ განუცდა ავბედობის სიმძიმე, მაგრამ იმის მსგავსი, რაც გვიან შუა საუკუნეებში გადაიტანა, არასოდეს უნახავს. ამის გამო ძლიერ შეთხელდა მისი მოსახლეობა (ზოგი მტერს შეაკვდა, სხვა — გაიხიზნა...). მოგვიანებით დაცარიელებულ ადგილებს ქურთი მომთაბარეები ეუფლებიან, კიდევ უფრო გვიან კახაბერში ვხედავთ მუჰაჯირ აფხაზებს და სხვებს.

ოსმალთა შემოსვლამდე კახაბ-

რის აზნაურულ სახლებში ცინცადენი მეწინაობდნენ შემდეგ ერთხანს — თავდგირიძენი, გვიან — შარვაშიძენი, ბოლოს — აბაშიძენი.

კახაბერი ეკლესიურად ადრე პეტრული (ქაჯეთის ციხის) მღვდელმთავრის სამწყვსოში ერთიანდებოდა, შემდეგ კი, როცა ამ საეპისკოპოსო კათედრამ ხინოს გადაინაცვლა, ეს მხარეც, როგორც სამხრეთ-დასავლეთ საქართველოს საკმაოდ დიდი ნაწილი (აჭისწყლიდან მოკიდებული ჭოროხამდე და მთელი ქვემო ხევიც) ხინოს ეპისკოპოსის სამრევლო იყო.

საგეოგრაფიო სახელი „კახაბერი“ ადამიანის საკუთარი სახელისაგან წარმოდგება. ეს კომპოზიტიური წარმოების ანთროპონიმი საკმაოდ ძველი და დასავლურ-ქართული წარმოშობის სახელია. უძველესი წერილობითი ძეგლი, რომელშიც იგი იხსენიება, ნიკორწმინდის განთქმული ტაძრის ხატის ჩარჩოს წარწერაა (XI ს.).

ეს სახელი მრავალ ქართულ ფეოდალურ სახლში იყო მიღებული. მათგან, ჯერჯერობით, უძველესია ბაღვაშთა ის შტო, რომელიც რაჭაში ერისთაობდა. ამ საგვარეულოში ეს პირველი კახაბერი (ერისთავთ-ერისთავ რატი ბაღვაშის ძე, შემდგომ ბერად შემდგარი კარილეს სახელით) იმდენად ღვაწლმოსილი აღმოჩნდა, რომ მისმა შთამომავლობამ წინაპრის სახელი საგვარეულო სახელად აქცია და კახაბერიძედ

იწოდა. ეს სახელი მოგვიანებით დასავლეთ საქართველოს სხვა ფეოდალურ საგვარეულოებშიც დამკვიდრდა — ვარდანძიძეებში, დადიანებში, უფრო გვიან კი სამხრეთ საქართველოშიც გავრცელებულა. მათ შორისაა ჭოროხის ხეობის საკახაბერიძეც. ამ საგვარეულოს სამკვიდრო სოფელია კობალეთი (კირნათის სასოფლო საბჭო). რამდენიმე კომლი გვხვდება სხვაგანაც (სოფ. სიმონეთი, თხილნარის საბჭო, ქ. ბათუმი და ა. შ.).

კახაბერი ფეოდალურ საქართველოში საზოგადო სახელიც იყო და ისეთ კაცს აღნიშნავდა, რომელიც ყოველმხრივი სიკეთითა და სიქველით იყო მომადლებული. ამას დავით გურამიშვილის ბრწყინვალე სტრიქონებიც მოწმობს:

„მე, თუ გინდა, თავიც მომჭრან. ტანი გახდეს გასაბერად, ვინც არა ჰგავს კახაბერსა, მე ვერ ვიტყვი კახაბერად“.

ასეთივე პიროვნებას მიემართება ეს სახელი პოლიკარპე კაკაბაძის დიდებულ კომედიასი „კახაბერის ხმალი“.

კახაბერი მეტად თავისებური ფორმის საგეოგრაფიო სახელია. ანთროპონიმიური წარმომავლობის სხვა ტოპონიმთა კვალად, თითქოს ისიც სა-ო აფიქსალური წარმოებისა უნდა ყოფილიყო (შდრ. საჯავახო, სავანტანგო და ა. შ.), მაგრამ იგი აქ რატომღაც ადამიანის საკუთარი სახელის ფორმითაა დამკვიდრებული.



ამ სახელწოდების უპედასი მოხსენება, ჯერჯერობით, XIX საუკუნის დამდეგს განეკუთვნება, ესაა 1804 წლის ერთი საინტერესო დოკუმენტი, რომელიც „კავკასიის არქეოგრაფიული კომისიის აქტების“ II ტომშია შესული.

ძლიერ საინტერესოა, რომ აქ კახაბერი „სოფელს“ აღნიშნავს. სოციალური ტერმინი „სოფელი“ ძველ ქართულში რამდენიმე მნიშვნელობით იხმარებოდა, რომელთაგან ერთ-ერთი და შედარებით მოგვიანო ხანისა, იყო „ქვეყანა“.

„ქვეყანა“ ბევრნაირი იყო: სამეფო, სამთავრო, საუფლისწულო... 1804 წლის საბუთში ის „საუფლისწულოდ“ იწოდება, აკაკი წერეთლის „ანმედ-ფაშა კახაბერის“ ნეკროლოგში (1872 წ.) — „სამთავროდ“ და ა. შ.

არც XVIII საუკუნის დიდი ქართველი მეცნიერი ვახუშტი ბაგრატიონი იხსენიებს „კახაბრის“ ქვეყანას და არც უფრო ძველი სხვა წყარო, მაგრამ საერთო ვითარებას თუ გავითვალისწინებთ, ეს სახელწოდება XVI საუკუნის შუა ხანებიდან უნდა დამკვიდრებულიყო.

კახაბერი ამ მხარეში არაერთგამოჩენილ პიროვნებას ერქვა, მაგრამ საგეოგრაფიო სახელად მისი ქცევა მაინც XVI საუკუნის პირველ ნახევარში მოღვაწე კახაბერს უნდა უკავშირდებოდეს.

თუ თქმულება-გადმოცემებს (ჭანურს (ლაზურს), კლარჯულს, ნობულეთურს და სხვ.) ვერწმუნებით, ეს პიროვნება ოსმალთა პირველი მოძალების წინააღმდეგ მუხლჩაუხრელი მებრძოლია. ზაქარია ჭიჭინაძის ცნობით, იგი ყოფილა ქართველთა „ჯარის მეთაური“ ბათუმის 1519 წლის ბრძოლაში და გამარჯვებაც მოუპოვებია (მისი, აჭარის ისტორიის კონსპექტი, 1927, გვ. 7.).

1533 წელს ამავე პიროვნებას მონაწილეობა მიუღია ჯიქეთზე ლაშქრობაში (ს. კაკაბაძე, საქართველოს ისტორია, ახალი საუკუნეების ეპოქა, 1923, გვ. 10).

იგივე კახაბერი მტკიცედ ედგა მხარში იმერეთის მეფე შაგრაბ III მურჯახეთის ბრძოლაშიც (1535 წ.) და მედგრად იბრძოდა XVI საუკუნის 40-იან წლებშიც. მაგრამ, როცა ქვეყანას საკახაბრო შინაგანი ძალა არ მოსდგამდა, გარეშე მტერმაც იძძლავრა და ჯერ ჭანეთი მოიტაცა, შემდეგ კახაბერი და სხვაც.

საბედისწერო მარცხს არ შერიგებია უკვდავი ქართული სული, კახაბრის სიმბოლურ სახეში რომ ინაკვთებოდა, და დიდი სიძამაცი-თაც გაარღვია დამპყრობთა მძიმე რკალი. ამ გზით მოიყარა თავი დაშლილმა ქვეყანამ და ისტორიული მიწა-წყლის ნაწილის დაბრუნებაც შეძლო...

იური სისარულიძე,
პროფესორი.



რესპუბლიკის სახალსო არტისტები იუსუფ კობალაძე (ოტელი) და
მერაბ ზინიკაძე (იავო).



ისტორიის ფურცლები

ბათუმის თეატრი ასი წლისა!

რაოდენ მრავლისმეტყველია ეს სიტყვები, რა ტევადი, რარიგ სასიხარულო და, ამავე დროს, დამაფიქრებელი!

ეს თარიღი გასულ 1979 წლის 20 ივლისს შესრულდა და, სავსებით კანონზომიერად, ფართოდ აღინიშნება, როგორც დედა-სამშობლოსთან დაბრუნებული აჭარის განვითარების უმნიშვნელოვანესი ნიშანსვეტი.

როგორც ცნობილია, სამასი წლის მანძილზე ოსმალო დამპყრობთა მიერ მითაცებული აჭარის საქართველოსთან შეერთება უაღრესად დიდმნიშვნელოვანი მოვლენა იყო XIX საუკუნის საქართველოს საზოგადოებრივ-პოლიტიკურ ცხოვრებაში. გულში ჩამწვდომად გაისმა ილიას, აკაკის, იაკობ გოგებაშვილის, ივანე მაჩაბლის, ნიკო ნიკოლაძის, სერგეი მესხისა და სხვათა მოწოდება — დახმარების ძმური ხელი გაეწოდებინათ აჭარისათვის, ყოველმხრივ შეეწყით ხელი ახლად შემოერთებულ ქართველებში ეროვნული თვითშეგნების ამაღლებითათვის. ერის თავაკცებს აუცილებლად მაინცდათ ბათუმსა და აჭარის დაბა-სოფლებში ქართული სკოლების გახსნა, ხალხისათვის წერა-კითხვის სწავლება, ქართული წიგნების გავრცელება, ქართული წარმოდგენების გამართვა.

ნიშანდობლივია, რომ ჯერ კიდევ პირველი ქართული სკოლის გახსნამდე, 1879 წლის 8 ივლისს (ძველი სტილით), როცა განთავისუფლებიდან ერთი წელიც არ იყო გასული, მაშინდელ ბათუმში ყველა კულტურული წამოწყების მოთავის — ქეთევან შურულის ინ-

იციატივით, წარმოდგენილ იქნა ზურაბ ანტონოვის კომედია „განა ბიძიამ ცოლი შეირთო?“

ჩვენი ეროვნული კულტურის ისტორიის ეს ფრიად ღირსსახსოვარი ფაქტი დაემთხვა ქართული პროფესიული თეატრის აღორძინებას, 1879 წლის ივნისში დასი აღსდგა. მასში თავი მოიყარეს ჩვენი სცენის საუკეთესო ძალებმა: ნატო გაბუნია-ცაგარელმა, მაკო საფაროვ-აბაშიძემ, ვასო აბაშიძემ, კოტე მესხმა, კოტე ყიფიანმა და სხვებმა. დასმა პირველი სეზონი თბილისში პირველ სექტემბერს გახსნა. მანამდე კი ვახტროლცხაში მოაწყო საქართველოს ქალაქებში და გორში, ქუთაისსა და ფოთში გამოსვლების შენდევ. ბათუმს ეწვია, ახლად აღდგენილი ქართული თეატრის მსახიობი, შემდგომ ცნობილი დრამატურგი აქვსენტი ცაგარელი ბათუმში იმ პირველ სტუმრობაზე წერდა:

„ჩამოვხტით ზღვისპირას, ერთ სასტუმროში, დამოყენს პირდაპირ. აჰ სასტუმროს, მგონია „როსია“ ერქვა. მალე მოსვლისთანავე, ჩვენთან მოიყარა თავი ქართველმა საზოგადოებამ. ესენი ბრძანდებოდნენ რამდენიმე ქართველი მოხახლე, სხვადასხვა სამსახურის მოხელენი და ქართველი ოფიცრობა. იშვამად ბათუმში რამდენიმე ქართველი ეჭპრობდა. ქართველ ოჯახებს მაშინ ბათუმში მეთაურობდა პატივცემულ დურმიშხან შურულის ოჯახი... დარბაისელი ქეთევან შურულისა არაფერს არ ზოგავდა დასახმარებლად. ჩვენი საქმე გაჩაჩხული იყო. წარმოდგენისათვის ზალაც მოვაწყვეთ, ბილეთებს იტაცებდნენ. ქარ-

თველი საზოგადოების გარდა უცხოელებიც, მეტადრე ქართველი მაჰმადიანები ბევრი დადიოდა“.

ქართული დასის სექტაკლებმა განსაკუთრებით ღრმა შთაბეჭდილება დატოვა ქართველ მაჰმადიანებზე. მათ საშუალება მიეცათ გაცნობოდნენ ქართველი ხალხის კულტურულ მაჩისცემას, ქართველი ინტელიგენციის მეწინავე ნაწილის შეხედულებებს ეროვნული პოლიტიკისა და სხვა მნიშვნელოვან საკითხებზე.

ასე გაცოცხლდა ძველი სანახაობითი კულტურის ტრადიციები ჩვენს მხარეში. გაიბა შინაგანი კავშირი, რომელიც, კაცმა რომ თქვას, მიუხედავად ძნელებდობისა, არც გაწყვეტილა... დიხს, შესაძლოა სათეატრო საქმემ აქ იმიტომაც შოიღვა ფეხი ერთბაშად, რომ ეს დასაწყისი კი არა, აღდგენა, აღორძინება უფრო იყო. განა ქეთევან შურულის პირველ სცენისმოყვარეთა წრის წინამორბედად არ გვევლინება ბათუმიდან 12 კილომეტრზე მდებარე აფხარუნტ-გონიოს უძველესი თეატრონი?

1882 წლის დამდეგს იმავე ქ. შურულის თაონობით შეიქმნა სცენისმოყვარეთა წრე, რომელსაც ერთი თუ ორი წარმოდგენა გაუმართავს და შემოსავალი მთლიანად ქართული სკოლის შესანახ ფონდში გადაურიცხავს. შემოსავალი კი საკმაოდ ხელშესახები ყოფილა, რაკი მოსახლეობა ინტერესით და თანაგრძნობით შეხვდა როგორც წარმოდგენას და მის მიზანს, ისე, საერთოდ, თვით იდეას ბათუმში ქართული დასის არსებობისა.

მოპოვებულმა წარმატებამ ქეთევან შურულს და მის თანამოაზრებებს გადააწყვეტინა სისტემატური მუშაობა გაეჩაღებინათ. და იმავე 1882 წლის დეკემბრის მიწურულს, ამ დაულაღავი, ქველმოქმედი მანდილოსნის მეცადინეობით ჩამოყალიბდა „მუდმივ სცენისმოყვარეთა წრე“, რომლის მთელი შემოსავალი ისევ წერა-კითხვის გამავრცე-

ლებელი საზოგადოების სკოლას უნდა მოხმარებოდა.

მაღე ამ წრეს შეუერთდა ბათუმში მხედრო სამსახურში გამწესებული ახალგაზრდა ოფიცერი დავით კლდიაშვილი, შემდგომ გამოჩენილი მწერალი, რომელიც ბათუმში გატარებული 26 წლის მანძილზე, მუდამ გულმხურვალედ მონაწილეობდა თეატრალურ ცხოვრებაში, როგორც მსახიობი, რეჟისორი, ორგანიზატორი, კონსულტანტი.

ახლად შექმნილი წრის პირველი სექტაკი — გიორგი ერისთავის კომედია „გაყრა“, რომელშიც დ. კლდიაშვილი გაბრიელის როლს ასრულებდა (როგორც თვითონ წერს, საკმაოდ სუსტად და ამიტომ შემდგომ ხელი აუღია მსახიობობაზე), გაიმართა 1883 წლის 21 თებერვალს. წრემ 1901-იან წლებამდე იარსება და დროგამოშვებით მაყურებელს უჩვენებდა როგორც ქართულ ორიგინალურ, ისე ნათარგმნ პიესებს, მათ შორის მოლიერის „ძალად ექიმს“. წარმოდგენები იმართებოდა ქართული სკოლის დარბაზში, რომელიც სულ 120 კაცს იტევდა.

სათეატრო შენობის საკითხი ნწვავედ დაიხვა, მით უფრო, რომ ქართველ სცენისმოყვარეთა გარდა წარმოდგენებს მართავდნენ ბათუმში მცხოვრები სხვა ეროვნებათა წარმომადგენლები: რუსები, სომხები, უკრაინელები, ამასთან სულ უფრო ხშირად ჩამოდიოდნენ საგასტროლოდ ქართული და რუსული პროფესიული დასები. ეს საქმეც მოგვარდა 1891 წელს.

ახლანდელ ბარათაშვილის ქუჩაზე, ცირკის შენობის ადგილას, რკინეულობით მოკაქრე ფრანგ მარშოს ჰქონდა უზარმაზარი საწყობი ეზოთი. ჩამოსული რუსული დასის ანტრეპრენიორმა ტომსკიმ იჭარით აიღო იგი და, მაშინდელი მოთხოვნების კვალობაზე, საკმაოდ კარგ თეატრად გადააკეთა. დარბაზში 850 დასაჯდომი ადგილი იყო. შემდგომ იგი კიდევ უფრო კეთილმოაწყობა ბათუმელმა ადვოკატმა იურკევიჩმა. ასე გაჩნდა ბათუმის ცნობილი „რკინის თეატრი“, რომელსაც ეს სახელი იმიტომ დაერქვა, რომ



ვის ადგილზე ადრე რკინეულობის საწყოები იყო, იგი სამ ათეულ წელიწადს ემსახურებოდა ბათუმელებს. შმავესკის თეატრის (ახლანდელი საქალაქო კულტურის სახლი) ადგილზე აქ მართავდნენ სტეტიკალებს როგორც ადგილობრივი სცენისმოყვარენი, ისე საგასტროლოდ ჩამოსული დასები. ბარემ ისიც გავიხსენოთ, რომ 1924 წლის დეკემბერში „რკინის თეატრი“ თოვლმა ჩანაგრია, მისი რესტავრაცია საქალაქო საბჭოს აღმასკომმა მიწანშეწონილად არ სცნო და აქ აშენდა ცირკის შენობა.

„რკინის თეატრში“ მართავდა წარმოდგენებს ქართული დრამატული წრე, რომელსაც 1899 წლიდან, დავით კლდიაშვილთან ერთად, ხელმძღვანელობდა სტეფანე ხარაზიშვილი.

სწორედ სტეფანე ხარაზიშვილის, თეატრის ამ დაუღალავი ენთუზიასტის დამსახურება იყო, რომ წრე მრავალჩიტიბოვანი, საქმალ ძლიერი გახდა, წარმოდგენების გამართვასაც რეგულარული ხასიათი მიეცა.

რეპერტუარში იყო აკაკის „პატარა კახა“, გიორგი ერისთავის კომედიები, აქსენტი ცაგარლის „რაც გინახავს, ვეღარ ნახავ“, „ხანუმა“, „ციმბირელი“, „ლესის ქალი გულჯავარ“, „ქართველი დედა“, ალექსანდრე ყაზბეგის „ქეთევან წამებული“, „არსენა“, ვალერიან გუთხიაშვილის „და-ძმა“, „აღლუმი“, ვაბრიელ სუნდუკიანის „პეპო“, ვოდევილები.

წარმოდგენებს დიდძალი მყურებელი ესწრებოდა. მაგრამ, რაკი ძირითად კონტინენტს მუშები, მოსწავლეები, ინტელიგენცია შეადგენდა (ბურჟუაზია თეატრს „არ სწყალობდა“) და ამის გამო, ბილეთები იაფად იყიდებოდა, შემოსავალი იმდენად მცირე იყო, რომ ხარჯებს ძლივს ფარავდა. სცენისმოყვარენი, რა თქმა უნდა, უსახყიდლოდ მუშაობდნენ. თუკი წარმოდგენიდან რაიმე თანხა დარჩებოდა, ეს საქველმოქმედო და კულტურულ წამოწყობებს ხმარდებოდა. ამ წრემ თითქმის 15 წელი იმუშავა და დიდად შეუწყო

ხელი ჩვენს ქალაქში ქართული კულტურის მტიკედ დამკვიდრებას.

ჩვენი საუკუნის დამღეგს, როგორც ცნობილია, ბათუმში მან ათასმდე მცხოვრები იყო და იგი ამიერკავკასიის ერთ-ერთ მსხვილ სამრეწველო ცენტრად ითვლებოდა. ქალაქის სოციალურ-პოლიტიკურ ცხოვრებაში დიდი ცვლილებები მოხდა. მუშათა კლასი სერიოზულ ძალად ჩამოყალიბდა. რევოლუციური მოძრაობის გაძლიერების პოლიტიკურ გათვითცნობიერებას, ბუნებრივია, მოჰყვა კულტურული დონის ამაღლება. გაძლიერდა ლტოლვა სულიერი ფასეულობებისადმი. პროგრესულმა მოღვაწეებმა, იმთავითვე, თეატრი მუშათა რევოლუციური სულიკვეთებით აღზრდის საშუალებად მიიჩნიეს. ამ თვალსაზრისით საგულისხმოა ფაქტი, რომელსაც ადგილი ჰქონდა 1902 წლის 19 ივლისს. ამ დღეს ბათუმელმა მუშებმა ქარხნების მეპატრონეებს წარუდგინეს მოთხოვნები, რომლებიც რვასათიან საშუაო დღესთან, ბავშვების უფასო სწავლების შემოღებასთან ერთად თეატრის გახსნასაც ითვალისწინებდა.

უკვე 1901 წელს, თბილისის მუშათა დრამატული წრის, ეგრეთ წოდებული „აგვალის აუდიტორიის“ მსგავსად, ბათუმშიც შეიქმნა მუშათა დრამატული წრე, რომლის თაოსანი და პირველი რეჟისორი იყო მუშა მოსე წეროძე. წრის მიზანი იყო მუშებისათვის, საერთოდ, ქალაქის მოსახლეობის დემოკრატიული ნაწილისათვის უფასო წარმოდგენების გამართვა სოციალური უთანასწორობის წინააღმდეგ ბრძოლის ამსახველი ნაწარმოებებით, ხოლო ფასიანი წარმოდგენებისა — პოლიტიკური პატიმრების, გადასახლებულთა და მათი ოჯახების დასახმარებლად. აღსანიშნავია ისიც, რომ წრეს უშუალოდ ხელმძღვანელობდა რსდმპ ბათუმის კომიტეტი.

1904 წელს დავით კლდიაშვილისა და სტეფანე ხარაზიშვილის ხელმძღვანელობით მოქმედი სცენისმოყვარე ინტელი-

გენტო წრის დაშლის შემდეგ, მისი ბევრი გამოცდილი წევრი მუშათა დრამატულ კოლექტივს შეუერთდა. ესენი იყვნენ: პელაგია სინარულიძე, დარიკო აღხანიშვილი, ოლია ბახტურიძე, ბარბარე ავალიშვილი, ნესტორ კალანდარიშვილი, შემდგომ საქართველოს სსრ სკოლის დამსახურებული მასწავლებელი მარიამ ლოლუა და სხვები. გადახალისებულმა მუშათა თეატრმა წარმოდგენების გამართვა „რკინის თეატრში“ დაიწყო, უკვე მთავრობის ნებართვით. ხელმძღვანელებად პროფესიონალებს იწვევდნენ. რამდენიმე სექტაკლის დადგმა განახორციელა წრეში შალვა დადიანმა. 1905-1907 წლებში კი მას სათავეში ედგა ალექსანდრე წუწუნავა. არსებითად ეს იყო ბათუმში პროფესიული თეატრის დაარსების მეორე ცდა, რომელიც, ისე როგორც პირველი (90-იანი წლების დამდეგს), წარუმატებლად დასრულდა. მიუხედავად ამისა, ბათუმის მუშათა თეატრმა დიდი როლი შეასრულა ჩვენს ქალაქში სათეატრო საქმის მკვიდრ ნიადაგზე დაყენებაში.

ბათუმელთა მომსახურებაში, მათი თეატრალური გემოვნების ჩამოყალიბებაში ფასდაუდებელი წვლილი შეიტანა ქუთაისის თეატრმა, რომელიც სისტემატურად ჩამოდიოდა ბათუმში სავაქტროლოდ. ქუთაისის თეატრს კი მაშინ ხელმძღვანელობდა ჩვენი სცენის სიამაყე ლადო მესხიშვილი.

1912 წლის 15 სექტემბერი, ეს თარიღი ბათუმის თეატრის ისტორიაში ისევე დიდმნიშვნელოვანია, როგორც 1879 წლის 8 ივლისი — სცენისმოყვარეთა პირველი წარმოდგენის გამართვის დღე და 1937 წლის 18 მარტი — მუდმივი თეატრის გახსნის დღე! მხედველობაში გვაქვს „მოგზაური დასის“ პირველი წარმოდგენა, ეს იყო მესამე ცდა ბათუმში პროფესიული თეატრის დაარსებისა. ცდა, რომელიც წარმატებით დაგვირგვინდა და, ცხადაა, დიდი როლი შეასრულა ჩვენს ქალაქში თეატრალური ხელოვნების განვითარებაში. ეს საშვილიშვილო საქმე დაკავშირებულია გამოჩე-

ნილი მწერლისა და მრავალმხრივი თეატრალური მოღვაწის შალვა დადიანის სახელთან. ამ ფაქტს თანამედროვე მშენებრივად გრძნობდნენ და აფასებდნენ. მით უფრო, რომ „მოგზაური დასის“ დაშლის შემდეგაც (მისი ერთადერთი სეზონი გაგრძელდა 1913 წლის 24 თებერვლამდე) შალვა დადიანი ბათუმში დარჩა და, როგორც რეჟისორმა და მსახიობმა, მუშაობა განაგრძო ივანე მესხის ხელმძღვანელობით დაარსებული დრამატული საზოგადოების დასში.

მომავალ წლებში, პირველი მსოფლიო ომის თუ უსახსრობის მიზეზით, თეატრი ხან წყვეტდა მუშაობას, ხან განახლებდა სოლმე. სხვადასხვა დროს წრეები შექმნეს ანდრონიკე ჭაყვლიძე, ალექსანდრე წუწუნავამ, კონსტანტინე ანდრონიკაშვილმა, ვალერიან შალიკაშვილმა.

1918 წლიდან, როცა ბათუმს ჭერ თურქეთი და გერმანია, ხოლო შემდეგ ინგლისი დაეპატრონენ, თეატრი ვიღას ახსოვდა! პორტო-ფრანკოდ გამოცხადებულ ქალაქში კულტურული ცხოვრება, ფაქტიურად, ჩამკვდარი იყო. 1920 წლის ივლისში, ჩამოყალიბდა „სახალხო წარმოდგენების მმართველი წრე“, რომელსაც სათავეში ჩაუდგა ვასო ურუშაძე. მაგრამ იგი კანტიკუნტად თუ ანერხებდა წარმოდგენების გამართვას. ამიტომაც წერდა „ბათუმის ფურცელი“, „ბათუმი საქართველოს ერთ-ერთი დიდი ქალაქია და აქ თეატრის არსებობა მუდმივი უნდა გავხადოთ“.

საბჭოთა ხელისუფლების დამყარების პირველსავე დღეებში ბათუმის რევკომმა სადანგებო ყურადღება დაუთმო ხელოვნებას, კერძოდ, თეატრს. 1921 წლის 24 მარტს, რევკომმა განიხილა სათეატრო შენობების ნაციონალიზაციის ამ შენობებში დაბანაკებული ჯარის ნაწილისაგან მათი განთავისუფლების დაფინანსებისა და სხვა საკითხები. სერგო ქავთარაძე მიუთითებდა: „საოლქო კომისარიატთან არსებული ხელოვნების განყოფილება მოვალეა, რაც შეიძლება მალე გაშალოს მუშაობა ბათუმის თე-



ტრალურ-საბატონო ცხოვრებაში“. ხე-
ლოვნების განყოფილებასთან შეიქმნა
დარგობრივი სექციები. თეატრალური
სექციის გამგედ დაინიშნა მსახიობი მი-
ხეილ გვლოვანი. სათეატრო შენობები
განთავისუფლდა ჭარის ნაწილისაგან
და ერთი მათგანი, ყოფილი შმავესკის
თეატრი, გადაეცა ქართულ დრამატულ
დასს, რომელშიც, გაზეთი „უწყებების“
ცნობით, ჩარიცხეს მარო მდივანი, ნი-
ნო ჭავჭავიძე, ალექსანდრა დარჩა-
გარნელი, ემანუილ აფხაძე, შალვა ბე-
ჟუაშვილი, აკაკი ვასაძე, კირილე მჭე-
რძე, გიორგი შურული, შალვა ღამბა-
შიძე, აკაკო ჭავჭავაძე, დავით მგალო-
ბლიშვილი და სხვები. რეჟისორები —
ალექსანდრე ყალაბეგიშვილი და ალექ-
სანდრე გუგუშვილი, თეატრის კომისა-
რი — ვასო ურუშაძე.

ბათუმის საბჭოთა თეატრის ისტორია
დაიწყო 1921 წლის პირველ აპრილს, იმ
დღეს დასმა პირველ სპექტაკლად უჩვენ-
ნა ოქტავე მირბოს დრამა „უანი და მად-
ლენა“. პირველ წარმოდგენაზე, რეჟიო-
ნის ვანკარგულეობით, შესვლა უფასო
ყო. ეს პირველი, საგაზაფხულო სეზონი
15 ივნისამდე გაგრძელდა. ერთ-ერთ
სპექტაკლში, კერძოდ, ვალერიან შალი-
კაშვილის „გადაჭრილ მუხაში“ მონაწი-
ლეობა მიიღო რუსთაველის თეატრის
მსახიობმა, წარმოშობით ბათუმელმა
გიორგი დავითაშვილმა.

აქვე უნდა აღინიშნოს ცხრაასიანი
წლების მოსკოვის სამხატვრო თეატრის
რეჟისორის, 1928 წელს მოსკოვის ქარ-
თული დრამატული სტუდიის დამაარსე-
ბლის, ქეთევან შურულის პირველი სცე-
ნისმოყვარული წარმოდგენის მონაწი-
ლის ლევან მჭედლიშვილის ვაჟის ვახ-
ტანგ მჭედლიშვილის და ასევე ბათუმის
მკვიდრის, მეიერჰოლდის თეატრის რე-
ჟისორის გიორგი შურულის აქტიური
მონაწილეობა ამ პერიოდის ბათუმის
თეატრალურ ცხოვრებაში.

ადგილობრივი ხელისუფლება იმთავი-
თვე წრუნავდა თეატრისათვის მტკიცე
საფუძვლის შესაქმნელად. ამ გზაზე გა-
დადგმული პირველი ნაბიჯი იყო 1924

წელს გახსნილი დრამატული სტუდია
მიხეილ ქორელის ხელმძღვანელობით.
1926-28 წლებში ორი ჩინებული სე-
ზონი გაიმართა აკაკი ფაღავას მეთაუ-
რობით. ამ წლებში ბათუმის დასს შეე-
მატნენ ვერიკო ანჭაფარიძე, მარო მეს-
ხიშვილი, რეჟისორი ნიკო გომიაშვილი.
დიდი წარმატებით დაიდგა ლოტარის
დრამა „მეფე არღეკინი“, ბ. ლავრენი-
ოვის „რღვევა“, შ. დადიანის „გუშინ-
დელნი“, მ. ჭავჭავიძის „კვაჭი კვა-
ჭანტირაძის“ ინსცენირება.

მომდევნო ორი სეზონის განმავლობა-
ში კი, როგორც ცნობილია, ბათუმელ
მსუფრებელს ემსახურებოდა კოტე მარ-
ჩანიშვილის მიერ შექმნილი ქუთაის-
ბათუმის თეატრი და მაშინდელ ბათუ-
შელებს ბედნიერება ჰქონდათ დამტკ-
ბარიყვნენ მისი ბრწყინვალე სპექტაკ-
ლებით.

1930-31 წლების სეზონში შედგენილ
დასში, რომლის ხელმძღვანელად გამო-
ღვინაშვილი მოიწვიეს, გამოჩნდა პირ-
ველი აჭარელი მსახიობი. ეს იყო აშუა-
მად საქართველოს სახალხო არტისტი
იუსუფ კობლაძე.

მომდევნო სეზონში სამხატვრო ხელ-
მძღვანელის შერჩევა გაძნელდა. ამ სიძ-
ნელიდან ბათუმის თეატრი ისევ უკვე
თბილისში გადასულმა ყოფილმა ქუ-
თაის-ბათუმის თეატრმა გამოიყვანა:
იგი დათანხმდა დახმარება გაეწია ბა-
თუმის თეატრისათვის და აფიშებდა და
პროგრამებზე გაჩნდა წარწერა — „აჭა-
რისტანის სახელმწიფო დრამა სახალხო
არტისტის კოტე მარჩანიშვილის თეატ-
რის ხელმძღვანელობით“. სეზონის გან-
მავლობაში ამ დასმა მსუფრებლებს უჩ-
ვენა მარჩანიშვილის თეატრის რეჟისო-
რების ნიკო გომიაშვილისა და დოდო
ანთაძის მიერ მარჩანიშვილის გეგმით
განხორციელებული ხუთი დადგმა.
მათ შორის კარლო კალაძის დრამა „ხა-
ტიჯე“.

როგორც ვხედავთ, საბჭოთა ხელისუ-
ფლების პირველ ათწლეულში ბათუმის
თეატრალური ცხოვრება საკმაოდ ინტე-
ნსიური იყო, მაგრამ ესეცა: შემოქმე-

დებიტს მუშაობას არ ჰქონდა მოლო-
ნობა, სტაბილურობა. ამის მიზეზი
კი საკუთარი კადრების არყოლა იყო.
დასი სისტემატურად იცვლებოდა, იცვ-
ლებოდნენ ხელმძღვანელებიც, რაც
აფერხებდა ერთიანი შემოქმედებითი
სახის ჩამოყალიბებას, სარეპერტუარო
პოლიტიკის უფრო გამიზნულად წარ-
მართვას.

მუდმივმოქმედი პროფესიული თეატ-
რის დაარსება ყოველთვის იყო აჭარის
პარტიული და საბჭოთა ხელმძღვანე-
ლობის დაუცხრომელი ზრუნვის საგანი.
და, აი, 1932 წელს რუსთაველის თეატ-
რის სამხატვრო ხელმძღვანელმა, გამო-
ჩენილმა ქართველმა რეჟისორმა სან-
დრო ახმეტელმა ითავა ბათუმის თეატ-
რისათვის მსახიობთა მომზადება. შვარ-
ჩიეს და თეატრის სტუდიასთან შექმნილ
„აჭარულ სექციასი“ ჩარიცხეს ოცზე
მეტე ახალგაზრდა. ამავე დროს ისინი
რუსთაველის თეატრის მსახიობებად
ითვლებოდნენ და, თეორიულ ცოდნას-
თან ერთად, იღებდნენ პრაქტიკული მუ-
შაობის ჩვევებს ქართული სცენის გა-
მოჩენილი ოსტატების მხარდაშპარ.

ამ დროს კი, 1934 წელს, ბათუმში
კომკავშირის ინიციატივით ჩამოყალიბ-
და მუშა-ახალგაზრდობის თეატრი. პირ-
ველ დადგმად მან მკურნებელს უჩვენა
შალვა დადიანისა და თეატრის ხელმძღ-
ვანელის შოთა მანაგაძის პიესა „ჩვენი
ქვეყნის ქალიშვილები“, დაწერილი
აჭარისწყლის ჰიდროელექტროსადგუ-
რის მშენებლობის თემაზე. იმავე წელს
შოთა მანაგაძე შეცვალა ახალგაზრდა
რეჟისორმა შალვა ინასარიძემ, რომე-
ლიც მოსკოვის თეატრალური ხელოვნე-
ბის სახელმწიფო ინსტიტუტის დამთავ-
რების შემდეგ დაუბრუნდა მშობლიურ
ქალაქს და, აქედან მოკიდებული, მთელი
ორმოცი წლის მანძილზე, დაუღალავად
ემსახურებოდა ბათუმში სათეატრო სა-
ქმის აღმავლობას.

„აჭარული სექციის“ სადიპლომო სპე-
ქტაკლის პრემიერა თბილისში გაიმართა
1936 წლის 5 აპრილს. ეს იყო გოლ-
დონის კომედია „სასტუმროს დიასახ-

ლისი“. დადგმა განახორციელა დიმიტ-
რი ალექსიძემ, რომლისთვისაც ეს მერ-
ველი ხათლობა იყო ქართულ სცენაზე.
„სასტუმროს დიასახლისი“ დაიწყო
ათუმის ახალი თეატრის ბრწყინვალე
ისტორია“, წერს ამასწინათ გამოცემულ
წიგნში „ბათუმის თეატრი“ ქართული
თეატრის ცნობილი მკვლევარი გრიგოლ
ბუნსიაშვილი.

დიმიტრი ალექსიძის ხელმძღვანელო-
ბით მომზადდა სტუდიელთა მეორე ნა-
მუშევარიც — გიორგი მდივნის დრამა
„ბრმა“ (მხატვარი — დიმიტრი თავაძე-
შუბია — ივანე გოკიელისა). ეს სპექ-
ტაკლი ხუთჯერ დიდი წარმატებით წა-
რმოადგინეს რუსთაველის თეატრის
სცენაზე, 1937 წლის 18 მარტს კი
„ბრმიტვე“ გაიხსნა პირველი სეზონი
ბათუმში. პრემიერამ დიდი შთაბეჭდი-
ლება მოახდინა მაყურებელზე. ეს გა-
მარჯვება იყო!

„18 მარტი, აჭარაში საბჭოთა ხელი-
სუფლების დამყარების დღე, წერდა
„ახალგაზრდა კომუნისტი“, წელს სხვა
მრავალ გამარჯვებასთან ერთად, აღი-
ნიშნა ბათუმში სახელმწიფო თეატრის
გახსნით. საღამოს 9 საათზე თეატრის
შენობა აავსო საზეიმო გახსნაზე დასახ-
წრებად მოწვეული სტუმრებით. აქ იყე-
ნენ ჩაის პლანტაციების და ციტრუსე-
ბის სტახანოველები, ნავთის გადამმუ-
შავებელი ქარხნის საუკეთესო აღამიან-
ები, ნავსადგურის წარჩინებული მუ-
შები, სახელოვანი რკინიგზელები, მეც-
ნიერ-მუშაკები, მოწაფეები და ლენინის
ორდენოსანი რუსთაველის თეატრიდან
ჩამოსული სტუმრები. დამთავრდა სა-
ზეიმო ნაწილი. გაიხსნა ზარის ხმა. დარ-
ბაში ჩაქრა სინათლე. აჭარის სახელმ-
წიფო თეატრში გაიხსნა პირველი აჭარე-
ლი მსახიობების ხმები.. ასე დაიწყო პი-
რველი სეზონი“.

ქეთევან შურულის პირველი სცენის-
მოყვარული წარმოდგენიდან 58 წელი
სრულდებოდა..

ნუცა ფხაკაძე, ნუნუ თეთრაძე, ლიპო
აფხაზვა, იუსუფ კობაღაძე, მერაბ
ხინიკაძე, ზორბეგ ლლონტი, ხასან მემ

რელიქი; ალექსანდრე სარჯველაძე, ედ-
ნარ შაძილაძე, ესედ ცივაძე, ისკენდერ
კაიკაციშვილი, სულეიმან თურმანიძე,
ვიორგი ახვლედიანი, აკაკი მკელაძე,
მიხეილ წიგნაძე... აი, ის მსახიობები
რომელთაც სანდრო ახმეტელის, აკაკი
ვასაძის, აკაკი ხორავას, შოთა აღსაბაძის,
დიმიტრის ალექსიძის ხელმძღვანელობით
ვაიარეს აქტიორული ოსტატობის სკო-
ლა და პირველ მერცხლებად მოეცილნენ
ბათუმის ახალ თეატრს. მათ შეუერთდ-
ნენ ალექსანდრა გარნელი-დარჩია, მე-
დეა ქორელი, მარგარიტა ქილარჯიშვი-
ლი, შალვა ბეჟუაშვილი, კოწო დო-
ლონაძე და ბუხუტი ზაქარიაძე.

თეატრის პირველ სამხატვრო ხელმძ-
ღვანელად დანიშნა არჩილ ჩხარტი-
შვილი, რეჟისორად — შალვა ინახარიძე,
რეჟისორ-ოპერატორად — შალვა ხომე-
რიკი.

მას შემდეგ 43 წელი გავიდა.
ამ წინს მანძილზე ბათუმის სახელმ-
წიფო დრამატული თეატრი ჩამოყალიბ-
და საქმაოდ ძლიერ შემოქმედებით კო-
ლექტივად. თანდათან გაიზარდა მისი
ხვედრითი წილი ქართულ თეატრალურ
ცხოვრებაში, ამაღლდა დასის პროფე-
სიულნი დონე, გაფართოვდა მისი თვა-
ლსაწიერი.

დღეს უკვე საყოველთაოდ ცნობი-
ლია, თუ რა თეატრალურ ქალაქად იქ-
ვა ბათუმი განვლილი ერთი საუკუ-
ნის მანძილზე. დიას, ბევრ, მასზე გა-
ცილებით დიდ ქალაქს დაამშვენებდა
ბათუმის თეატრალური ტრადიციები,
ბათუმური სეზონები, ანტრეპრისები,
ზეიმები, რომ არაფერი ვთქვათ ცალ-
კეულ დადგმებზე. სცენურ სახეებზე,
სწორედ აქ რომ დაიბადნენ, სხვადასხვა
დროს.

მართლაც და, რამდენი გამოჩენილი
მსახიობისა და რეჟისორის შთაგონებუ-
ლი შემოქმედების მოწამე ყოფილა
სხვადასხვა თაობის ბათუმელი მკაუ-
რებელი! მგზნებარე სანდრო ყაზბეგი,
უბადლო ნატო გაბუნია-ცაგარელი, „სი-
ცილის მეფე“ ვასო აბაშიძე, ალექსან-
დრე წუწუნავა, დიდებული ნინო ჩხეი-

ძე და მარო მღივანი, განუყოფელი
ვერიკო ანჯაფარიძე, შალვა ლამბაძე.

დიდი ილიასა და აკაკის, სერგეი მეს-
ხის, კოტე ყიფიანის, ლადო მესხიშვი-
ლის, შალვა დადიანის და სხვა დიდი
მოღვაწეების დარად, ერისკაცობის საკა-
დრისი გულისხმებრებით ეკიდებოდნენ
ბათუმში თეატრის წინსვლა-აღმავლობას
კოტე მარჯანიშვილი და სანდრო ახმე-
ტელი, მიხეილ ქორელი და აკაკი ფა-
ღავა, დიმიტრი ალექსიძე, არჩილ ჩხარ-
ტიშვილი და ბევრი სხვა თვალსაჩინო
მოღვაწე ქართული თეატრალური ხე-
ლოვნებისა. და, მიანიც, სავსებით კანო-
ნიერად ბათუმის ახალი თეატრი სწორ-
უპოვარი ახმეტელის, რუსთაველის თე-
ატრის პირმშოდ ითვლება.

ჭეშმარიტად ნოყიერ ნიადაგზე აღ-
მოცენდა იგი, დღეს რომ აჭარის დიდი
მოჭირანხულის ილია ჭავჭავაძის სახელს
ატარებს და წმიდად ინახავს ბათუმის
თეატრალურ ტრადიციებს, ყველაფერს
აკეთებს, რომ შეურყვნელად განაგრ-
ძონ ეს სასახელო ტრადიციები, შექმ-
ნას „ბრმისა“ და „მოკვეთილის“, „ზა-
რათონისა“ და „კიკვიძის“, „ოდიშის
მეფის“, „ოტელოს“ ბადალი სპექტაკ-
ლები.

განუზომელია ბათუმის სახელმწიფო
თეატრის როლი და მნიშვნელობა მშრო-
მელთა იდეურ და ესთეტიკურ აღზრდა-
ში. პირველივე სეზონიდან იგი ხალხის
ცხოვრებით ცხოვრობდა, ისწრაფვოდა
ყოფილიყო მისი გულისხმების, მისი აზ-
რებისა და ოცნების გამოხატველი.

სამასზე მეტი დადგმიდან, რაც კოლექ-
ტივის ამ 43 წელიწადში განუხორციე-
ლებია, უმრავლესობა თანამედროვე თე-
მაზე იყო შექმნილი, საბჭოთა სინამდ-
ჯულეს ასახავდა. განსაკუთრებული ყუ-
რადღება ექცეოდა ისეთ პიესებს, რომ-
ლებიც ასახავდნენ ჩვენი მზარის — სა-
ქართველოს ამ უძველესი და განუყო-
ფელი კუთხის სოციალისტურ ყოფას,
თუ ავბედითს ისტორიას. ამასთან, თეა-
ტრის რეპერტუარში მუდამ საპატიო

აღვლი ექირა რუსული და მსოფლიო კლასიკური დრამატურგიის ნიმუშებს, თანაფდროვე რუსი და სხვა მოძმე რესპუბლიკების მწერალთა ნაწარმოებებს.

დიდი დამსახურება მიუძღვის ბათუმის თეატრს დრამატურგთა ადგილობრივი კადრების წარმოჩენაში. სწორედ ას კოლექტივთან შემოქმედებითი ურთიერთობათ შეიქმნა ამირან შერვაშიძის, ვალერიან კანდელაკის, პარმენ ღორიას, ფრიდონ ხალვაშის, ალექსანდრე ჩხაიძის, შოთა როყვასა და სხვების დრამატული ნაწარმოებები, უფრო ადრე კი — ხიმონ მთვარაძის ტრაგედია „თევრათ“, გიორგი მდივნის დრამა „სასშობლო“ და სხვა პიესები.

ბათუმის თეატრის აუდიტორია მართლ ბათუმელებით როდი შემოიფარგლება. იმთავითვე იგი მთელი სერიოზულობით ეკიდებოდა აქარის რაიონების მშრომელთა მომსახურებას და ხალისით უმართავდა მათ ვასვლით სპექტაკლებს, რითაც დაბა-სოფლების მცხოვრებთა საერთო მოწონებას იმსახურებდა. ეს კარგი ტრადიცია მომავალშიც ინტენსიურად უნდა გაგრძელდეს. ასევე გულთბილად ხვდებიან ბათუმელთა გასტროლებს ქუთაისში, სოხუმში, მახარაძეში, დასავლეთ საქართველოს სხვა კუთხეებში.

თეატრის ისტორიას ამშვენებს თბილისში ექვსგზის წარმატებით გამართული გასტროლები, გამოსვლები მოსკოვში, კრემლის თეატრის სცენაზე და

რიგაში, ახალგაზრდული სპექტაკლების საკავშირო ფესტივალზე, გამარჯვებული სოციალისტური ქვეყნების ხალხთა დრამატურგიის ფესტივალებში. რუსთაველის თეატრის შემდეგ, იგი მეორე დრამატული დასია საქართველოში, ჩვენი ქვეყნის ფარგლებს გარეთ რომ გავიდა და უცხოელ მაყურებელს უჩვენათავისი ხელოვნება. მხედველობაში გვაქვს 1973 წლის ნოემბერში ბულგარეთის სახალხო რესპუბლიკაში გამართული საგასტროლო ტურნე, რომელსაც დიდი წარმატება ხვდა წილად. შემოქმედებითი ურთიერთკავშირი მეგობარ ბლაგოევგრადის ნიკოლა ვაპცაროვის სახელობის თეატრის კოლექტივთან, უმკველია, შემდგომ გაფართოვდება და სარგებლობას მოუტანს ორივე მხარეს, ამ ქალაქების მაყურებლებს.

წინ დიდი შემოქმედებითი გეგმები და ამოცანებია. ექვსგარეშეა, ბათუმის თეატრი ღირსეულად გადაწყვეტს ამ ამოცანებს, შეძლებს ამ გეგმების რეალიზაციას და კვლავაც იქნება ერთ-ერთი მოწინავე ქართული საბჭოთა თეატრი. ივნისის დამდეგს კი იგი, თავის მაყურებელთან ერთად, ზემოთ აღნიშნავს ბათუმში პირველი ქართული წარმოდგენის გამართვის, მამასადაძე, თეატრის არსებობის ასწლოვან იუბილეს და მომავლის იმედითა და რწმენით, ღირსებას გრძნობით, ტრადიციების საკადრისად განაგრძობს მეორე ასწლოვულს თავისი სახელოვანი ისტორიის!





მიხეილ მუვილოვაძე

„სალხაპს გითვლიან ჩვენი კომკავშირკლები“

ვინც სოკის მიწაზე ფეხს დადგამს, „ნიკოლოზ ოსტროვსკის სახლსაც“ ეწევა. ახე ეძახიან ყოფილ ორეხოვიას მყუდრო ქუჩაზე მდებარე პატარა შუშაბანდიან სახლს, რომელსაც ორიგინალური შემორჩენილი დაფა აქვობს. ეზოს წინ პატარა სვეტი იფუყება, რომ 1923-1935 წლებში აქ ცხოვრობდა რევოლუციის დიდი მებოტბე, გამოჩენილი საბჭოთა მწერალი ნიკოლოზ ოსტროვსკი.

სამუდამოდ სარტეულს მიჯაჭვული მწერალი არააღამიასურა ნებისყოფით, შესაშურია თაეგაოდებით ჭუშაობდა წიგნზე, რომელიც საბჭოთა ახალგაზრდობის საყვარელი ნ.წ.რნოები გახდა და მის ავტორს საქვეყნოდ გაუთქვა პაზელა.

ღალი მწერლის სახლ-მუზეუმში მრავალი საანტერესო დოკუმენტი ინახება. მათ შორის არის წერილები და გამომბურტბანი საქართველოდან. ჩვენთვის განსაკუთრებით სასიხარულო იყო კატალოკი 4818-ე, 4819-ე და 4820-ე ნომრებით დაცული დოკუმენტები, რომლებიც აჭარიდან გაგზავნილი აღმოჩნდა.

ეს არის საქართველოს ალკკ აჭარის საოლქო კომიტეტის ორგანოს — „ახალგაზრდა ლენინელის“ რედაქციის ორი წერილი საბჭოთა ახალგაზრდობის საყვარელი მწერლისადმი და გაზეთის 1935 წლის 1 დეკემბრის ნომერი, რომლის მასალების უმრავლესობაც ნიკოლოზ ოსტროვსკის ეძღვნება.

დღევანდელმა ახალგაზრდობამ შეიძ-

ლება არც კი იცოდეს რაიმე გაზეთ „ახალგაზრდა ლენინელის“ შესახებ, რომელიც 1933 წლის 11 ოქტომბერს დაარსდა, როგორც საქართველოს ალკკ აჭარის საოლქო კომიტეტის დეკადური ორგანო. იმავე წლის 1 დეკემბრიდან მან გამოსვლა დაიწყო, როგორც ექვსდღიურმა გაზეთმა, 1937 წლის 9 მარტიდან კი საქართველოს ალკკ აჭარის საოლქო და ბათუმის საქალაქო კომიტეტების ორგანო გახდა.

„ახალგაზრდა ლენინელი“ დიდი სამამულო ომის დაწყებამდე გამოდიოდა და თვალსაჩინო როლა შეასრულა აჭარის კოკავშირული ორგანიზაციის ცხოვრებაში.

1935 წლის მიწურულს გაზეთის რედაქციას ნიკოლოზ ოსტროვსკისთან კავშირი დაუმყარებია. ბათუმიდან დიდ მწერალს ასეთი შინაარსის წერილი მიუღია: „ძვირფასო ამხანაგო ოსტროვსკი! „ახალგაზრდა ლენინელის“ რედაქცია მოგესალმებათ აჭარის კომკავშირელების სახელით, ჩვენთან ამჟამად მიმდინარეობს „მოლოდლო რაბოჩის“ მასალების განხილვა თქვენს წიგნისა და თქვენს შესახებ. ვაპირებთ მოვიწვიოთ ბათუმის კომკავშირული აქტივი, რათა გავარჩიოთ „როგორ იწრთობოდა ფოლადი“. ოღონდ არც ბიბლიოთეკაში, არც მაღაზიებში არ იშოვება თქვენი წიგნი“.

მეორე წერილში გულითადი მადლობის სტრიქონებია: მწერალს აჭარის კომკავშირელების თხოვნა შეუსრულდება

— მათთვის „როგორ იწრთობოდა ფოლადი“ გაუგზავნია.

„მივიღეთ თქვენი ძვირფასი საჩუქარი — ჩვენი ახალგაზრდობისათვის ფახლადუდებული წიგნი „როგორ იწრთობოდა ფოლადი“. გულითადად გმადლობთ.

ამასთან გიგზავნით ჩვენი გაზეთის სპეციალურ ნომერს, რომელიც ეძღვნება თქვენს შემოქმედებასა და გმირულ ცხოვრებას. საღამს გითვლიან ჩვენი კომპავეზირელები და მშრომელი ახალგაზრდობა“.

„ახალგაზრდა ლენინელის“ 1935 წლის 1 დეკემბრის ნომრის პირველ გვერდზე გადმობეჭდილია გაზეთ „ახალგაზრდა კომუნისტის“ სარედაქციო სტატია „მშობლიური წიგნი“. მასში დასმულია კომპავეზირულ ორგანიზაციებში „როგორ იწრთობოდა ფოლადის“ ფართო პოპულარიზაციის საკითხი. „ყოველმა კომპავეზირებმა უნდა წაიკითხოს ეს წიგნი, — ნათქვამია სტატიაში. — შევისწავლოთ ოსტროვსკი როგორც ადამიანი, როგორც ბოლშევიკი და როგორც მწერალი — ეს არის ჩვენი აღმზრდელითი მუშაობის ერთ-ერთი ამოცანა. ამ წიგნის შესწავლა კომპავეზირის ისტორიაში ჩაახედებს ყოველ ახალგაზრდას. კიდევ უფრო შეუყვრებს ჩვენს დიდებულ სამშობლოს და კიდევ უფრო შეამუღლებს მას გათახსირებულ კლასობრივ მტერს“.

გაშლილი შიდა გვერდები დაბეჭდილია ანშლაგით „საბჭოთა ახალგაზრდობის ფოლადისებურად გამოწრთობისათვის“ და რუბრიკით „ნ. ოსტროვსკი. „როგორ იწრთობოდა ფოლადი“. აქ მოთავსებულია ნიკოლოზ ოსტროვსკის წერილი ი. ბ. სტალინისადმი ლენინის ორდენით დაჯილდოებასთან დაკავშირებით, მისი სიტყვა „ბედნიერი ცხოვრება“, „სამშობლოს სამაჟო შეილის ბიოგრაფია“, რომელსაც ოსტროვსკის პორტრეტი ახლავს, საკავშირო ალკცენტრალური კომიტეტის მდივნის ა. კოსარევის მისალმება „ლენინური კომპავეზირის ღვიძლ შეილს“. სათაურით

„მწერალი-ბოლშევიკი“ ქვეყნდება ოსტროვსკის შემოქმედებით თვითნაგარიში საკავშირო კომპარტიის (სტალინი) სიჭის საქალაქო კომიტეტის ბიუროზე. თვითნაგარიშს ამკობს წიგნის ილუსტრაციები.

ყველა ეს მასალა თანამედროვე მკითხველისათვის კარგად არის ცნობილი და მათ შესახებ სიტყვას აღარ გავაგრძელებთ. შევეხებით მხოლოდ ამ გვერდებში მოთავსებულ რამდენიმე ადგილობრივ მასალას. ინფორმაციაში „წიგნი ითარგმნება ყველა ენაზე“ მოტანილია „როგორ იწრთობოდა ფოლადის“ ბეჭდვის სტატისტიკური მონაცემები 1935 წლის მიწურულისათვის. ეს ნაწარმოები, რომელიც პირველად ჟურნალმა „მოლოდია გვარდიამ“ 1932 წელს გამოაქვეყნა, იმავე წელს გამოცემილმა „მოლოდია გვარდიამ“ დასტამა 10 ათას ეგზემპლარად. ორი წლის შემდეგ გამოცემილმა ნაწარმოებმა მეორედ გამოაქვეყნა 30-ათასიანი ტირაჟით, იმ წელიწადს კი, როცა აჭარის კომპავეზირული გაზეთის რედაქციამ მწერალთან მიმოწერა გამართა, მკითხველს ჯერ კიდევ არ მიეღო „როგორ იწრთობოდა ფოლადის“ მესამე რუსული გამოცემა 100 ათასი ეგზემპლარის რაოდენობით. ბუნებრივია, წიგნის შოვნა ჭირდა და ამიტომ საკავშირო კომუნისტური პარტიის (ბოლშევიკების) ამერკავკასიის სამხარეო კომიტეტმა „სახელგამს“ დავალა მისი ქართულად თარგმნა და გამოცემა.

გაზეთი მოუწოდებს, რომ ფართოდ შემოიღონ პრაქტიკაში ოსტროვსკის წიგნისადმი „როგორ იწრთობოდა ფოლადი“ მიძღვნილი ლიტერატურული საღამოების ჩატარება ბიბლიოთეკებთან, წითელ კუთხეებსა და ქონსაკითხველოებთან ერთად.

საყურადღებოა გაზეთის იმავე ნომერში მოთავსებული განცხადება: „ამ დღეებში „ახალგაზრდა ლენინელის“ რედაქცია საქართველოს ალკც პარტიის კომთან ერთად განათლების მუშაკთა ხალხში საქალაქო აქტივისათვის აწყობს


ანს. ნ. ოსტროვსკის რომანის „როგორ იწრთობოდა ფოლადი“ ლიტერატურულ განხილვას. მოხსენებას გააქეთებს ანს, დ. ლუმბაძე.

ამჟამად ქალაქის კომკავშირულ ორგანიზაციებში მიმდინარეობს ანს. ოსტროვსკის რომანის კითხვა და საუბრები მწერლის შემოქმედებისა და ცხოვრების ხასიათებზე“.

ამ მასალების გაცნობის შედეგად ვრწმუნდებით, რომ ბათუმის კომკავშირულ ორგანიზაციებში დიდი მწერლის მიერ გამოგზავნილ წიგნის ეგზემპლარს კითხულობდნენ და ქალაქის კომკავშირ-

ული აქტივის კრებისათვის მოხსენებად აქ ეგზემპლარის მისეღვით დაწესება შესაძლოა, თბილისში, დავით ლუმბაძის არქივში, აღმოჩნდეს „როგორ იწრთობოდა ფოლადის“ ავტორისეული ეგზემპლარი აჭარის კომკავშირელებისადმი.

გვინდა დავძინოთ, რომ უკვე 1936 წლის იანვრის ბოლოს გაზეთმა „ახალგაზრდა კომუნისტმა“ გამოაქვეყნა მწერალ როდიონ ქორჭიას პატაკი, რომ მან დაამთავრა წიგნის „როგორ იწრთობოდა ფოლადი“ ქართულად თარგმნა და ეს ნობათი საქართველოს კომკავშირის XII ყრილობას მიუძღვნა.



ჯარისკაცი

მოქანდაკე ვამუდ ბოლქვაძე

„გორღ“

ლენინური

კომპარტიის

პრეზიუმის

ლურჯაატი



როდესაც ლაპარაკია ქართულ ცეკვებზე, მათი წარმოშობის ისტორიაზე და მათს შემოქმედ ხალხზე, ძალაუნებურად ჩვენს წარმოსახვაში კინოკადრებივით გაიელვებენ ქართველი ერის მრავალსაუკუნოვანი კულტურის, სულიერი მემკვიდრეობისა და რაინდული წარსულის აღმნუსხველი სურათები, რომლებიც ნათელყოფენ, თუ საიდან მოდის ქართული ცეკვებისათვის დამახასიათებელი ვაჟკაცური ცეცხლოვანება, რაინდული კდემამოსილება, სინაზე, სინატიფე, გამოსახვის ფორმათა კეთილშობილური მრავალსახეობა, შინაარსის სიუჟეტურობა, კომპოზიციური სრულყოფილება.

და მაინც, ცეკვა, თუნდაც ცეკვის სურვილი, ადამიანში შემთხვევით არ იბადება. ქართველი კაცისთვის ოდი-თან იყო ცეკვაც და სიმღერაც ცხო-

ვრების თანაზიარი და თანამგზავრი. ასეა დღესაც.

ასე იყო მაშინაც — 1945 წელს... დაჭრილ ჯარისკაცებს, საავადმყოფოები და პოსპიტალები ვეღარ იტევდა. თბილისის სასოფლო-სამეურნეო ინსტიტუტის შენობის მხოლოდ ნახევარი ეკავა სასწავლო კაბინეტებს, დანარჩენი სამხედრო ლაზარეთს ჰქონდა დათმობილი.

სწორედ მაშინ დაიწყო პირველად საკითხი დირექციის წინაშე — ოფიციალურად ჩამოყალიბებულიყო ინსტიტუტში მოცეკვავეთა ანსამბლი. დავიდრე ხელმძღვანელობა გადაწყვეტილებას სისრულეში მოიყვანდა, ამ დარგში საკმაოდ კომპეტენტურმა სტუდენტებმა ჯიმშერ ქაჯაიამ და გიორგი დოლიძემ თავი მოუყარეს ცეკვით დაინტერესებულ ახალგაზრდებს, თვითონვე დადგეს ცეკვები და პირ-

ველი კონკრეტები სწორედ დაჭრილებს ჩაუტარეს.

მოცეკვავეთა ამ თაობას დღესაც ახსოვს მეომრების მაღლიერი სახე. ამ დღეებში შვევა და სიხარული მიჰქონდათ მათ დაჭრილებისათვის.

მაღლე სტუდენტებს ხელმძღვანელად მოეწვინათ ქართული ცეკვების ცენტროვანი შემსრულებელი, საქართველოს სიმღერისა და ცეკვის სახელმწიფო ანსამბლის სოლისტი ნიკოლოზ გარუნავა, რომელმაც გადამწყვეტი როლი ითამაშა ანსამბლის ფორმირებაში.

1950 წელს ინსტიტუტში მოვიდა ახალი თაობა. ნ. გარუნავამ შეარჩია ახალბედა სტუდენტები. შემდგომში მშვენიერი მოცეკვავეები — ელვუჯა გორდელაძე, ნოდარ მამფორია, სოსო ჭავჭავანიძე, ბესიკ სვანიძე. განსაკუთრებით ამ უკანასკნელზე ამყარებდა დიდ იმედებს და არც შემცდარა. ბესიკ სვანიძემ იმთავითვე გამოიჩინა თავი, როგორც ნიჭიერაა სტუდენტმა, ცეკვის ხელოვნებით გატაცებულმა, კორექტულმა და ზრდილმა ახალგაზრდამ.

ბ. სვანიძე, ვიდრე სატყეო-საინჟინრო ფაკულტეტის სტუდენტი გაზდებოდა, თავის მშობლიურ ქალაქში — ბათუმში ეზიარა საცეკვაო ხელოვნებას ემელიან დოლიძის, ალექსანდრე ჯიჯიშვილის, ენვერ ხაბაძის, კუკური გოგებერიძის ხელმძღვანელობით. ერთდროულად იყო პიონერთა სასახლის მოცეკვავეთა და აჭარის სიმღერისა და ცეკვის სახელმწიფო ანსამბლების მოცეკვავე-სოლისტი.

ნ. გარუნავამ ბესიკს სტუდენტობის პერიოდიდანვე დააკისრა ასისტენტობა. სულ მალე პედაგოგმა გულდამშვიდებით გადაუღოცა მას ანსამბლის ხელმძღვანელობა და თბილისის სამტრეხეთთან არსებულ სიმღერისა და ცეკვის ანსამბლში გადავიდა ქორეოგრაფად.

ბ. სვანიძის საღადგმო მოღვაწეობის პერიოდიდან დაიწყო კოლექტი-

ვის შემოქმედებითი წინსვლის ახალი ხანა.

ბ. სვანიძის თავდაუზოგავი შრომის შედეგად ანსამბლმა თავისი ხელოვნებით მოხიბლა არა მარტო ჩვენი ქვეყნის, არამედ უცხოეთის მაყუობლებიც.

უცხოეთამდე კი ჩვენი ქვეყნის რომელ კუთხეში არ ყოფილას!

ანსამბლი ყველა სარაიონო, საქალაქო და რესპუბლიკური ოლიმპიადის მონაწილეა, 1960 წლიდან კისისტემატურად მონაწილეობს საკავშირო ღონისძიებებში. შედეგებზე მოგითხრობთ ინსტიტუტის თუხუშუმში დაცული მასალები: დიპლომები, სიგელები, ფოტო-დოკუმენტები, მაყურებელთა მადლობის ბარათები.

ანსამბლის პირველი გასტროლები საზღვარგარეთ შედგა 1960 წელს ფინეთში, როცა ამ ქვეყნის დემოკრატიული ძალების ინიციატივით მოწვეობილი ახალგაზრდობის საერთაშორისო ბანაკში მიიღეს მონაწილეობა. პირველი მღელვარება და უცხო ქვეყნის მაყურებელთან შეხვედრის შიში ჭეშმარიტი გამარჯვებისა და აღიარების სიხარულმა შეცვალა. მას აქვთ მსოფლიოს მრავალ ქვეყანაში საგასტროლო მოგზაურობისას მაყურებელთა ტაში, ერთსულოვანი აღტაცება მგვზურობთ ყველგან, უქებენ ოსტატობასა და სილამაზეს, რაინდულ თავდაჭერას. სიღარბაისლეს. უცხოეთის მაყურებელი წყაროს წყალივით ეწაფება ჩვენი ეროვნული ქორეოგრაფიის შეურყენელ სილამაზეს.

ამავე პერიოდში იმოგზაურა ანსამბლმა ბულგარეთში, კუბაში, პოლონეთში, სუდანში, იაპონიაში, თურქეთში.

1971 წელს მოსკოვის მეფუტკრეობის 23-ე კონგრესის მონაწილეთათვის გამართულ კონცერტზე მისი რეჟისორის დაჟინებული მოთხოვნით ანსამბლს დაუკანონდა თავისი შესაფერი სახელი — „გორდა“, დაახ, „გორდა“! რეპერტუარის ერთ-ერთი

საუკეთესო ცეკვის „ხევსურული სუ-
იტის“ ატრიბუტის — გორდა ხმლის
სახელი მოაგონებდეს მაყურებელს
მოცეკვავეთა მიერ ღირსეულად განკ-
ვილ ხელოვნების გზას.

1972 წელს გამართულ მოსკოვის
ტელეფესტივალში „გორდამ“ გამარჯ-
ვებულთა დასკვნით კონცერტზე პირ-
ველი ადგილი დაისაკუთრა. იგი
ტელეფესტივალის ლაურეატი გახდა.
ამასთან დაკავშირებით გაერთიანება
„ეკრანში“ გადაიღეს ფილმი-კონცერ-
ტი — „ცეკვავს გორდა“. საერთოდ,
ანსამბლის კონცერტებს ხშირად უჩ-
ვენებენ საკავშირო ტელევიზიის
პროგრამითაც და ინტერვიზიითაც.

„გორდა“ წარმატებით მონაწილეო-
ბდა საერთაშორისო ფესტივალებში
„ზოლონეში“ (1974 წ.), გერმანიის დე-
შოკრატიულ რესპუბლიკაში (1964 წ.),
საფრანკეთში (1977 წ.), საიდანაც
ყოველთვის ლაურეატის წოდებით
ბრუნდებოდა.

ანსამბლი შვიდგზის მონაწილე და
ლაურეატია საკავშირო ფესტივალები-
სა. 1978 წლის აგვისტოში კუბის
დედაქალაქ ჰავანაში გამართულ ახა-
ლგაზრდობისა და სტუდენტთა ფეს-
ტივალზე „გორდას“ წევრები ღირსე-
ულად იცავდნენ ქართულ ხელოვნე-
ბას. ისინი კუბის ფესტივალის ლაუ-
რეატებიც გახდნენ.

1968 წელს კოლექტივს მიენიჭა
„სახალხო ანსამბლის“ წოდება. 1972-
73-74 წლებში იგი ზედიზედ ფლო-
ბდა რესპუბლიკაში წლის საუკეთესო
თეატროქმედი ქორეოგრაფიული ანსა-
მლისათვის დაწესებულ დ. ჯავარი-
შვილის ვარდამაყალ პრიზს, რომე-
ლიც 1975 წელს სამუდამოდ დაისა-
კუთრა.

1973 წელს კოლექტივმა საქართ-

ველოს კომპაგშირის პრემია დაიმსა-
ხურა.

ანსამბლში სამოცამდე სტუდენტ-
მოცეკვავეა გაერთიანებული. ყოველ
სალამოს — ინსტიტუტის კლუბში ზო-
გჯერ გვიან დამემდეც ისმის ქართუ-
ლი საცეკვაო აკომპანემენტი. მაგრამ
ბ. სვანიძეს, თავისი მასწავლებლის
ნ. ვარუჩავას მსგავსად, სამართლია-
ნად მიიჩნია, რომ მართო ცეკვა რი-
დი კმარა. ცეკვას მაშინ აქვს ფასი,
როცა სწავლა, შრომა და სანიმუშო
ყოფაქცევა აღამაზებს მას. ანსამბლში
არა ჰყავთ არცერთი ჩამორჩენილი
სტუდენტი, წესრიგზე ხომ ლაპარაკიც
არ უხდებათ. აქ მოსული ახალგაზრდა
მთელი გულით და სინდისით ეუფლე-
ბა ცეკვის ხელოვნებასაც და სწავლა-
საც.

„გორდას“ წარმატებებს დიდი ხა-
ნია შეეჭვივინენ, მაგრამ სულ სხვა
იყო სიხარული, რომელიც სულ ცო-
ტა ხნის წინ ანსამბლის საკავშირო
ლენინური კომპაგშირის პრემიით და-
ჯილდოებამ გამოიწვია.

ახალგაზრდული ანსამბლისათვის
ეს განვლილი გზის დიდი შედეგებაა
და კიდევ აღმასვლის უტყუარი საწი-
ნდარი.

ანსამბლი ამჯერად ემზადება ოლი-
მპიადა-80-ის საზეიმო ცერემონიალ-
ში მონაწილეობის მისაღებად. აგრეთ-
ვე იაპონიაში საეასტროლოდ. ერთ-
ხელ კიდევ ხვეწენ ცეკვებს, მოძრაო-
ბებს, ილეთებს; კიდევ ერთხელ სია-
მოვნებით იმეორებენ ათასჯერ განმე-
ორებულს, რათა კიდევ უკეთესი და
იღვარე იყოს ის დღესასწაული, რა-
საც იწვევს მაყურებელში მათ მიერ
ქართული ქორეოგრაფიული ხელოვნე-
ბის დემონსტრირება.

დაველოცოს მოზავლის გზა, „გორ-
და“!





ავთანდილ ღიასაშიძე
იოსებ ბაქირიშვილი

„იესო სასუკუნოდ სსენებულ“

ეს სიტყვები ამოღებულია მეზნე-
ბარე მამულიშვილის ზუსეინ ბეჟანი-
ძის ხსოვნისადმი მიძღვნილი ნეკრო-
ლოგიდან, რომელიც 1883 წლის მარ-
ტში გამოქვეყნდა გაზეთ „დროებაში“.

ზოგი რამ მის შესახებ გავიგეთ
1979 წლის დამლევეს ბათუმში გამო-
ცემული კრებულიდან „ჩამოთქვი, ჩე-
მო ჩინგურო“, რომელიც ფილოლო-
გიის მეცნიერებათა კანდიდატებმა
აზიზ ახვლედიანმა და ემენ დავითა-
ძემ შეადგინეს.

მათი მასალებით, ხ. ბეჟანიძე 1823
წელს დაბადებულია ჩაქვში. დიდგვა-
როვანთა განათლებული შთამომავალი
იყო და ხალხური მეღეკესეც. ის ერ-
ის სატიკვართა მკურნალი გახლდათ,
გულსა და სისხლში გამჯდარი ჰქონ-
და პატრიოტული სულისკვეთება და
აჭარის განთავისუფლების ფიქრში
ათენებდა.

ერთ-ერთი პირველი აღუდგა მუჰა-
ჯირებს, მათი უკან მობრუნება სცადა.
თურქ მოხელეთა ნდობით აღჭურვილ
ბჭვს მოუსმინეს. ერის გულმხურვალე
პატრიოტის სიტყვას მაშინ უდიდესი
წმომქმედების ძალას მისი მართალი
გული და უზადო მამულისშვილობა
ანიჭებდა.

მათივე ცნობით, ხ. ბეჟანიძის სიტ-
ყვა ხმალივით ჭრიდა. საუბარში იყე-
ნებდა ანდაზებსა და შაირებს, აფო-
რიზმებს, სხვისი რომ შემოაკლდებო-
და, შივა და შივ თავისასაც გაურევ-
და. ლექსად ჩამოქნილ სტრიქონებს და

მისი მოსაუბრე თუ მოკამათე უმაღ-
ლადმყოფი ხდებოდა.

ერთგულებისათვის მეფის მთავრო-
ბამ ბეჟანიძეს მაიორის წოდება მია-
ნიჭა და პეტერბურგში მიიწვია.
უკან გამობრუნებისას 60 წლის მო-
ხუცი გაცივდა, მძიმედ დაავადდა და
გარდაიცვალა. ეს იყო 1883 წელს.

გაზეთმა „დროებამ“ ასე დაიტირა
სახელოვანი მამულიშვილი: „ბეჟანი-
ძემ მთელი „ვეფხისტყაოსანი“ ზეპი-
რად იცოდა. კარგი მკითხველი და
წესის მცოდნე იყო... მზიარული და
მოღზინე, ყოველისფრად წარმოვიდ-
გებოდათ, როგორც ნამდვილი, კარგი
გულის თავადიშვილი... არც სახელი,
არც რომელიმე გარეშე პატივი, არც
საჩუქარი, ჯილდო ან სასყიდელი იყო
მისი შრომის წამქეზებელი. მისი და
მისთანა მსგავსთა შრომამ ნაყოფი
მოუტანა ჩვენს ქვეყანასა და ბათუმის
მაზრის ხალხს გადაარჩინა გადასე-
ლას, განადგურებას, ამოწვევებს უც-
ხოეთში გადასახლებით.

ვერც არავითარი ცრემლი, ვერც
არავითარი მეტყველი ენა და კალამი
ვერ გამოსახავს შენსა და მსგავსთა
ღვაწლს, კეთილო კაცო ზუსეინ-ბეგ,
რაც საშვილიშვილოდ საუკუნოდ მო-
სახსენებელი, საქართველოს საისტო-
რიოდ სლალადებელი, მშობლიური
ქვეყნისათვის ძვირფასი საქმე მოიმო-
ქმედე, ასიათასი შვილი გადაურჩინე
ღელა-ქვეყანასა. იფავ უკვლავ მაგა-
ლითად ჩვენის შთამომავლობისათვის.
იფავ საუკუნოდ ხსენებული შენ პატი-

ოსანო, ერთუგლო შვილო შენის ქვე-
ყნისა“.

ა. ახვლედიანი და ე. დავითაძე თა-
ვიანთ წიგნში ხ. ბეჟანიძის შემოქმე-
დებით მოღვაწეობასაც ეხებიან. თა-
მარ მეფისადმი მიძღვნილი ლექსი
„ათასი კაბა ყმა მყავდა“ უნიკალუ-
რია მთელი ქართული ხალხური პო-
ეზიის საგანძურში, ამიტომაც შეტა-
ნილია საისტორიო სიტყვიერების თი-
თქმის ყველა მნიშვნელოვან გამოცე-
მაში.

ეს ლექსი 1879 წელს ჩაუწერია
პეტრე უმიკაშვილს და გაზეთ „დრო-
ებაში“ გამოუქვეყნებია. შემდეგ კი
გიორგი წერეთელსა და თედო სახო-
კიას. აი ლექსიც:

ათასი კაბა ყმა მყავდა
ყველანი ოქროს დილითა.
ვაჭმევდი დედალ სოხოზსა,
ვასმევდი ბროლის ჭიქითა.
ვინც, რომ შემემა, შევები
ალალითა და ჯიქითა,
აწე თქვენ იცით, მეფენო,
ვინც ღარჩით ამის იქითა.

აი, ამ ლექსის ავტორი სწორედ
ხ. ბეჟანიძეა, მან ლექსი შექმნა მა-
შინ, როცა სამუჰაჯიროდ აყრილი და
სინამდვილისაგან გულგატეხილი თა-
ნამემამულეების დაშოშმინებას ცდი-
ლობდა და საამისოდ, როგორც ჩვეუ-
ლებრივ ხდება, წარსულის საგმირო
ფაქტები გამოიხმო.

უნდა შევნიშნოთ, რომ ეს ლექსი
სასიქადულო მამულიშვილმა ზ. ჭიჭი-
ნაძესაც ჩააწერინა, ამ ვარიანტში „ვა-
სმევდისა“ და „ღარჩის“ ნაცვლად
არის „ვასომდი“ და „ღარჩეთ“.

ახლა გავეცნოთ სხვა მასალებს,
რომლებიც ხ. ბეჟანიძის მამულიშვი-
ლობასა და დიდსულოვნებაზე დალა-
დებენ. რუსეთის გამარჯვების შედე-
გად, 1878 წლის 25 აგვისტოს განმა-
თავისუფლებლები აჭარაში შემოვიდ-
ნენ. ამით აღსრულდა ქართველი ხა-
ლხის დიდი ხნის ოცნება. ამ ისტო-
რიული მოვლენის აღსანიშნავად საქა-

რთველოს საუკეთესო წარმომადგენ-
ლებმა აჭარისა და მეზობელი რეგიონ-
ების 16 დელეგატს შერიფ ხანშია-
შვილის თავკაცობით იმავე წლის 14
ნოემბერს თბილისში გულთბილი და-
რბაწობა გაუმართეს. აქ იყვნენ სე-
რგეი მესხი, გიორგი წერეთელი, აკა-
კი წერეთელი, პეტრე უმიკაშვილი
და სხვები.

ხუსეინი ძმისშვილ ხასანთან ერთ-
ად მარცხნივ ეჯდა თამადას — გრი-
გოლ ორბელიანს, მარჯვნივ შერიფ
ხიმშიაშვილი იყო. ორბელიანის გა-
სოხვლის შემდეგ საპასუხო სიტყვა
აჭარის დელეგაციის უზუცეს წევრს
ხ. ბეჟანიძეს მისცეს. მან „წმინდა
ქართული ენით“ გამოთქვა აღფრთო-
ვანება თანამემამულეებთან შეერთების
გამო და მადლობა გადაუხადა ესოდენ
თბილი მიღებისათვის. უფროსი ძმები
ხართ, დაკარგულები დაგიბრუნდით,
მოგვხედეთ და გვიპატრონეთ, გვიძ-
მეთ და სწავლა-განათლება ჩვენშიც
გაავრცელებთ, ერთგულებას კი მო-
მავალშიც დაგიმტკიცებთ.

ხ. ბეჟანიძეს მოუხიბლავს რუსეთ-
ის არმიის ოფიცერი, ჟურნალისტი
და ისტორიკოსი ალექსანდრე ფრენ-
კელიც, რომელიც ვანსათავისუფლებ-
ლებს შემოქვევა აჭარაში და მის
მკვიდრთ ქებით აღსავე წიგნი „ჩუ-
რუქსუსა და ბათუმის ნარკვევები“
უძღვნა. იგი 1879 წელს გამოქვეყნ-
და.

აი სწორედ ამ წიგნში ა. ფრენკელი
მიუთითებს, რომ ს. მესხთან ერთად
ბათუმში ხ. ბეჟანიძის ოჯახში დაბი-
ნავებულან. ხუსეინი, მისი ძმები
ფერათი, მეგედი, ძმისშვილები თეო-
ფილე, შევქეთი, ხასანი, მურადი, ჰა-
იდარი და სეფერი სანდო, სახელგაუ-
ტეხელი არიან, ვახარეს აჭარის გა-
ნთავისუფლებით. მისივე ცნობით,
1879 წელს რუსეთის მოხელეებმა იწ-
ყეს მასალების შესწავლა ბათუმში
რკინიგზის შემოსაყვანად. მაღალი რა-
ნგის მოხელეებმა და კაპიტალისტე-
ბმა ხმაური ატეხეს ხაზის ზღვისპირ-



რას გავყვანის გამო. ეს დაარღვევს ჩვენს მყუდროებას, აგარაკებზე არ შეგვერგება დასვენებაო.

რკინიგზას დიდი მნიშვნელობა ჰქონდა კუთხის განვითარებისათვის. ამის გამო ბეჟანიძემ არ დააყოვნა და ა. ფრენკელს აცნობა, თუ ასეა, მაშინ რკინიგზა ჩაქვიდან კაპრემუშზე გავლით, ე. ი. ჩემს მამულში გავიყვანოთო. იგი მიწისათვის ფულს არ ითხოვდა, მაგრამ მეფის ხაზინამ სახსრების ნაკლებობის გამო 1883 წელს გამოიყვანა რკინიგზის ის ხაზი, რომელიც ახლაც მოქმედებს.

ხ. ბეჟანიძეს ეკუთვნოდა ჩაქვი შემოგარენებით, სოფელი სახალვაში და მახინჯაური. ადრე მას და ძმებსაც წაართვეს საბუთები, რომ ისინი მოდემით აჭარის ერისთავები არიან და ციხისძირიდან მოყოლებული ტერიტორია მათ ეკუთვნოდათ.

ამის თაობაზე წერს ს. მესხი: მისივე ცნობით, ბეჟანიძე — ბეჟანიძეილი თავისი ამალითა და დეპუტაციით დახვდა განმათავისუფლებლებს ჩაქვში 1878 წლის 25 აგვისტოს. ს. მესხი მას გაკვლიან ბეგად მიიჩნევს, მოსაზრება რჩევა-დარიგებას ეკითხება, მისი წყალობით ბევრი არ გადასახლდა ოსმალეთში. ზუსტად ჩინებულად ლაპარაკობს ქართულად, მის ოჯახში ყველამ იცის მშობლიურ ენაზე კითხვაო.

აღსანიშნავია, რომ ფრანგი მოგზაური ჟან მურიე თავის ნაშრომში „ბათუმი და ჭოროხის აუზი“ მიუთითებს: მდინარე ყოროლისწყლის შესართავში იყო ნანგრევები ძველი სასახლისა და კოშკისა, რომლებიც ბეჟანიძეებს ეკუთვნოდათ.

ჩემი აზრით, ცხადია, „დროებაში“ გამოქვეყნებული უკვე ხსენებული წერილი ასევე ს. მესხის დაწერილია. იგი ხომ 1883 წელსაც ამ გაზეთის რედაქტორი იყო, მეგობრობდა ზუსეინთან.

ცნობილია ისიც, რომ ხ. ბეჟანიძის მამულებში სანიმუშოდ იყო განვითა-

რებული მევენახეობა და მეხილეობა, მეციტრუსეობაც. სერგეი მესხი, დიმიტრი ბაქრაძე, ვიორგი წერეთელი და სხვები წერენ, რომ ჩაქვური დვინო ოსმალეთშიც იყო განთქმული, მსხალი და სხვა ხილი სამეგრელო-იმერეთში და სხვაგან გაჰქონდათ. მაგრამ ბოლო წლების არნახულმა ყინვებმა, დაავადებების გავრცელებამ, 1877-1878 წლების ომმა და მუჰაჯირობამ ეს ღარებები გააჩანაგაო, ამიტომაც ხ. ბეჟანიძე სიხარულით შეხვდა ცნობილ ბოტანიკოსსა და ისტორიკოსს ნიკოლოზ შეიდიცის, რომელმაც თავკამოდებით დაიწყო იმის ქადაგება, რომ, თუ აჭარაში მშვენიერად ხარობს ფორთოხალი, მაშინ ჩაის კულტურაც მოიკიდებს ფეხსო. გადაწყდა, პირველი ჩაის პლანტაცია ჩაქვში გაეშენებინათ. ამიტომ იყო, რომ ხ. ბეჟანიძემ ამ სპეცილიზაციის საქმისათვის ნაკვეთები არ დაიშურა და შეიდიცის უწყალობა. იმასთან დაკავშირებით, რომ იგი მეცნიერულ მოღვაწეობას დაეწაფა, მიწა ენთუზიასტ ალექსანდრე სოლოვოვს დაუთმო, რომელმაც მისი და სხვათა რეკომენდაციებით 1885 წლის გაზაფხულზე ჩაქვში, ხ. ბეჟანიძის მამულში, რომელიც დღეს ლეინის სახელობის საბჭოთა მეურნეობის ტერიტორიაა, გააშენა პირველი სამრეწველო დანიშნულების ჩაის პლანტაცია, რითაც დასაბამი მისცა ჩვენი ქვეყნის სოფლის მეურნეობის ამ უმნიშვნელოვანეს დარგს.

იმხანად ოსმალები აწიოკებდნენ სომხებსა და ბერძნებს. მათი ნაწილი აჭარას მოაწყდა. ხ. ბეჟანიძემ შეიცოდა ბერძნები, რომელთა წარმომადგენლებთან კავშირიც ჰქონდა და თავისი ერთი სოფელი, კერძოდ, დღევანდელი ქვედა აჭყვა თითქმის მთლიანად მათ დაუთმო. — ისინი კეთილსინდისიერები არიან, თურქეთში მეციტრუსეობასა და ზელოსნობას მისდევენ, მაშასადამე, აქაც განავითარებენ, აღადგენენ ამ დარგებსო, —

ფიქრობდა სხვა ხალხების პატივის-
მცემელი და მოყვარული მამულიშვი-
ლი. რაოდენ სასიამოვნოა, რომ მად-
ლიერმა ბერძნებმა ყოველივე ეს
1908 წელს ქალაქ ათენში მშობლიურ
ენაზე გამოქვეყნებულ წიგნში აღნიშ-
ნეს. ამ წიგნს ჰქვია „ბერძნები კავ-
კასიაში“, ხოლო ავტორია ისტორი-
კოსი ილია კალფოილუ.

ბ. ბეჟანიძის ლექსს თამარ მეფეზე
და მისი გვარის წარმომავლობას ეხება
ჩვენი კუთხის მეისტორიე და უანგა-
რო მეგობარი ზაქარია ჭიჭინაძე. წი-
გნში „ისტორია ოსმალეთის ყოფილ
საქართველოსი“ იგი გვაუწყებს, რომ
ბეჟანიძეები ადრე პირმსახურაძეებად
იწერებოდნენ. თამარ მეფეს პირფარე-
შებად ემსახურებოდნენ, რაც ქარ-
თულ-რუსული და თურქული ენებისა
და ხალხური ლექსების კარგმა მცო-
დნემ სულიმან ბეჟანიძემაც დაუდა-
სტურა. შემდეგ ზ. ჭიჭინაძე წერს,
რომ პირფარეშიძენი XII საუკუნეში
აღორძინდნენ. „თამარ მეფის მიერ
დაჯილდოვებული იქნენ გვარიშვილ-
ობით ნიშნად ერთგულებისა და მათ
ჩაბარდათ ზენდიდის ციხე. ადრე ის-
ინი დიასამიძედ იწერებოდნენ, პირ-
ფარეშის ძეობა კი თამარ მეფისაგან
მიიღეს.

სპარსეთის მეფე შაჰთამაზმა მოა-
ონრა სამცხე. ათაბაგის მეუღლემ
შვილებით ყვარყვარეთი, მანუჩართა
და ბექათი აჭარას შეაფარა თავი, სწო-
რედ მაგარ და ცნობილ ზენდიდის ცი-
ხეს, რომელიც ამ მხარის გამგებელ
პირფარეშიძეს ეკუთვნოდა, მან შეკ-
რიბა მთელი აჭარის ვაჟკაცები და
რჩევა ქნეს, რათა მზად ყოფილიყვნენ
შაჰის მოსალოდნელი შემოსევისათ-
ვის. ეს 1575-1576 წლებში მოხდა,
სპარსელებთან ბრძოლაში პირფარე-
შიძეთა წარმომადგენლებიც დაცემუ-
ლან“.

აქვე შენიშნავს, რომ ოსმალების
ბატონობისას ამ გვარის ცნობილი
წარმომადგენელი ბეჟანი გამუსლიმა-

ნდა და ბეჟანიძე-ბეჟანოღლუა. ანუ
ბეჟანიშვილად დაიწერა.

ბეჟანიძეები ძველთაგანვე დიდი
გავლენით სარგებლობდნენ აჭარაში.
მათი წინაპრები თამარ მეფეს პირფა-
რეშებად, ანუ ხელზე მოსამსახურეე-
ბად ედგნენ. ამიტომაც მსახურაძეე-
ბად დაიწერნენ, შემდეგ ამ გვარში
დაწინაურებულა ბეჟანი, რის გამოც
მისი შვილები ბეჟანიშვილები, მოგვი-
ანებით შთამომავალთა ნაწილი ბეჟა-
ნიძეები გახდნენ, ხოლო სხვები მსა-
ხურაძეებიო, — კვითხულობთ ზ. ჭი-
ჭინაძის სხვა წიგნში.

საგულისხმოა, რომ გვარი მსახუ-
რაძე შემორჩენილია შუახვევის რაი-
ონში, ბეჟანიძე კი აჭარის ყველა რა-
იონშია გავრცელებული. სხვათა შო-
რის, ხუსეინს ზოგიერთი ავტორი
ბეჟანიშვილად მოიხსენიებს. გამო-
რიცხული არ უნდა იყოს ის, რომ თა-
მარ მეფისადმი შთამომავლობით გად-
მოცემულმა სიყვარულმა, მასთან ბე-
ჟანიძეთა ურთიერთობამ დააწერინა
ლექსი „ათასი კაბა ყმა მყავდა“.

იმასაც დაუძენთ, რომ თავდადებუ-
ლი მამულიშვილის შერიფ ზიმშიაშ-
ვილის დედა ხ. ბეჟანიძის ნათესავი
იყო (დ. მამულაძე, „შერიფ ზიმშია-
შვილი“).

დასასრულ ის გვინდა ვთქვათ, რომ
კარგი იქნება, სოფელ ზედა ულიანო-
ვიკის იმ უბანს, რომელსაც ყოფილი
მუპატრონის დივიტის სახელი რატო-
მაც დღემდე შემორჩა, აგრეთვე და-
ბა ჩაქვის ერთ-ერთ ქუჩას ხ. ბეჟანი-
ძის სახელი მიეკუთვნოს, ხოლო ბა-
თუმში იმ ადგილას, სადაც მისი სახ-
ლი იდგა, გაკეთდეს მემორიალური
დაფა იმის აღნიშვნითაც, რომ აქ ჩე-
რღებოდნენ აჭარის დიდი მეგობრები
ხ. მესხი, ვ. წერეთელი, ა. ფრენკელი,
ნ. შეიდილიცი და სხვები.

დაბოლოს, ვფიქრობთ, რომ სახე-
ლოვანი მამულიშვილის შთამომავლე-
ბი გამოეჩნაწურებან ამ ნარკვევს და
ახალ მასალებს მოგვაცვდიან.

საქართველო თან გვასლდა ყველგან

ნოემბერი დაებედა „ხიდს“ საზღვარგარეთული პრემიერების თვედ. ასე იყო ბულგარეთში, ჩეხოსლოვაკიაში, პოლონეთში. ახლაც სანოემბროდ ვარ მიწვეული ვერმანის დემოკრატიულ რესპუბლიკაში. ჯერჯერობით მხოლოდ ის ვიცი, რომ ბერლინის გამოძეგმლობა „ჭენშელმა“ თარგმნა „ხიდი“. ერთი ეგზემპლარი გამომიგზავნეს კიდეც. თან შემატყობინეს, პიესა დასადგმელად მიიღეს როსტოკისა და სტენდალის თეატრებში. როსტოკის შესახებ საკმაოდ ბევრი მსმენია. საქართველოს საზღვარ სანაოსნოს გემები ხშირად ქუშუბენ ღუზას ამ სანავსადგურო ქალაქში. იქაურ თეატრებზეც წამიკითხავს ზოგი რამ. მაგრამ სტენდალის შესახებ აქამდე არაფერი ვამეგონა. კაცმა რომ თქვას, ასეთი ქალაქის არსებობაც არ ვიცოდი ვერმანის დემოკრატიულ რესპუბლიკაში. მოგვიანებით ერთ გაზეთში წავაწყდი ინფორმაციას სტენდალის სპორტულ ცხოვრებაზე. არც თუ ისე დიდი ხნის წინათ ჩინებული ფეხბურთის გუნდი ჰყოლიათ. ისიც შევიტყვე, დიდ ფრანგ მწერალს ანრი ბეილს ამ ქალაქში მცხოვრები მისი მეგობარი პოეტის პატივსაცემად დაურქმევია ეს ლიტერატურული ფსევდონიმი — სტენდალი...

„ხიდს“ პრემიერას დაესწრება აჭარის ასსრ ჯანმრთელობის მინისტრი რამაზ სურმანიძე — ამ ორი ქვეყნის მეგობრობის საზოგადოების აჭარის განყოფილების თავმჯდომარე. ჩვენი მასპინძელია ვერმანია-საბჭოთა კავშირის მეგობრობის საზოგადოების ცენტრალური საბჭო, კერძოდ, ამ საზოგადოების მდივანი

კულტურის დარგში ჰელმუტ შეფერი, რომელიც ამ ორიოდე წლის წინათ იმყოფებოდა ბათუმში და სწორედ მაშინ დაინტერესდა „ხიდი“.

როგორც შევიტყვეთ, ჩვენ ორკაციან დელეგაციას ელის არა მარტო პრემიერა სტენდალში, არამედ საკმაოდ საინტერესო მოგზაურობა და შეხვედრები ვერმანის დემოკრატიულ რესპუბლიკაში.

პრემიერამდე რამდენიმე დღით ადრე ჩავვედით ბერლინში.

ყოველ ახალ ქვეყანასთან, ახალ ქალაქთან შეხვედრა, ბუნებრივია, მდეღვარებას იწვევს, მაგრამ ბერლინის სულ სხვაა, მით უფრო ჩემი თაობისათვის, რომელმაც გადაიტანა მეორე მსოფლიო ომის მთელი სიმძიმე. ერთი თვალის გადავლებით, ბერლინს თითქოს არც ეტყობა ომის ნაკვალევი, ნანგრევებზე წამომართულა ახალი თანამედროვე ქალაქი, რომელიც მჩქეფარე ცხოვრებით ცხოვრობს, მაგრამ აქა-იქ მაინც შეხვდებით ნახევრადღანგრეულ შენობებს, რომელთა აღდგენა გეგმაზომიერად მიმდინარეობს. წიგნებში ამოკითხული თუ ეკრანზე ნანახი ცოცხლდება მეხსიერებაში, როცა თვალს ავლებ ბრძოლის ქარ-ცეცხლში გამოვლილ ადგილებს და თან ისმენ მასპინძელთა მონათხრობს, რომ, მაგალითად, აი, ამ პროსპექტზე დააბიჯებდნენ ფაშისტ მოიერიშეთა რაზმები, აქ იყო ჰიტლერის მიწისქვეშა რაიხსკანცელარია, ხოლო მეტროს იმ სადგურში ფაშისტებმა კერავულად შეუშვეს მდინარე შპრეე და სასიკვდილოდ გასწირეს თანამემამულეები...

ერთ დღეს მასპინძლებმა მიგვიპა-

ტიყეს ტელეკომის რესტორანში, სა-
იდანაც მთელი სივრცე-სივრცით გა-
მოჩნდა ორად გაყოფილი ბერლინი.
მიუხედავად იმისა, რომ კაპიტალის-
ტური სამყარო, პირველ რიგში, თვით
ბონის მთავრობა, არაფერს იშურებს,
რათა დასავლეთ ბერლინი გადაქცე-
ოს კაპიტალიზმის სარეკლამო ვიტ-
რინად, მბრუნავი რესტორნის ფართო
ფანჯრებიდან ჩვენ გარკვევით ვხედა-
ვდით, რომ იქეთა მხარეს ჯერ კიდევ
ვერ მოეშუშებიან ნაოძარი ჭრილო-
ბები, თვით რაიხსტაგის შენობაც კი
საყველპუროდაა შეკეთებული, მისი
გუმბათებიდან და არქიტექტურიდან
თითქმის აღარაფერია დარჩენილი.
მაკორნება, სწორედ იმ დღეებში
ბორის პოლევოიმ დაწერა, რაიხსტა-
გი პარიკმონდილ მელოტ ქალს ჰვა-
ესო. დასავლეთ ბერლინის უდიდეს-
მო პეიზაჟს ვერ შევლის კაპიტალის-
ტური პრესის მაგნატის — შპონგე-
რის მიერ აღმართული ცათამბჯენი
ეკრანით, რომელზეც შებინდებიდან
დილაძე ინთება ანტიოსციალისტურ-
ი, ანტისაბჭოთა „სიახლენი“. რაიხ-
სტაგის ხილვა გაორებულ გრძნობას
იწვევს: ამ შენობაში ისახებოდა მსო-
ფლიოს დაპყრობის, ადამიანთა მასო-
ბრივი განადგურების გიჟური გეგმე-
ბი, ამავე დროს კი გული სიამაყით
გვესება, რომ რაიხსტაგის გუმბათზე
სხვებთან ერთად ფაშიზმზე გამარჯ-
ვების დროშა აღმართა ქართველმა
კაცმა მელიტონ ქანთარაიამ.

ჩვენ ვიყავით პოტსდამში, სადაც
გამარჯვების შემდეგ, 1945 წლის იუ-
ლის-აგვისტოში მიმდინარეობდა დი-
დი სახელმწიფოების მეთაურთა კონ-
ფერენცია. მასში მონაწილეობდნენ
სტალინი, ტრუმენი, რომელმაც, რო-
გორც ვიცე-პრეზიდენტმა, გამარჯვე-
ბაძე სამიოდე თვით ადრე გარდაცვ-
ლილი რუხველტი შეცვალა ამერიკის
შეერთებული შტატების პრეზიდენ-
ტის პოსტზე, და ჩერჩილი, რომლის
ადგილი კონფერენციის მიმდინარეო-
ბის დროს დაიკავა დიდი ბრიტანე-

თის ახლადარჩეულმა პრემიერ-მინი-
სტრმა ეტლიმ.

ცეცილიენჰოფის სასახლეში
ყობილია მეორე მსოფლიო ომის ამ-
სახველი მეტად შთაბეჭედავი გამო-
ფენა და კონფერენციის მიმდინარე-
ობის მასალები. რა თქმა უნდა, აქ
ყოველივე ხელუხლებლადაა დაცული
და ამიტომ, რომ ტურისტები და ექს-
კურსანტი არ აკლია ამ ისტორიულ
ადგილს.

პოტსდამში ვინახულეთ აგრეთვე
სანსუსის უიშვიათესი არქიტექტუ-
რული ანსამბლი თავისი სასახლეე-
ბით, სურათების უნიკალური გამო-
ფენით, ქანდაკებებით, პარკებითა და
ვენახის ზვრებით. აქ ერთ-ერთ მემო-
რიალურ დაფაზე აღბეჭდილია, რომ
ომის დამლევს აქაურობა განადგუ-
რებისაგან გადაარჩინეს საბჭოთა არ-
მიის მეზობლებმა.

ყველა ქალაქში, სადაც კი ჩვენ ჩა-
ვიდით, გვხვდებოდნენ გერმანია-
საბჭოთა კავშირის მეგობრობის
საზოგადოებისა და ადგილობრი-
ვი თეატრის წარმომადგენლები.
ერთი მეტად საინტერესო კაცი
დაგვხვდა ერფურტში. როცა სა-
ხელი ვკითხე, მან უბის წიგნაკი გა-
მომართვა და ქართულად ჩაწერა:
„ჰორსთ ბენეკენშტაინი“. ჰორსთი
პროფესიით ისტორიკოსია, რამდენ-
ჯერმეა ნამყოფი საქართველოში, რო-
დესაც მუშაობდა საღისურტაციო თე-
მაზე: „გერმანული იმპერიალიზმის
პოლიტიკა კავკასიაში“. 1975 წელს
დაუცავს დისერტაცია იენის უნივერ-
სიტეტში, რომელიც მეგობრობს
თბილისის უნივერსიტეტთან. მისი
მეგზურობით დავათვალიერეთ ერ-
ფურტის ღირსშესანიშნაობანი, პი-
რველ რიგში კი ნამდვილი „ტურისტ-
ტული მექა“ — ქალაქი ეიზენახი, სა-
დაც ბახის სახლ-მუზეუმში ბევრი
რამ ახალი გავიგეთ ამ გენიალური
კომპოზიტორის შესახებ, მოვისმინეთ
მისი ფუგები. ვიყავით ვარტბურგის
ციხე-სიმაგრეში, რომელიც დაკავში-

რეპულია დიდი გერმანელი რეფორმატორის მარტინ ლუთერის სახელთან, ვაგნერის ცნობილი ოპერის „ტანგეიზერის“ შექმნასთან, გერმანიის ისტორიის ბევრ მნიშვნელოვან მომენტთან.

ვაიმარი ნამდვილი ქალაქი-მუზეუმი და მის დათვალიერებას, რა თქმა უნდა, ერთი და ორი დღე არ ეყოფა, მაგრამ ჩვენ არ შეგვეძლო არ მოგვეჩვენებინა ის სახლები, სადაც ცხოვრობდნენ და თავიანთ უკვდავ ნაწარმოებებს ჰქმნიდნენ ვოეთე და ფერენც ლისტი. ვაიმარში, შილერის სახლს რომ ვათვალიერებდით, თავი მოვიწონეთ ქართულ სცენაზე ამ გენიალური დრამატურგის პიესების დადგმის ტრადიციებით, რუსთაველის თეატრი და სანდრო ახმეტელის „ყაჩაღები“ მოვიგონეთ, ისიც დავირდით მუზეუმის მესვეურთ, შევეცდებით, რაიმე პატარა ექსპონატი მოგაწოდოთ. გულით გავიზარეთ, როცა აქ შილერის პიესების ქართული თარგმანიც ვნახეთ. ისიც შევიტყვეთ, რომ „ყაჩაღები“ რუსულად პირველად ქართველ ზანდუკელთა შთამომავალს სანდუნოვს უთარგმნია.

მოგზაურობის დროს თითქოს საქართველო თან გვახლდა ყველგან, ან ჩვენში ნამყოფ გერმანელს ვხვდებოდით, ან კიდევ ქართველი კაცის ნაკვალევს. ერფურტის ერთ-ერთ კინოთეატრში გვიჩვენეს ქართული კინოსადმი მიძღვნილი გამოფენა, „ელი-სოდან“ დაწყებული, დამთავრებული ლანა ლოლობერიძის ახალი ფილმით „რამდენიმე ინტერვიუ პირად საკითხებზე“, რომელსაც სწორედ იმ დღეებში უჩვენებდნენ ეკრანებზე. თითქმის ყველა ოჯახში ვხვდებოდით ქართულ სუვენირებს, ხოლო ერთ მაღაზიაში ფიროსმანის ჩინებული რეპროდუქციები ვნახეთ. როდესაც პორტოს ოჯახში ვესტუმრეთ, „წინ წყაროს“ ჰანგი მოგვესმა და ასე გუშოში ჩამწვდომი არასოდეს მოგვჩვენებია ეს სიმღერა ჰამლეტ გონაშვი-

ლისა და ანსამბლ „რუსთავის“ შესრულებით.

მთელი ამ მოგზაურობის დროს ჩვენ საოცარ სიბოხსა და ყურადღებას ვგრძნობდით ყოველ ქალაქში, სრულიად უცნობი ადამიანებისაგანაც კი. მასხოვს, შაბათს ორი საინტერესო ფეხბურთის მატჩი იყო დაგეგმილი. გერმანიის დემოკრატიული რესპუბლიკის ნაკრები ლაიფციგში დებულობდა ჰოლანდიელებს, ხოლო თბილისში ჩვენს ნაკრებთან ამხანაგური შეხვედრა უნდა გაემართა გერმანიის ფედერაციული რესპუბლიკის გუნდს. ბერლინელმა მასპინძლებმა ამაზეც იზრუნეს. ჩვენი გულშემატკივრობის ამბავი აცნობეს მაგდებურგელებს და ამ ქალაქის კულტურის სასახლეში სუფრა ტელევიზორის წინ დაგვხვდა გაშლილი... ისე კი, ორივე მატჩის შედეგმა სტუმრებსაც და მასპინძლებსაც გული დაგვწყვიტა. გამომშვიდობებისას, შთაბეჭდილებათა წიგნი რომ დაგვიდეს წინ, მაგდებურგეში ჩვენამდე ჩასული მედიტონ ქანთარიასა და კინოდრამატურგ რეზო გაბრიაძის ჩანაწერები აღმოვაჩინეთ.

ერფურტის სასტუმროში ჩემი სახელი შემომესმა და ვილაქცატი ვაღიბებული სახით გამოემართა ჩვენსკენ. ისე მოულოდნელი იყო ეს შეხვედრა, რომ უცებ ვერც კი ვიცანი ლიტველი მსახიობი მიხეილ ევდოკიმოვი. ამ რამდენიმე წლის წინათ ვილნიუსის თეატრში დადგმულ „ხიდში“ იგი პროკურორ ირაკლი რაზმაძის როლს ასრულებდა. ახლა ევდოკიმოვი ამ თეატრის დირექტორია და ერფურტში ჩამოსულა იმასთან დაკავშირებით, რომ ორი დამძობილებული ქალაქის თეატრები ერთმანეთთან მეგობრობენ. სწორედ იმ დღეებში ლიტვეური პიესის პრემიერა გამართულა ერფურტში, ხოლო მალე გერმანელ რეჟისორს ელოდნენ ლიტვის დედაქალაქში. ბუნებრივია, სიტყვა „ხიდზე“, სტენდალის პრემიერ-

რაზე ჩამოვარდა. ერფურტის თეატრის ხელმძღვანელები დაინტერესდნენ პიესით. ევლოკიმოვმაც არ დაიშურა კეთილი სიტყვა.

საერთოდ, უნდა ითქვას, რომ ჩვენი დრამატურგიის პრობაგანდა, მისი გაცნობა სხვა ქვეყნებისა და ხალხების თეატრებისათვის ვერაა სათანადოდ მოგვარებული. საკუთარი გამოცდილება მალაპარაკებს ამას. ზოგჯერ ავტორი ჩვენი ქვეყნის თეატრებში დადგმული მისი პიესის შესახებაც არაა სათანადოდ ინფორმირებული. გერმანიის დემოკრატიულ რესპუბლიკაში რომ მივემგზავროდით, ვისარგებლეთ სასაზღვრო ქალაქ ბრესტში მატარებლის ხანგრძლივი შეჩერებით და ლევენდარული გმირი ციხე-სიმაგრის სანახავად წავედით. უცებ მანქანიდან თვალი მოკვარი აფიშას წაწერით: „თავისუფალი თემა“. ბრესტში ამ პიესის დადგმის შესახებ არაფერი ვიცოდი. სპექტაკლი, რა თქმა უნდა, ვერ ვნახეთ, მხოლოდ რამდენიმე წუთით შევხვდით თეატრის ხელმძღვანელებს, პიესის დამდგმელებს და სპექტაკლის მონაწილეებს. ვიმეორებ, ამ მიმართულებით ჯერ კიდევ ბევრია გასაკეთებელი, მით უფრო, რომ ქართული დრამატურგია სულ უფრო ფართო ყურადღებას იპყრობს საკავშირო და საზღვარგარეთულ სარბიელზე.

„ხიდი“ ბარე ათ ენაზე მინახავს, მათ შორის, საზღვარგარეთაც, მაგრამ, თავისთავად ცხადია, მაინც ველავდი. როგორც შემდეგ გვითხრეს, ლელავდნენ მასპინძლებიც, მით უფრო, რომ „ხიდი“ პირველი ქართული პიესა იყო სტენდალის თეატრის სცენაზე, ხოლო გერმანიის დემოკრატიულ რესპუბლიკაში მანამდე მხოლოდ გუგა ნახუცრიშვილის „ნაცარქექია“ დაედგათ. თეატრის დირექტორი (რომელსაც გერმანიაში ინტენდანტს ეძახიან) უღრის ჰამერი დათქმულ დროს მთელი ოჯახით დაგვხვდა სასტუმროში. მიუღლეც და

ქალიშვილიც საკმაოდ გამართულად ლაპარაკობდნენ რუსულად. სტენდალში ორდღიანი ყოფნის პროგრამა გაგვაცნეს, ხვალ დილიდან მეგზურობას თქვენი თანამემამულე გაგიწევთო, გვითხრეს. მართლაც, მეორე დღეს გვესტუმრა ჯულია აბრამიანი, თბილისში დაბადებული სომეხი ქალი, რომელიც შემდეგ ცხოვრობდა ბაქოში, იქ გაიცნო და თავისი ბედი დაუკავშირა გერმანულ ინჟინერს ვერნერს. ჯულია სტენდალის სკოლაში ასწავლის რუსულ ენას და ლიტერატურას, ამასთან საბჭოთა მოქალაქეების ჩასვლის დროს დიდი სიამოვნებით კისრულობს გიდისა და თარჯიმნის როლს. თავისთავად ცხადია, მისი მშობლიური კუთხიდან ჩასული სტუმრების მიმართ ჯულიამ განსაკუთრებული მზრუნველობა გამოიჩინა.

სტენდალში არაა დიდი თეატრი, მაგრამ მისი პროფესიული დონე საკმაოდ მაღალია. ერთ ჭერქვეშ მუშაობენ დრამატული და საოპერო დასები, საბალეტო ჯგუფი, ორკესტრი. რეპერტუარში აქვთ შექსპირიც და მსუბუქი მუსიკალური კომედიაც. ჩვენს ჩასვლამდე „ხიდი“ უკვე რამდენჯერმე ეთამაშათ. მაყურებელი კმაყოფილიაო, გვითხრეს. ჯულიამ სახელდახელოდ გვითარგმნა გაზეთებში დაბეჭდილი რეცენზიები. მაგრამ, ბუნებრივია, თეატრის კოლექტივისათვის საინტერესო იყო პიესის ავტორის აზრი. სპექტაკლმა ჩემზე სასიამოვნო შთაბეჭდილება დატოვა. უკვე მერამდენეჯერ გამოცა იმან, რომ უცხოური თეატრისა და მისი მაყურებლისათვის ანლოგური აღმოჩნდა პიესის პრობლემატიკა, შორეული საქართველოს ერთ-ერთ პატარა ქალაქში დანგრეული ხიდის ისტორია და ამ ამბავთან დაკავშირებული ადამიანთა ბედი. თუმცა, არც დამდგმელი რეჟისორი ბერნ გუჰერტი და არც მარიკა ჩოლდრიშვილის როლის შემსრულებელი მარტინა კრომპოლცი არასოდეს ყოფილან საქართველოში, სა-


ერთოდ, საბჭოთა კავშირში. სპექტაკ-
ლის შემდეგ გამართულ მეგობრულ
შეხვედრაზე ერთმანეთს გავუზიარეთ
ჩვენი მოსაზრებანი პიესაზე, სპექტა-
კლზე, თანამედროვე დრამატურგის,
თეატრის როლსა და ამოცანებზე სა-
ზოგადოების ცხოვრებაში, ადამიანთა
დაახლოებაში. მასპინძლები დაინტე-
რესდნენ ჩემი სხვა პიესებით და გა-
მოთქვეს „თავისუფალი სემის“ დად-
გმის სურვილი, როსტოკში კი „ხი-
ლის“ პრემიერა ამ გაზაფხულზეა ნა-
კარაუდები.

ბერლინში დაბრუნებულბმა, კვლავ
განეაგრძეთ დედაქალაქის ღირსშე-
სანიშნაობათა გაცნობა. მართლაც რომ
საბჭოთა არმიის გამარჯვების ბადალი
მემორიალია გაშენებული ცენტრალ-
ურ პარკში, რომელიც აქ მოსულთ
მოაგონებთ, თუ რა მსხვერპლის ფა-
სად დაუვდა საბჭოთა ხალხს, მსოფ-
ლიოს ეს გამარჯვება. ამის შესხენე-
ბა მით უფრო საჭიროა აქ, ბერლინ-
ში, ვინაიდან პარკიდან არც თუ ისე
შორს, ბრანდენბურგის ჭიშკარს იქით,
უკვე სხვა სამყაროა, სხვა გერმა-
ნიაა...

წარუშლელი შთაბეჭდილება და-
ტოვა ჩვენზე მსოფლიოში ერთად-
ერთმა პერგამის არქიტექტურულმა
მუზეუმმა, სადაც თავმოყრილია ან-
ტიკური ხანის უნიკალური ექსპონა-
ტები. ერთ ვეებერთელა დარბაზში
ისეთი კიბეები და კოლონებია, რომ
მის ფონზე ქართველი ოიდიპოსების
გამოჩენა ვინატრეთ. ვიყავით აგრეთ-
ვე ბერთოდ ბრესტის მუზეუმში,

მოვინახულეთ ამ დიდი დრამა-
ტურგისა და თეატრის რეფორმატორის
საფლავი, „კომიშე თპერის“
სცენაზე ვნახეთ ფელზენშტიინის
მიერ დადგმული მუზიკლი „მევიო-
ლინე სახურავზე“.

ყველგან, გერმანია-საბჭოთა კავში-
რის მეგობრობის საზოგადოებაში თუ
კულტურის სამინისტროში, თეატრა-
ლურ საზოგადოებაში თუ მოსკოვში
დაბრუნების შემდეგ, გერმანიის დე-
მოკრატიული რესპუბლიკის საელ-
ჩოში გამართული მიღების დროს
საუბარი მიმდინარეობდა მეგობრული
და საქმიანი კონტაქტების განვითა-
რებაზე, მწერლური და თეატრალური
ურთიერთთანამშრომლობის კიდევ
უფრო განმტკიცებაზე. ბერლინში უკ-
ვე იცოდნენ, რომ შ. რუსთაველის
წახელობის თეატრში დადგმულმა
ბერთოდ ბრესტის „კავკასიური ცა-
რცის წრემ“ 1979 წლის სახელმწი-
ფო პრემია დაიმსახურა. რუსთაველე-
ლებს მოუთმენლად ელიან გერმანია-
ში, მით უფრო, რომ მათ ოფიციალუ-
რი ურთიერთობა აქვთ ბერლინის
„ბერლინერ ანსამბლთან“, რომელიც
ამ რამდენიმე წლის წინათ იმყოფე-
ბოდა თბილისში. თეატრალურ საზო-
გადოებაში შემოგვთავაზეს უფრო
მჭიდრო ურთიერთობის დამყარება
ქართველ კოლეგებთან, შემოქმედე-
ბით მუშაკთა დელეგაციების გაცვლა.
ასე, რომ, სტუმარ-მასპინძლები ერთ-
მანეთს დაცვილდით ახალი შეხვედრე-
ბის ღრმა რწმენით.



რამაზ სურამანიძე

„კუნძულ სახალინის“ ქართველები

დიდი რუსი მწერალი ანტონ ჩეხოვი, ჩვენი ვარაუდით, საქართველოში ჩამოვიდა 1881 წლის ბოლოს ან 1882 წლის დასაწყისში, ხოლო მეორეჯერ — 1888 წელს. ყირიმიდან წამოსული მწერალი იყო ახალ ათონში, სოხუმში, ფოთში, ბათუმში, თბილისში. აქედან იგი ჩავიდა ბაქოში. განზრახული ჰქონდა დასდგომოდა იმიერკასპიის გზას, შემდეგ წასულიყო ბუხარისა და სპარსეთისაკენ, მაგრამ მისმა თანმხლებმა ძმის გარდაცვალების ცნობა მიიღო და მოგზაურობა შეწყდა.

ა. ჩეხოვის ეპისტოლარული მემკვიდრეობა მდიდარია კავკასიაში მოგზაურობის შთაბეჭდილებებით. მწერალი პირად წერილებში თითქმის ყველა მებობარსა და ახლობელს ურჩევდა, საქართველოში წადით, იმდენ ახალ შთაბეჭდილებას მიიღებთ, თავი სიზმარში გეგონებათო, პირადად მე, ერთი თვე რომ დავრჩე აფხაზეთში, შესანიშნავ ზღაპრებს დავწერო.

ორიოდე წლის შემდეგ მწერალმა მეტად შორეული და სახიფათო მოგზაურობა — კუნძულ სახალინის ნახვა გადაწყვიტა. ამ მოგზაურობის მიზანზე მკვლევართა შორის აზრთა სხვადასხვაობაა. ა. ჩეხოვის წერილში ა. ს. სუგოროვისადმი, ვკითხულობთ: „მივდივარ საესეებით დარწმუნებული, რომ ჩემი მოგზაურობა ვერ შეიტანს ძვირფას წვილს ვერც ლიტერატურაში და ვერც მეცნიერებაში: ამისათვის არ მეყოფა

არც ცოდნა, არც დრო, არც პრეტენზია... მე მინდა დავეწერო რაღაც 100-200 გვერდი და ამით ნაწილობრივ მაინც გადავუხადო ვალი ჩემს მედიცინას!.. ეს სტრიქონები მეტად თავმდაბლურად გვეჩვენება, როცა „კუნძულ სახალინს“ ვკითხულობთ. იგი არის მაღალმხატვრული ნაწარმოებიც და სამეცნიერო ნაშრომიც, რომელშიც თანაბრად შეარწყმული მხარის ისტორიული, გეოგრაფიული, ეთნოგრაფიული, სამედიცინო-გეოგრაფიული, სოციოლოგიური და სხვა ძვირფასი ცნობები.

ერთი შეხედვით, თვით ა. ჩეხოვის მოგზაურობაში არაფერია გასაკვირი. რა მოხდა, მწერალი წავიდა კუნძულზე და იქაური ცხოვრება შეისწავლაო. მაგრამ თუ ა. ჩეხოვის იმდროინდელი ჯანმრთელობის მდგომარეობას გავეცნობით, დავრწმუნდებით, რომ ეს მოგზაურობა ნამდვილი გმირობა იყო. 1884 წლიდან ფილტვების ტუბერკულოზით დაავადებულ მწერალს სისხლიანი ხველები ჰქონდა. ამაზე მეტყველებს სწორედ სახალინზე გამგზავრების წინ დაბეჭდილი მისი წერილი „რუსკაია მისლის“ რედაქციისადმი: „მე პასუხს არ გავცემდი ცილისმწამებლებს, მაგრამ ამ დღეებში ხანგრძლივი დროით რუსეთიდან მივემგზავრები და შესაძლოა, ვეღარასოდეს დავბრუნდე“... აქ, რა თქმა უნდა, მწერალს მხედველობაში აქვს შერყეული ჯანმრთელობა, რომელსაც ყოველ ფუნის ნაბიჯზე შეეძლო ეღალატნა. ა. ჩე-

ხოვს, მაღალკვალიფიციურ ექიმს, არ შეეძლო არ სცოდნოდა მის ორგანიზმში დაბუდებული მძიმე სენის არსებობა. შემთხვევით არ სწერდა იგი თავის ძმას ალექსანდრეს, რომ სიკვდილის საათს ვერ ავცდებოთ, ცოტა დრო დაგვრჩა სიცოცხლისათ.

მიუხედავად ამისა, მწერალს მტკიცედ ჰქონდა გადაწყვეტილი სახალისზე წასვლა. მოგზაურობა 1890 წლის 21 აპრილს დაიწყო და 81 დღე გაგრძელდა. ეს იყო მძიმე და სარისკო გზა, ღია ოთხთვალათი, წვიმასა და გაუვალ ტალახში, აუტანელ სიციხესა და ნოტიო სიცივეში. თვით კუნძულზე ა. ჩეხოვი დარჩა 92 დღე. (უკან დაბრუნებას 59 დღე მოუხდა). ამ ხნის მანძილზე მან გაიარა მთელი კუნძული ჩრდილოეთიდან სამხრეთისაკენ, იყო თითქმის ყველა დასახლებულ პუნქტში და გაეცნო გადასახლებულთა ცხოვრებას, ერთპიროვნულად აღწერა მთელი კუნძულის მოსახლეობა, შეადგინა 10000-ზე მეტი ანკეცა, მათ შორის 2.122 ბავშვისა. ყველა მათგანში პასუხი გაცემულია 12 კითხვაზე. ეს არის უზარმაზარი სამედიცინო-სოციოლოგიური გამოკვლევა.

სახალისის მკაცრ ჰავას სასოწარკვეთილებამდე მიჰყავდა გადასახლებულები. ხანგრძლივი ტუდი ამინდები მათ უსასარლობად ეჩვენებოდათ. მწერალი სამართლიანად შენიშნავს, ასეთი ამინდი დამთრგუნველად მოქმედებს ადამიანის აზროვნებაზე, რის გამო იძულებულია ლოთობას მიჰყოს ხელით. „აღბათ, ამინდის გავლენითაა, ზოგი გულგრილი ადამიანი მკაცრი რომ ხდება, ბევრი სულით კეთილი და სუსტი მთელი კვირობით და თვეობით მზეს რომ ვერ ხედავს, სამუდამოდ კარგავს უკეთესი ცხოვრების იმედს“. ეს პირველ რიგში კავკასიის ლაღი ბუნების შვილებს ემართებოდათ. ამიტომ, არცაა გასაკვირი, რომ ისინი ყოველ ღონეს ხმარობდნენ, ყოველ მცირე შესაძლებლობასაც არ კარგავდნენ, ამ ჯოჯოხეთისაგან თავის დასაღწევად.

„უფრო ხშირად ისინი გარბიან, ვის-

თვისაც უფრო მეტად საგრძნობია სახალისისა და მათი სამშობლოს კლიმატის სხვაობა“, შენიშნავს მწერალი, ხოლო გაქცევის მიზეზებს იგი ხედავს მთელ რიგ სოციალურ პირობებში, რომელთა შესაცვლელად საჭიროა ციხის წესების გაუმჯობესება, საავადმყოფოების და სკოლების გახსნა, გადასახლებულთა ოჯახის უზრუნველყოფა და სხვა. წინააღმდეგ შემთხვევაში, „ასეთი მდგომარეობა არათუ გამოასწორებს პატიმარს, არამედ გადააქცევს მას მხეცად, ხოლო ციხეს — სამხეცედ“.

გადასახლებულთა დიდ უკმაყოფილებას იწვევდა საქმის გამოძიებისა და გასამართლების გაჭინურება თვეობით და ზოგჯერ რამდენიმე წლითაც. ალექსანდროვსკის ციხეში მწერალს შეუშინებია „ქართველი, რომელიც... უკვე ხუთი თვეა ზის ამ ბნელ ჯურღმულში და ელოდება გამოძიებას, რომელიც ჯერჯერობით არც დაწყებულა“.

გადასახლებულები ძირითადად ქოხებში იყვნენ შეყუთულნი. მწერალს გულს უკლავს ცხოვრების ელემენტარული პირობების უქონლობა. ყოველგვარ ავეჯზე ლაპარაკიც ზედმეტია. ადგილობრივი ადმინისტრაციამ არათუ პატიმრებს, თვით ბერ ირაკლისაც კი ვერ მოუხანხა შესაფერისი ბინა. მას საცხოვრებლად შესთავაზეს ზედამხედველთა ჯიხური, მაგრამ უარი განაცხადა. კარგ ამინდში მოედანზე ლოცულობდა, ხოლო უამინდობის დროს — ნებისმიერ ქოხში.

გადასახლებულთა სოციალურ-ეკონომიკურ პირობებს რომ განიხილავს, ა. ჩეხოვი განსაკუთრებით ამახვილებს ყურადღებას შემდეგ ფაქტზე: აქ გადასახლებულ მამაკაცებს ცოლად ჰყოლიათ თავისუფალი მოქალაქენი, მიუხედავად მათი ეროვნული და სარწმუნოებრივი განსხვავებისა. ალექსანდროვსკი მწერალი შეხვედრია რუს ქალს, რომელიც სუფრასთან ყირგიზებისა და კავკასიელების დიდ კამპანიას ემსახურებოდა. „მე მის თანამეცხედრედ ჩავწერე თათარი, მაგრამ ქალმა თქვა, იგი ჩეჩენიაო, შენიშნავს მწერალი. რუსების გარდა

ქმრებთან საცხოვრებლად ნებაყოფლობით ჩამოსულან თათრები, ებრაელები, ბოშები, პოლონელები, გერმანელები. ბერ ირაკლის ა. ჩეხოვისათვის უამბნია ერთ ქართველ ქალზე, რომელიც ცოლად ჰყავდა გადასახლებულ იაკუტს. ორივემ ცუდად იცოდა რუსული ენა.

გადასახლებულები მწარე ხვედრის შემსუბუქებას იმაში ხედავდნენ, რომ თავიანთ თანამემამულეებთან ერთად იკრიბებოდნენ, ერთმანეთს არ მიატოვებდნენ შრომის დროს, პირად საკუთრებასაც ერთად ქმნიდნენ, როგორც ეს დიდ ოჯახში, ღვიძლ ძმებს შორის ხდება ზოლმე. ეს არ გამოპარვია ა. ჩეხოვის მახვილ თვალს.

კატორღელთა სწავლა-განათლებაზე ფიქრიც ზედმეტი იყო. წერა-კითხვის ცოდნასაც რომ თავი დავანებოთ, კუნძულ სახალინზე გადასახლებულებმა არ იცოდნენ ცხოვრებისეული ელემენტარული საკითხები და თავისი დაბადების წელიც კი. მწერალი აღწერს შეხვედრას ერევნელ სომეხებთან, რომლებმაც „არ იცოდნენ თავისი ასაკი. ერთმა მათგანმა ასე მიპასუხა: „შესაძლოა ოცდაათისა ან შესაძლოა უკვე ორმოცდაათისაც ვარო“.

წერა-კითხვის უცოდინარობის გამო გადასახლებულების მაგივრად სამშობლოში გასაგზავნ ბარათებს სპეციალური მწერლები წერდნენ. მათში ისინი აღწერენ პატიმართა უიმედო ცხოვრებას, სიღატაკეს და მწუხარებას. ერთ-ერთი ასეთი მწერალი იყო ქართველი ქელბაქიანი.

ჰუმანისტი მწერლის აღშფოთებას იწვევს გადასახლებულთა სამედიცინო დახმარების სავალალო მდგომარეობა. კუნძულის ადმინისტრაციას არ ცდილობდა ოდნე მიანიჭ გაუთმჯობესებინა იგი, პირაქით, თითქოსდა ხელგონურად ქმნიდა ისეთ პირობებს, რომლებიც ხელს შეუწყობდა ბევრი საშიში დაავადების გავრცელებას. კარსაკოვსკში საავადმყოფოს დათვალიერებისას ა. ჩეხოვმა შემაზრუნენი სურათი იხილა: ერთ თაბახში იყვნენ მოთავსებული 14 ათაშანგია-

ნი და სამი სულთ ავადმყოფი. ამ უკანასკნელთაგან ერთი იქვე დაავადებული ათაშანგით. „აქ სულთ ავადმყოფები ციხის ექიმის განკარგულებით კოცონზეც რომ დწვან, ესეც არ არის გასაკვირი, რამეთუ აქაური საავადმყოფოს წესები ცივილიზაციას ჩამორჩება სულ ცოტა ორასი წლით“. — აცხადებს ა. ჩეხოვი.

მოგზაურობისას მწერალი ასეთი სურათის მოწმეც გამხდარა: წყაროსთან სილაზე გულწასული იწვა მოხუცი კავკასიელი. ორ მის თანამემამულეს ხელი მოეკიდა ავადმყოფისათვის და დაბნეულად იქეთ-აქეთ იტყირებოდნენ, შველას თხოულობდნენ. მწერალმა გასინჯა ავადმყოფი და შემდეგი ჩანაწერი გააკეთა: „მოხუცი გაფითრებულიყო, ხელები გაციებოდა, მაჯა სუსტი ჰქონდა... როცა ჩემს თანმხლებ ექიმს ვუთხარი, ურიგო არ იქნებოდა, ვალერიანის წვეთები მაინც მიგვეცა მოხუცისათვისო, მან მიპასუხა, ვოევოდის ციხის ფერშლებს არავითარი წამალი არ აქვთო“.

პროცენტულად დავადებულები კავკასიელთა შორის მეტი იყო. ისინი ხშირად უჩიოდნენ „გულის დაავადებას“.

გადასახლებულთა ზრუნვაზე ა. ჩეხოვის მოწოდება უყურადღებოდ არ დარჩენილა. მეტად საყურადღებო ფაქტია კატორღელ ქართველთა მეცადინეობა სახალინზე ქართული ბიბლიოთეკის გახსნის შესახებ. 1897 წელს გაზეთ „მწყემსში“ გამოქვეყნდა ვანო უტცხაშვილის წერილი, რომლითაც იგი იტყობინებოდა სახალინზე მცხოვრებ სამასამდე ქართველის სურვილს — მშობლიურ ენაზე დაბეჭდილი წიგნების კითხვისა და ამ საქმეში დახმარების საჭიროების თაობაზე. ვ. არდიშვილს მოუგროვებია ორასამდე სხვადასხვა ქართული წიგნი და ქველმოქმედთათვის მიუშარათავს, შემომწირველთა გვარები გაზეთში გამოქვეყნდებო. იმავე წელს ვ. არდიშვილი სწერს, რომ 384 ცალი წიგნი უკვე გაგზავნა სახალინზე თავისი ხარჯით.

როგორც ჩანს, სახალინზე ქართული

ბიბლიოთეკის გახსნის ინიციატორი და მისი პირველი გამგე ყოფილა ვანო არდიშვილის ახლო ნათესავი, შესაძლოა ძმა, ალექსანდრე გიორგის ძე არდიშვილი. „ეს რამდენი ხანია სახალისის კუნძულზე ვადმოხვეწილი ქართველები შევეუდექით ქართულ წიგნთსაცავ-სამკითხველოსა და პირველი დაწყებითი სკოლის აგებას, მაგრამ ჩვენ, როგორც ხელმოკლე, სიღარიბეში მყოფ ქართველებმა, მართო სასურველად ვერ შევქმენით“, ამიტომ ითხოვს დაეხმარონ, რათა „რითაც საშუალებას მოგვცემენ ამ შორეულს ქვეყანაში მივაწოდოთ გონებას მასალა მსურველ ქართველთა მკითხველებს, რომ ფიზიკური სასჯელი გონება-ზნებობის წვრთნა-ვარჯიშობით შეიმსუბუქონ და სულიერად თავისი ადამიანური ელფერი არ დაკარგონ. სახალისის უფასო წიგნთსაცავის სამკითხველოს დამაარსებელი ა. გ. არდიშვილი“.

როგორც ვხედავთ, ქართველი ინტელიგენცია თითქმის იმასვე იმეორებს, რასაც საჭიროდ თვლიდა დიდი რუსი მწერალი.

ა. ჩეხოვი ჩვეული ოსტატობით აღწერს კატორღელთა არაადამიანურ შრომას. როგორც უკვე ვთქვით, კატორღის პირობებს განსაკუთრებით კავკასიელები ვერ ეგუებოდნენ, მათ დატანჯული სახე აქვთო, შენიშნავს მწერალი. იგი პირადად გაესაუბრა ჩვენს თანამემამულეებს, რომლებმაც შესჩივლეს, ზამთრობით ხელფეხი გვეყინება, სანამ მორებს საგუშაგომდე მივიტანდეთო.

კატორღელთა ცხოვრების ერთი ყველაზე დიდი სატანჯველი ბორკილები იყო. ათეულ წლებს გადასახლებული ბორკილებდადებული ატარებდა. ამ სასჯელისაგან პატიმარი თავისუფლდებოდა მხოლოდ განსაკუთრებულ შემთხვევებში. იმპერატორი საოჯახო დღესასწაულისა თუ სხვა ღირსშესანიშნავ თარიღთან დაკავშირებით გამოსცემდა ხოლმე ბრძანებას, რათა გადასახლებულთა გარკვეული ნაწილი გაეთავისუფლებინათ ბორკილებისაგან. ა. ჩეხოვი აღწერს შემთხვევას, როცა მისი იქ ყოფნას

დროს, 1890 წლის 19 ივლისს, კუნძულზე ჩამოვიდა ამურის გენერალ-გუბერნატორი ბარონი ა. კორფი. ალექსანდროვსკიში მან დააკმაყოფილა ზოგიერთი პატიმრის თხოვნა ბორკილის ახსნის თაობაზე. მართალია, მწერალი არ ასახელებს ბორკილახსნილთა გვარებს, მაგრამ ამ შემთხვევას უნდა უკავშირდებოდეს ჩვენი ოჯახის ერთი წევრის — მამაჩემის ბიძის სეფერის ბიოგრაფია. იგი ჯერ მანჯურიაში, ქალაქ ხარბინში იყო გადასახლებული. ვაქცევა სცადა, მაგრამ შეიპყრეს, ახლა კუნძულ სახალინზე გადასახლეს და ბორკილები დაადეს. ხანდაზმულების თქმით, როდესაც რუსეთის მეფეს ვაჟი შეეძინა, მანიფესტი გამოსცა ზოგიერთ კატორღელზე ბორკილების აყრის შესახებ. „ბიძაჩემი ღენერალმა ქორფამ გაათავისუფლაო“, — ამბობს მამაჩემი. „ქორფა“ იგივე ა. კორფი უნდა იყოს. მან კუნძულ სახალინზე აღასრულა იმპერატორის ნება, შეწყალა მამაჩემის ბიძასაც შეეხო. მართალია, ბორკილები აყარეს, მაგრამ თთხი წელი მინც დარჩა სახალინზე, შემდეგ სულთი ავადმყოფი სახლში დაბრუნდა და 1899 წელს გარდაიცვალა.

კუნძულზე ყველა ერთმანეთს „ძმას“ ეძახოდა, რადგანაც ერთად იყოფდნენ ჭირსა და ტანჯვას, მაგრამ, როგორც ა. ჩეხოვი აღნიშნავს, საერთო მინცდამინც ბევრი არაფერი ჰქონდათ რა. მათი ეროვნება, სარწმუნოება და ენა სხვადასხვა იყო. „მოხუცები აკვირდებიან ამ სიჭრელს და მწარე ირონიით ამბობენ: რა საზოგადოება შეიძლება იყოს, როცა ერთსაღიმავე სოფელში ცხოვრობენ რუსები, უკრაინელები, თათრები, პოლონელები, ებრაელები, ყირგიზები, ქართველები, ბოშები“. ასეთი მდგომარეობა იყო, მაგალითად, ქვემო არმუდანში, „აქაური მცხოვრებლები, — ამბობს მწერალი, — ეს არის რუსების, პოლონელების, ფინელების, ქართველების, მშვიერი და ტანსაცმელშემოკლებული ადამიანების რაღაც უწყსრიგო ბრბო, რომელიც აქ მოსულა არა თავისი სურვილით ან შემთხვევით, არამედ, თით-

ქოსდა, გემის კატასტროფის შემდეგ“.

მწერალს აინტერესებს რუსეთის სხვადასხვა გუბერნიიდან ჩამოსულთა რიცხოვრივი შემადგენლობა და წერს, რომ კუნძულ სახალინზე მუდმივ მცხოვრებ 5.791 კაციდან დაბადების აღვილად კავკასიის გუბერნიები დაასახელა ორასცამეტმა ანუ 3,6 პროცენტმა. კავკასიელების სიმცირეს მწერალი იმით ხსნის, რომ ისინი მალე კარგავენ ძალ-ღონეს, სულთ ეცემიან და ტოვებენ თავთავიანთ დაუმთავრებელ სახლებსო.

სამაგიეროდ ციხეებში კავკასიელები ვაცილებით მეტ პროცენტს შეადგენდნენ, რასაც ა. ჩეხოვი იმით ხსნის, რომ ისინი საკატორღო ვადას ვერ ამთავრებდნენ, ხშირად გარბოდნენ, მათ შორის განსაკუთრებით მაღალი იყო სიკვდილიანობა.

მწერლის ჩასვლამდე ორი წლით ადრე შექმნილა დასახლებული პუნქტი „კრასნი იარი“, სადაც 90 კაცი ცხოვრობდა, აქედან 7 კავკასიელი. მათ „მიუტოვებიან მთუშაობა, შეყუყულან ერთ ქოხში და სიცივისაგან ითოშებიან, თუმცა ჯერ მხოლოდ 2 აგვისტოა“.

მწერალი ცდილობს კუნძულის ბინადარნი დააჭუფოს არამართო ეროვნულტომობრივ, არამედ სარწმუნოების მიხედვითაც: „ჩემს მიერ ჩაწერილთა შორის მართლმადიდებელნი 86,5 პროცენტს შეადგენენ, კათოლიკები და ლიუთერანები — 90 პროცენტს, მაჰმადიანები 2,7 პროცენტს, დანარჩენები იუდეველები და სომეხ-გრიგორიანელები არიან“.

მწერალი ჩვეული პროფესიული ოსტატობითა და მეცნიერული კეთილსინდისიერებით აღწერს კუნძულ სახალინის აბორიგენების — გალიაკების (ნიგხების) და აინოს ტომის ანთროპოლოგიურ ნიშნებს, ადათ-წესებს, ეთნოგრაფიას, ხასიათს და სხვ. ამასთან კრიტიკულად განიხილავს ორივე ტომის ანთროპოგენეზზე მიძღვნილ მეცნიერულ თეორიებს. ზოგი მოგზაური და მეცნიერი გილიაკებს მიაკუთვნებდა კავკასიურ ტომებს, რაც, ა. ჩეხოვის სიტყვით, ემყარება მათს

მხოლოდ გარეგნულ მსგავსებას და არ არის დასაბუთებული მეცნიერულად. ცარიზმისდროინდელი მოგზაურებმა ზოგი ცნობილი მეცნიერებიც კი ვერ ანსხვავებდნენ კავკასიის ერებსა და ტომებს და ზოგიერთი ფაქტის აღწერისას ხელაღებით ხმარობდნენ ტერმინ „კავკასიელს“, ან ერთი ტომის ამათუიმ ნიშანს მიაწერდნენ მეორეს, რითაც უხეშ შეცდომებს უშვებდნენ. მათგან განსხვავებით, ა. ჩეხოვი შესანიშნავად ერკვევა არამართო კავკასიის მოსახლეობის ძირითად ეთნოგნულ შემადგენლობაში, არამედ იცნობს მეტერეიტოვან ტომებსა და ხალხებს. ნაწარმოებში ცდილობს ზუსტად დაასახელოს ის ტომი და ხალხი, რომელსაც მიეკუთვნება კატორღელი; მაგალითად, ქართველი, სომეხი, თათარი, ჩერქეზი, ჩეჩენი და ა. შ.

კავკასიის ხალხთაგან მწერალი განსაკუთრებით ხშირად ეხება ქართველებს, რაც გვაფიქრებინებს, რომ კუნძულზე ქართველთა რიცხვი სხვებთან შედარებით დიდი იყო. (ა. ჩეხოვის მიერ მოწოდებული მასალებისა და იმდროინდელი ქართული პრესის გაცნობის შედეგად, სავარაუდოა, რომ მწერლის მოგზაურობის დროს კუნძულზე ქართველთა რიცხვი 300 სულს აღემატებოდა). საყურადღებოა, რომ ა. ჩეხოვი თავის ნაწარმოებში ქართველების გარდა არ ასახელებს არცერთ კავკასიელს გვარს. ქართველები ბევრი ყოფილან სოფელ ანდრეი-ივანოვსკში. აქაურთა შორის ა. ჩეხოვი ასახელებს აზნაურებს ქუთაისის გუბერნიიდან — ძმებს ალექსი და თეიმურაზ ჩიქოვანებს, ძათი მესამე ძმა ჭლეჭით გარდაიცვალა. ა. ჩეხოვს დაუთვალეირებია მათი საცხოვრებელი და ჩაუწერია, ქოხში არავითარი ავეჯი არა აქვთო. მწერალი აღწერს 1880 წლის სექტემბერს ქართველ ქელბაქიანთან შეხვედრას.

როცა გაქცეულთა შესახებ იწყებს თხრობას, ა. ჩეხოვს მაგალითად მოჰყავს თბილისის სემინარიის მოსწავლე, დეკანოზ ჩუდეცის მკვლელი ოსებ ლალიაშვილი: „ცნობილი ლალიევი, გადმო-

სახლებული ტფილისის სემინარიის რექტორის მკვლელობის გამო და კორსაკოვსკში მასწავლებლად მყოფი, გაქცეა 1890 წლის აღდგომის დღეს კატორღელ ნიკოლსკისთან, მღვდლის შვილთან და სამ მაწანწალასთან ერთად. მალე, აღდგომის დღესასწაულის შემდეგ, თითქოს დაუნახავთ სამი მაწანწალა ნაპირნაპირ გადადიოდა მურავიოვის პოსტისაკენ, მაგრამ მათთან ლადიევი და ნიკოლსკი უკვე აღარ იყვნენ; მწერალი დაასკვნის, უდავოა, მაწანწალებმა დაითანხმეს ახალგაზრდა ლადიევი და მისი ამხანაგი ერთად გაქცეულიყვნენ, გზაზე მოკლეს ისინი, რათა ხელში ჩაეგდოთ მათი ფული და ტანსაცმელი.

ნაწარმოების პირველ ვარიანტში ა. ჩეხოვი უფრო სიფრთხილეს იჩენს და სიტყვა „უდავო“ ნაცვლად ამბობს: „თუ ეს ხმები მართალია, მაშინ, ალბათ“... ე. ი. ლადიაშვილის სიკვდილი მას დადასტურებულად არ მიაჩნია და მოჰყავს ცნობა იმის შესახებ, რომ მისისიპის მარჯვენა მხარეს ცხოვრობენ სახალინიდან გაქცეული კატორღელებიო. სხვათა შორის, ეს დასტურდება ქართული პრინითაც. 1890 წელს „ივერია“ წერდა, რომ „იოსებ ლადიაშვილი, რომელსაც 20 წლით კატორღა ჰქონდა გადაწყვეტილი და გაგზავნილი იყო სახალინის კუნძულზე... გაქცეულა ნავითო, მიულწვევია ერთს უცხო ქვეყნის გემამდე და ამ გემით გადასულა ამერიკაშიო“. „ივერიის“ ცნობა შემდგომმა გამოკვლევებმაც დადასტურა.

საინტერესოა, რომ ა. ჩეხოვი გვარის — ლადიევის გამოყენებას ფიქრობდა თავის მოთხრობაში „დუელი“, რომლის წერა სახალინიდან დაბრუნებისთანავე

დაიწყო და 1891 წლის აგვისტოში დაამთავრა.

სამწუხაროდ, „კუნძულ სახალინის“ გამომცემლები და რედაქტორები გაუფრთხილებლად მოეპყრნენ ლადიაშვილის როგორც გვარს, ისე პიროვნებას. მე-10 ტომის საძიებელში ნათქვამია: „ლადიევი სახალინელი მაწანწალააო“, მაშინ, როდესაც ა. ჩეხოვი გარკვევით სწერს, რომ ლადიაშვილი კორსაკოვსკში მასწავლებლად მუშაობდაო.

გაქცევის მიზეზად პირველ რიგში მწერალი სამშობლოს სიყვარულს თვლის, კატორღელი არას დაიდიევთ გაქირვებას, ავადმყოფობას, სიბრმავეს, სიყრუეს და სირცხვილს, ოღონდაც სახლში მოკვდესო, ამბობს მწერალი და ასკვნის: დარწმუნებული ვარ, რომ 50-100 წლის შემდეგ სამუდამო სასჯელს ისეთივე უაზრობად და უხერხულობად ჩათვლიან, როგორც ახლა ჩვენ ვთვლით ნესტოების მოგლეჯას და მარცხენა ხელზე თითის მოჭრას... როცა შემთხვევა მქონდა მესაუბრა კავკასიელებთან კავკასიაზე... და ვაკვირდებოდი მათ მოღუშულ, ცრემლით მოელვარე თვალებს და ვისმენდი მათ ოხვრას... ჩემთვის ნათელი იყო, რომ სახალინი მატერაიკიდან 100 მილზეც რომ ყოფილიყო დაშორებული, მაშინაც კი ლტოლვილები ზღვაში ჩაცვივდებოდნენ ტივებზე და გაჩვებტილ კარკაპებზე“.

როგორც აღვნიშნეთ, „კუნძული სახალინი“ ვრცელი და საინტერესო ნაშრომია. ავტორის ამ ნაწარმოებმა ძალზე მალე მოაღწია რუსეთის ყველა მკითხველამდე, გაუღვივა მათ ინტერესი სახალინზე მცხოვრებთა მიმართ, შექმნა საზოგადოებრივი აზრი მეფის ხელისუფალთა დანაშაულებრივ მოქმედებაზე.





აჭარა და მთელი სამხრეთ საქართველო ქვისთაღიანი ხიდებისა და საკომუნიაკაციო საშუალებათა სიმრავლით გამოირჩევა. თაღიანი ხიდების ნაწილი დღევანდლამდე შემორჩა და პრაქტიკულადაც გამოიყენება, ნაწილმა კი ნაშთების სახით მოაღწია ან სრულიად გაქრა. ორიგინალური კონსტრუქციის ქვისთაღიანი ხიდები ძველი საინჟინრო ხელოვნების ბრწყინვალე ნიმუშებია, რომლებიც ორგანულად იყო შერწყმული მთავარ და მეორეხარისხოვან სამიმოსვლო გზებთან. ისინი ფეოდალიზმის ხანაში სამეურნეო და კულტურული ცხოვრების დაწინაურების კვალდაკვალ განსაკუთრებით ინტენსიურად შენდებოდა და დიდმნიშვნელოვან როლს თამაშობდა საქართველოს სოციალურ-ეკონომიკურ და პოლიტიკურ ცხოვრებაში.

შემთხვევითი არ არის, რომ მკვლევარები, რომლებიც აჭარაში მოგზაურობდნენ ოსმალთა ბატონობის დროს, მისი განთავისუფლებისა და დედნისაშობლო საქართველოსთან დაბრუნების შემდეგ, ან სხვა არხებით იცნობდნენ აჭარას, დიდ ყურადღებას მიაქცევდნენ აგრეთვე ქვისთაღიან ხიდებს, შიდა სამიმოსვლო და გარე ქვეყნებთან დამაკავშირებელ გზებს, რომელთაც სამხედრო-სტრატეგიული მნიშვნელობაც ჰქონდათ. მოგზაურ-მკვლევართა ცნობები აჭარის ძველი ხიდების შესახებ ცალკე ნაშრომშიც აისახა (ნ. კვეზერელი-კობაძე. საქართველოს ძველი ხიდები, თბ., 1972).

მიუხედავად ამისა, მკითხველს დღემდე არ ჰქონდა ისეთი ნაშრომი, რომელშიც აჭარის ძველი ხიდების, შიდა სამიმოსვლო და გარე ქვეყნებთან დამაკავშირებელი გზების ისტორია შედარებით ვრცლად და მრავალმხრივ იქნებოდა შესწავლილი. ამ ნაკლს მნიშვნელოვნად ავსებს შალვა ვარშანიძის ნაშრომი „გზები და საგზაო ნაგებობანი ძველ აჭარაში“, რომელიც შარშან გამოცემ-

ლობა „საბჭოთა აჭარამ“ დასტამბა (რედაქტორი ისტორიულ მეცნიერებათა დოქტორი დავით ხახუტაიშვილი).

სარეცენზიო ნაშრომის პირველ თავში დახასიათებულია აჭარის შიდა სამიმოსვლო და გარე ქვეყნებთან დამაკავშირებელი გზები.

ძველ ისტორიულ წყაროებზე დაყრდნობით, ავტორი საცხებით სწორად მიუთითებს, რომ აჭარისათვის დამახასიათებელი გზები ერთ-ერთი უძველესია კავკასიაში. იგი უმთავრესი გზების რიცხვში აქცევს იმ ტრასებს, რომლებიც აჭარის ზღვისპირეთში, აჭარისწყლის, ჭოროხის, მაჭახლის და კინტრიშის ხეობებზე გაივლიდა. ზღვისპირეთის ტრასა, ავტორისეული დახასიათებით, ძველი საქართველოს საგზაო ქსელის ყველაზე არსებითი ნაწილი იყო, რომლითაც ქარავნები მიმოდიდოდნენ შავი ზღვისპირა ჩრდილო კავკასიასა და სამხრეთის ქვეყნებში, ამ გზით უკავშირდებოდა ლაზიკა რომაულ პროვინციებს, ბერძნულ ახალშენებს. ეს გზა და მასზე მდებარე ქალაქები/და ნავსადგურები რომში შედგენილ მეოთხე საუკუნის რუკაზეც აღუნიშნავთ. რომელთა ასეთი ყურადღება აღნიშნული გზისადმი მისი დიდი სავაჭრო-ეკონომიკური მნიშვნელობით აიხსნება. ამ გზით უმოგზაურია არა ერთ მწერალს, ისტორიკოსს, სამხედრო თუ სხვა სახის მოღვაწეს (ჰეროდოტე, პლინიუსი, სტრაბონი, არიანე და სხვ.) და მათ ძვირფასი ცნობები დაუტოვებიათ აქაური მოსახლეობის ყოფა-ცხოვრებაზე, მეურნეობასა და კულტურაზე.

ნაშრომი გვაცნობს, რომ არანაკლები მნიშვნელობა ჰქონდა შავი ზღვისპირა აჭარიდან ჭოროხის ხეობით (სახმელეთო, სამდინარო) ართვინისაკენ მიმავალ გზას. დაწვრილებით არის დახასიათებული აჭარისწყლის ხეობით მიმავალი ცენტრალური სახმელეთო გზა, რომელიც თავის მხრივ ორ მთავარ შტოდ

იყოფოდა. ერთი გოდერძის უღელტეხილით სამცხე-ჯავახეთში გადადიოდა, მეორე სხალთისა და მართის ხეობით შავშეთსა და ქვაბლიანს უკავშირდებოდა. შ. ვარშანიძე იმოწმებს აკადემიკოს ნ. ბერძენიშვილის მოსაზრებას იმის შესახებ, რომ ტრაპიზონიდან გონიოს გამოვლით დიდაჭარას მოსული ანდრია გაციქული სამცხეში ვოდერძ-ქვაბლიანის გზით უნდა შესულიყო. ნაშრომიდან ისიც ირკვევა, რომ აჭარისწყლის ხეობის ცენტრალური გზით შოთა რუსთაველის ენოქაში გაცხროვლებული მიმიასვლა უნდა ყოფილიყო უფრო შორეულ პროვინციებთან. ამის დასადასტურებლად ავტორს მოაქვს ცნობა აბუსერიძე ტბელის თხზულებიდან (XIII ს.), სადაც ნათქვამია, რომ ცხმორისიდან (ქედის რ.) საშოვარზე წასულნი, რომლებიც ხელოსნები უნდა ყოფილიყვნენ, თბილისში, სომხეთსა და სპარსეთის ნაპირებამდე აღწევდნენ. შ. ვარშანიძის სწორი დაკვირვებით, ამ შორეულ მხარეებში მათ გოდერძითა და სამცხის გავლით უნდა ემოგზაურათ.

დახასიათებული გზებით ხორციელდებოდა ჩამოთვლილ კუთხეთა სავაჭრო და კულტურული ურთიერთობა, სხვადასხვა ტომთა თუ ხალხთა (მათ შორის დამპყრობთა) მოძრაობა.

წიგნში მიმოხილულია აჭარის შიდა სამომოსვლო მნიშვნელობის გზები, რომლებიც აერთებდა სოფლებს, თემებს, ხეობებს და ხელს უწყობდა მათ შორის სამეურნეო და სხვა ხასიათის ურთიერთობათა განვითარებას.

წიგნის მეორე თავში შესწავლილია ქართული ქვისთაღიანი ხიდები, მათი მშენებლობის კონსტრუქციული თავისებურებანი, მშენებელთა ვინაობა.

შრომში ძირითადი ყურადღება გამახვილებულია აჭარაში გავრცელებულ ქვისთაღიან ხიდებზე, მაგრამ მასთან ერთად განხილულია მთელი სამხრეთ საქართველოს თაღიანი ხიდები. ამას ავტორი იმით ასაბუთებს, რომ აჭარის, ასევე სამხრეთ საქართველოს სხვა პროვინციების (შავშეთ-იმერხევი, ტაო-კლარჯეთი)

ხიდები საგზაო ნაგებობათა ერთიან ქსელს ქმნიდნენ და ისინი კონსტრუქციულად ძირითადად ერთნაირად მოგვიდგება. საკითხი მართებულად არის დასმული.

აჭარაში არსებული ხიდები დახასიათებულია ცალკეულ ხეობათა (ჭოროხი, აჭარისწყალი, მაჰახლო, კინტრიში) მაგალითზე. ავტორი აჭარის ხიდების შესახებ არსებული წერილობითი მონაცემების უბრალო ჩვენებით კი არ კმაყოფილდება, არამედ აზუსტებს მათ რაოდენობას, ავლენს და სათანადო აღგის მიუხეხს იმ ხიდებსაც, რომლებიც დღემდე ნაკლებად ან სრულიად არ იყო ცნობილი.

შ. ვარშანიძე, ზოგიერთ მკვლევართა კვალდაკვალ ავითარებს შეხედულებას იმის შესახებ, რომ ქვისთაღიანი კონსტრუქციის ხიდების მშენებლები აჭარასა და სამხრეთ საქართველოში იყვნენ არა უცხოელები (ვენეციელები, გენუელები), არამედ ადგილობრივი ოსტატები, რომლებიც, საერთოდ, სანიშნოდ ქვეთხურობად ითვლებოდნენ. ამის სამაგალითოდ შრომაში მოტანილია ნ. კონდაკოვისა და ბ. ნადეჟინის გამოთქვამები, რომლებიც მაღალ შეფასებას აძლევენ ქვის დამუშავების ქართულ თვითყოფად ტრაპიციებსა და სტილს. ქართული ქვეთხურობა მაღლა იდგა ბიზანტიურზე (ნ. კონდაკოვი). საერთოდ კი, ქართველმა ხუროთმოძღვრებმა გაცილებით ადრე გამოიჩინეს ყველაზე რაციონალური ფორმა თაღებისა, რომლებსაც სოლისებური ფილებისაგან აშენებდნენ (ბ. ნადეჟინი). ერთი სიტყვით, სამხრეთ საქართველოში მაღალ დონეზე იდგა ქვის სამშენებლო ტექნიკა, რასაც ცოცხლად მოწმობს საფარისა და კუმურდოს, ზარზმისა და სხალთის, ოშკისა და სხვა ნაგებობანი. მართლაც სავსებით ბუნებრივია, რომ თაღიანი ხიდების მშენებლებად ადგილობრივი ოსტატები ვიგულვით. ამათ რიგს, ჩვენი აზრით, ლაზი ქვის ოსტატებიც უნდა მივაკუთვნოთ, რომლებიც ასევე დიდად დახელოვნე-

ბული იყენენ ქვითხურობითა და „ხის მუშაკობით“.

მონოგრაფიის დიდი ნაწილი ეთმობა მესამე თავს, რომელშიც მოცემულია აჭარასა და სამხრეთ საქართველოში არსებული ქვისთადიანი ხიდების დათარიღების ცდა. ავტორი ფართო კომენტარებს უკეთებს საკითხთან დაკავშირებულ ისტორიული, არქეოლოგიური, არქიტექტურული ლიტერატურის მონაცემებს საქართველოში ქვისთადიანი ხიდების პერიოდიზაციას და არ იზიარებს მკვლევართა მოსაზრებებს აჭარასა და მეზობელ კუთხეებში ასეთი ხიდების X-XII საუკუნეებში და თვით თამარის ეპოქაში აშენების თაობაზე. აჭარაში ქვისთადიანი ხიდების მშენებლობაში იგი ძირითად პერიოდს გამოყოფს. პირველს აკუთვნებს IV-V საუკუნეებს, მეორეს — VII-VIII საუკუნეებს.

ნაშრომში გატარებულია აზრი, რომ ხიდების მშენებლობის სტილი ყველა დროში თითქმის ერთნაირი იყო და მომდევნო საუკუნეებში ახალ სტილს კი არ ქმნიდნენ, არამედ შემუშავებულ სტილს ავითარებდნენ. შესწავლილი მასალების საფუძველზე ავტორი დაასკვნის, რომ ქვისთადიანი კონსტრუქციის ხიდები ძირითადად იბერია-მესხეთისათვის არის დამახასიათებელი.

სარეცენზიო წიგნის ერთ-ერთი ღირსება ისიც არის, რომ მასში თავმოყრილია და გაანალიზებული საპრობლემო საკითხთან დაკავშირებული დიდძალი ლიტერატურა, მათ შორის, პირველწყაროები, რაც ავტორს საშუალებას აძლევს ფართოდ, საკვლევო და მოსაზღვრე რეგიონების საერთო სოციალურ-ეკონომიკური და პოლიტიკური განვითარების ფონზე, განიხილოს გზები და საგზაო ნაგებობანი ძველ აჭარაში და განსაზღვროს მათი ადგილი და როლი ცალკეულ ხეობათა სამეურნეო, საზოგადოებრივ და პოლიტიკურ ცხოვრებაში, ქართული კულტურის ისტორიაში. პარალელურად ავტორი მსჯელობს საკვლევო რეგიონის ისტორიული გეოგრაფიისა და ტოპონიმების საკითხებზე, აქ მცხოვრები უძველ-

სი ტომებისა და ადგილთა სახელების ახსნაზე.

შრომას ერთვის დასკვნები, რომლებზეც მე რუსულ ენაზე, რამდენიმე თადიანი ხიდის ფერადი ილუსტრაცია და მდინარე აკამფსისის დელტის სქემატური რუკა.

სარეცენზიო ნაშრომში ხიდებთან და გზებთან დაკავშირებული ბევრი რთული საკითხია დასმული და, ბუნებრივია, მის ავტორს ყველა მათგანზე ამომწურავი პასუხის გაცემა გაუძნელდებოდა. ამიტომ უნდა აიხსნას, რომ შრომა დადებით შეფასებასთან ერთად რიგ შენიშვნებს იმსახურებს.

პირველ რიგში მხედველობაში გვაქვს წიგნის ზოგიერთი დებულება, რომელიც საკამათოა და შემდგომ დაზუსტებას საჭიროებს. სრულად არ გამოიყურება ქვისთადიანი ხიდების პერიოდიზაცია აჭარაში, რომელსაც შ. ვარშანიძე გვთავაზობს, როგორც ითქვა, ნაშრომის ავტორი ხიდების მშენებლობაში ძირითადად ორ პერიოდს გამოყოფს, რომელიც ქრონოლოგიურად IV-V და VII-VIII საუკუნეებს მოიცავს, თუმცა არ გამოირიცხავს ასეთი ხიდების მშენებლობას არც ადრეულ საუკუნეებში და არც თამარის ეპოქაში. ჩვენი აზრით, სანამ აჭარის ქვისთადიანი ყველა ხიდი სპეციალისტთა მიერ ხუროთმოძღვრული თვალსაზრისით გულდასმით არ იქნება შესწავლილი, მანამდე ძნელია თქმა, თითოეული როდის აშენდა და ვის მიერ. მაგრამ VIII საუკუნის შემდეგ, განსაკუთრებით შოთა რუსთაველის და მომდევნო ეპოქაშიც რომ მსგავსი კონსტრუქციის ქვისთადიანი ხიდები შენდებოდა ეს რეალური ფაქტია. ავტორი ამ მხრივ არსებული ლიტერატურის მონაცემებს არ იზიარებს, თავისი დებულების დასამტკიცებლად კი სათანადო მტკიცე არგუმენტი არც მას მოუპოვება. შ. ვარშანიძე კრიტიკულად უდგება ზოგიერთ ავტორიტეტულ ისტორიკოს მკვლევართა შეხედულებებს და სხვა, თავისეულ დებულებებსაც გვთავაზობს, მაგრამ ისინიც ზოგ-

გერ ანალოგიებზე. დამყარებული. ამიტომაც მკითხველი ავტორისეული ზოგერთი დებულების სისწორეში ნათლად დარწმუნებული ვერ იქნება. ამავე დროს, უნდა აღინიშნოს, რომ წიგნში მოტანილი პრეტენზიული და გაბედული დებულებები სერიოზული მეცნიერული კამათის სარბიელს იძლევა და საკითხების შესწავლით დაინტერესებულთ შემდგომი სიღრმისეული კვლევისათვის განაწყობს.

საქირო იყო უფრო ვრცლად (და არა გავრით) თქმულიყო მაქაბლის ხეობაში გამავალი გზის მნიშვნელობაზე, ქოროხის ხეობის ზემო პროვინციების (შავშეთი და სხვ.) ბათუმთან ურთიერთობის საქმეში. ავტორს უნდა ეთქვა, რომ ეს იყო უმოკლესი სახმელეთო გზა აღნიშნული პროვინციების ზღვისპირეთთან დასაკავშირებლად (ვრცელი გზა ქოროხის დინებას მიყვებოდა), სადაც ყველაზე მრავლად გვხვდება ქვის თალიანი კონსტრუქციის სხვადასხვა სიგრძის ხიდები. მხედველობაშია მისაღები აგრეთვე ტოპონიმი აჭარისადმართი (სოფლის სახელია), რომელიც ამ გზაზე მდებარეობს და აჭარის სამიწოსკლო გზების შესწავლაში მნიშვნელოვანწილად შინაარსის შემცველია. ასევე, ავტორს ყურადღება უნდა გაემახვილებია მგზავრთა შესასვენებელ ადგილებზე, რაც აჭარის ეთნოგრაფიულ სინამდვილეში ხანების სახელწოდებით არის ცნობილი და სპეციალურ სასტუმრო სახლებზე ანუ ე. წ. მეიდანოდებზე, რომელთაც უშუალო კავშირი აქვთ ცენტრალურ და შიდა სამიწოსკლო გზებთან. ასეთი ხანები არსებობდა კერძოდ აჭარისწყლისა და ქოროხის ხეობებით გამავალ გზებზეც, რაც ეთნოგრაფიულადაც დადასტურებულია.

ნაშრომი ნაკლებია ფოტოილუსტრაციებითაც. მასში მხოლოდ ქვის სამი თალიანი ხილია წარმოდგენილი: კობალურისა და ჩხუტუნეთისა (თუმცა ჩხუტუნეთის სახელწოდებით ქვის თალიანი ხილი არ გვხვდება. მაქაბლის ხეობის საბჭოთა ზონაში მოქცეული ხიდე-

ბი ცნობილია ცემლაორის, ჩომახისურის, ჩხერის, ძვარისა, გორგამეთის ქვის ხიდების სახელწოდებებით). წიგნში ასევე მოტანილია ხიდების ილუსტრაციებიც უნდა შესულიყო, მათ რიცხვში დანდალოს ფართოდ ცნობილი ქვის თალიანი ხილისა, იმ დანდალოსი, რომელიც ეთნოგრაფიულად ზემო და ქვემო აჭარის ანუ „დანდალოს ზეითი“ და „დანდალოს ქვეითი“ აჭარის საზღვარს წარმოადგენდა. სასურველი იყო ნაშრომს დართოდა გზებისა და ქვის თალიანი ხიდების ვაერცოდების სქემა, საძიებლები, აგრეთვე ანოტაცია ან რეზიუმე ერთ-ერთ უცხო ენაზე, რასაც ნაშრომში ხასიათიც მოითხოვდა. შეიძლება მიგვეთითებია სხვა შენიშვნებზეც, მაგრამ ისინი არა არსებობია.

შალვა ვარშანიძის ნაშრომი „გზები და საგზაო ნაგებობანი ძველ აჭარაში“ ხანგრძლივი, ნაყოფიერი მუშაობის შედეგია. მასში განზოგადებულია აუცილებელი ლიტერატურა, რომელიც მკითხველს უადვილებს ძველი გზებისა და ქვისთალიანი ხიდების მაგალითზე აჭარის ისტორიული წარსულის სხვა ნიშანდობლივ მხარეებსაც გაეცნოს. იგი კარგ სამსახურს გაუწევს მკვლევარებს, სტუდენტებს, მასწავლებლებსა და მოსწავლეებს, ექსკურსიამძილოლებს, ყველას, ვინც დაინტერესებულია საერთოდ აჭარისა და სამხრეთ საქართველოს ისტორიული წარსულის შესწავლით.

დასასრულ, მიზანშეწონილად მიგვაჩნია აღნიშნული ნაშრომის საჯარო განხილვა, რასაც, ჩვენი აზრით, მოაწყობდა საქართველოს სსრ მეცნიერებათა აკადემიის ბათუმის სამეცნიერო-კვლევითი ინსტიტუტი, შ. რუსთაველის სახელობის ბათუმის სახელმწიფო პედაგოგიური ინსტიტუტის ისტორიის კათედრა და საქართველოს საისტორიო საზოგადოების აჭარის საოლქო განყოფილება.

ნოდარ პახიძე,

ისტორიის მეცნიერებათა კანდიდატი, დოცენტი.



პატიკანი, თანაგედროვეობა. პოლიტიკა

ჯერ კიდევ არ დამცხრალიყო აგიოტა-
ეი რომის პაპის პავლე VI გარდაცვალე-
ბასა და ახალი პაპის იოანე-პავლე I
არჩევასთან დაკავშირებით, რომ წმი-
და ტახტი ისევ გათავისუფლდა. არჩე-
ვიდან 34-ე დღეს მოულოდნელად გარ-
დაიცვალა 66 წლის იოანე-პავლე I,
რომლის პაპობაც ერთ-ერთი ყველაზე
ხანმოკლე აღმოჩნდა ვატიკანის ისტო-
რიაში. როგორც მიმომხილველები აღნი-
შნავდნენ, ის, რაც დაამახსოვრდა
მრევლს იოანე-პავლე პირველის პაპო-
ბისაგან, ეს იყო მისი უბრალოება, სი-
კეთე და მომხიბვლელი ღიმილი.

1978 წლის 4 ოქტომბერს იოანე-პავ-
ლე I საზეიმო-სამგლოვიარო ვითარე-
ბაში დაკრძალეს. მიუხედავად წვიმიანი
ამინდისა, მისი დასაფლავების დღეს,
წმიდა პეტრეს ტაძრის მოედანზე ასი
ათასამდე კაცი შეიკრიბა. რომის პაპის
უკანასკნელ გზაზე გასაცილებლად ჩა-
მოვიდა 100 ქვეყნის დელეგაცია, რომე-
ლთა შორისაც იყვნენ რუსული მართლ-
მადიდებელი ეკლესიის წარმომადგენ-
ლებიც. ამ დელეგაციებს ხელმძღვანე-
ლობდნენ თელსაჩინო საეკლესიო თუ
საზოგადო მოღვაწენი, ან მათი ნათესა-
ვები. ასე, მაგალითად, ამერიკის შეერ-
თებული შტატების დელეგაციას ხელმ-
ძღვანელობდა პრეზიდენტ ჯიმი კარტე-
რის დედა, იოანე-პავლე I დასაფლავეს
წმიდა პეტრეს ტაძრის ერთ-ერთი თადის
ქვეშ მისი უშუალო წინაპრების იოანე
XXIII და პავლე VI გვერდით.

9 დღის გლოვის შემდეგ, 1978 წლის
14 ოქტომბერს, შეიკრიბა კონკლავი,

რომელმაც ახალ პაპად იოანე-პავლე II
სახელწოდებით აირჩია ქალაქ კრაკოვის
არქიეპისკოპოსი კარდინალი კაროლ ვო-
იტილა.

რომის პაპის ტახტზე ახალი პიროვნე-
ბის ასვლა ყოველთვის იწვევს სიახლე-
ებს კათოლიკური ეკლესიის ცხოვრება-
ში. კათოლიციზმს აქვს თავისი რთული,
გადუჭრელი პრობლემები და ის მიდგო-
მა, რომელსაც პაპი გამოიჩინეს ამ სა-
კითხების მიმართ, მრავალმხრივ განა-
პირობებს წმიდა ტახტის პოლიტიკას.

იოანე-პავლე II პაპად არჩევას ის
თავისებურება ახასიათებს, რომ წმიდა
ტახტზე პირველად დაჯდა პიროვნება
სოციალისტური სამყაროდან. იოანე-პავ-
ლე II ეროვნებით პოლონელია. ყურა-
დღებას იმსახურებს მისი ბიოგრაფიაც.
მონაცემები ვოიტილას ცხოვრების შესა-
ხებ ჯერ კიდევ 1967 წელს გამოქვეყნ-
და, როდესაც იგი ქალაქ კრაკოვის არ-
ქიეპისკოპოსად აირჩიეს. ამ დოკუმენტ-
ში აღნიშნულია, რომ იგი ომამდე სწა-
ვლობდა კრაკოვის უნივერსიტეტის ფი-
ლოსოფიის ფაკულტეტზე. ომმა აიძულა
შეეწყვიტა სწავლა, რადგან ყველა მისი
პროფესორი დაჭერილი აღმოჩნდა. გერ-
მანელების მიერ პოლონეთის ოკუპაცი-
ის დროს იგი 4 წლის მანძილზე მუშაო-
ბდა მუშად ქიმიურ ქარხანაში. ამ პე-
რიოდში, აღნიშნავენ კათოლიკე მიმომ-
ხილველები, იგი დაუახლოვდა მუშათა
კლასს, მშრომელებს. აქვე გაიცნო მან
კაცი, რომელმაც დიდი გავლენა მოა-
ხდინა ვოიტილას შემდგომ ბედზე, არ-
ჩევინა მას სასულიერო კარიერა. მომ-
დევნო წლებში იგი სწავლობს იტალია-

ში, რომში, წარმატებით ამთავრებს სასულიერო სასწავლებელს და ხდება თეოლოგიის დოქტორი, პროფესორი. ფლობს რამდენიმე ევროპულ და მკვდარ ენას. იტალიაშივე მან გამოაქვეყნა წიგნი, რომელშიც გადმოსცა თავისი შეხედულებანი ეკლესიისა და თანამედროვე საწყაროს შესახებ. ამ წიგნში იგი დიდ მადლობას უხდის ახალგაზრდობას, რომელმაც მას თვალნათლივ დაანახა თანამედროვე ადამიანის პრობლემები.

იოანე-პავლე II პაპად არჩევის პირველივე დღეებში მიმოხილველებმა გამოთქვეს ვარაუდი, რომ იგი გააგრძელებდა იმ „ახალ აღმოსავლურ პოლიტიკას“, რომელიც ჯერ კიდევ იოანე XXIII დაიწყო. სხვაგვარად, ალბათ, წარმოუდგენელიც იყო, რადგან საბოლოოდ გაკოტრდა და ისტორიას ჩაბარდა ის აშკარა ანტიკომუნისტური პოლიტიკა, რომელსაც პიუს XII და მისი წინამორბედნი ეწეოდნენ. საყოველთაოდ არის ცნობილი 1949 წელს პიუს XII მიერ გამოცემული დეკრეტი, რომლის მიხედვითაც, ყველა ის პირი, ვინც თანამშრომლობდა კომუნისტებთან, ან შემჩნეული იქნებოდა „უღმერთო, კომუნისტური იდეების“ გავრცელებაში, განკვეთილი უნდა ყოფილიყო ეკლესიისაგან.

თავის დროზე იოანე XXIII მიერ შემოთავაზებული „აღმოსავლური პოლიტიკა“, რასაკვირველია, სოციალიზმისა და კომუნისმისადმი სიყვარულით არ ყოფილა გამოწვეული. როგორც იტალიური ჟურნალი „რინაშიტა“ წერდა: „მიტრქანი იძულებული იყო განსაკუთრებული სიხარულის გარეშე ეცნო ახალი სახელმწიფოებრივი, სოციალური და კულტურული რეალობები; განსაკუთრებული სიხარულის გარეშე იძულებული იყო ყურად ეღო პოლიტიკური და სამხედრო ძალების რეალური თანადართობა ევროპაში, პერსპექტივები, რომლებიც ისახება ძველი კონტინენტის წინაშე უახლოეს და უფრო ხანგრძლივი პერიოდის მანძილზე“.

გინაიდან პირდაპირი, „გვაროსნული ბრძოლით“ არაფერი გამოვიდა, ვატი-

კანი იძულებული იყო გადაესინჯა თავისი დამოკიდებულება კომუნისტური ქვეყნებისადმი, შეემუშაებინა მის მიმართ უფრო მოქნილი პოლიტიკა, რადგან მარქსიზმ-ლენინიზმის იდეები ისე ფართოდ გავრცელდა და იმდენად პოპულარული გახდა მთელს მსოფლიოში, რომ მათი იგნორირება კათოლიციზმს უკვე აღარ შეეძლო. შედარებით რეალურად მოაზროვნე საეკლესიო იერარქების უმრავლესობა მივიდა იმ დასკვნამდე, რომ მარქსიზმთან ბრძოლაში აუცილებელია გამოიყენონ ახალი ფორმები და მეთოდები. ბრძოლის ხერხების შეცვლა, რასაკვირველია, არ მოასწავებდა თვით ბრძოლისა და მტრობის დამთავრებას. „ახალი აღმოსავლური პოლიტიკის“ გატარების მიუხედავად, 1963 წელს რომის პაპი პავლე VI კვლავ ლაპარაკობდა კომუნისმზე, როგორც დამანგრეველ ძალაზე, დამლუპველ სასიკვდილო ავადმყოფობაზე, რომელიც უნდა დაძლეული ყოფილიყო არა მარტო თეორიაში, არამედ პრაქტიკაშიც.

ვატიკანში გამართული II მსოფლიო კრებით ახალი ეტაპი დაიწყო ათეიზმისა და მატერიალიზმის წინააღმდეგ ბრძოლაში. ათეიზმს ყოველთვის ებრძოდნენ თეოლოგები, მაგრამ ეკლესიამ ამჯერად სცადა უფრო ღრმა იერში მიეტანა მასზე, უფრო ღრმად ჩაწვდომოდა ათეიზმს, უარეყო ტრადიციულად გავრცელებული აზრი იმის შესახებ, რომ ათეიზმი მხოლოდ უღმერთოთა მოქმედების შედეგია. ბოლო წლების მანძილზე თეოლოგიურ წრეებში სულ უფრო დამკვიდრდა შეხედულება იმის თაობაზე, რომ „ათეიზმის გავრცელება განპირობებულია ტექნიკის განვითარებით, ურბანიზაციის პროგრესით, სეკულარიზაციის წარმატებებით, ეკლესიის გულგრილობით იმ რთული პრობლემებისადმი, რომელიც უნდა გადაწყვიტოს ადამიანმა, და როდესაც ისინი ვერ პოულობენ დასაყრდენს ეკლესიისა და რელიგიაში, მაშინ ისინი მიმართავენ ათეიზმს“.

წმიდა ტახტზე ასვლისთანავე, იოანე-პავლე II აქტიური საქმიანობა გააჩაღა.

პაპის პოზიციის გარკვევისათვის დიდი მნიშვნელობა ჰქონდა მის მრავალრიცხოვან გამოსვლებს და ვიზიტებს პავლე VI კვალდაკვალ, რომელმაც რამდენჯერმე იმოგზაურა კათოლიციზმის პოზიციების გასამაგრებლად და ქრისტიანობის სხვა მიმდინარეობებთან ურთიერთობის მოგვარებისათვის.

იოანე-პავლე II პირველად ეწვია მექსიკას ლათინური ამერიკის ეპისკოპოსების ტრადიციულ III ასამბლეაში მონაწილეობის მისაღებად. მექსიკაში იოანე-პავლე II წასვლა არ იყო შემთხვევითი, ჰერო ერთი, მექსიკა კათოლიკური სამყაროს ბურჯია, მეორეც, რომის პაპს აქ უნდა მოეგვარებინა თავისი ურთიერთობა სამხრეთ ამერიკის ეპისკოპოსებთან. როგორც ცნობილია, კათოლიციზმის ამ რეგიონში ბოლო ორი ათეული წლის მანძილზე თავი იჩინა უთანხმოებაში მთელ რიგ პრინციპულ საკითხებში, ყველაზე დიდი უთანხმოება გამოიწვია ეგრეთ წოდებულმა „ძალადობის თეოლოგია“ ქრისტიანობისათვის ასეთი უჩვეულო თეოლოგიის წარმოქმნა განაპირობა მსოფლიოს ამ ნაწილში კლასობრივი ბრძოლის გამწვავებამ, ეროვნულ-განმათავისუფლებელი მოძრაობის ზრდამ, სოციალიზმის იდეების პოპულარობამ, მეცნიერებისა და ტექნიკის წინსვლამ, დემოკრატიული აფეთქების საშიშროებამ.

ყოველივე ამას დამატა ლათინური ამერიკისათვის დამახასიათებელი სპეციფიკური მიზეზები, კერძოდ, მისწრაფება — განთავისუფლდეს ამერიკის შეერთებული შტატების უღლისაგან, დასძლიოს პოლიტიკური და ეკონომიკური ჩამორჩენილობა, მოსპოს სოციალური და რასობრივი უთანასწორობა, შეცვალოს მოძველებული სოციალური სტრუქტურები.

გამწვავებულმა სოციალურმა ვითარებამ სამხრეთ ამერიკის წიაღში წარმოქმნა დაჯგუფება „მეამბოხე ეკლესიის“ სახელწოდებით, რომელიც კათოლიციზმის ტრადიციული ფორმებისაგან განსხვავებით, სოციალური პრობლემების გა-

დაწყვეტაში იყენებს ეგრეთ წოდებულ „ძალადობის თეოლოგიას“, რაც გულისხმობს რადიკალურ ცვლილებებს ადგილობრივი სოციალური რევოლუციის ჩათვლით. ასეთი პოზიცია, ცხადია, მიუღებელია ვატიკანისათვის, რომელიც მტკიცედ იყო და არის დაკავშირებული კერძო საკუთრებასთან. ამიტომ, როდესაც საქმე ეხება ეკლესიის როლს სოციალურ ბრძოლაში, რომის კურია კმაყოფილდება ზოგადი განცხადებით: ეკლესია არ უნდა მიემხროს არც ერთ გადატონებულ პოლიტიკურ თუ ეკონომიკურ მოძღვრებას; იგი არ უნდა ჩაერიოს იმ ბრძოლაში, რომელსაც სხვადასხვა ეკონომიკური ფორმაციების ქვეყნები აწარმოებენ.

თავის გამოსვლაში პაპი იოანე-პავლე II ლათინური ამერიკის ეპისკოპოსების ტრადიციულ III ასამბლეაზე ამბობდა: არ შეიძლება „სახარებების შეცვლა პოლიტიკური რადიკალიზმით. საზოგადოებრივი და პოლიტიკური აქტივობა მნიშვნელოვანი ამბავია, მაგრამ ამაზე უნდა ზრუნავდეს საერო ხალხი და არა სამღვდლეობა, პოლიტიკური რადიკალიზმი მისაღები არ არის ეკლესიის მოძღვრებისათვის. ეკლესია ყოველთვის უნდა გამოდიოდეს სახარებების ხელსაყვეთებით, მშვიდობასა და სიკეთეს თესავდეს თავისი მოქმედებით“.

სამხრეთ მექსიკაში ინდიელთა წინაშე გამოსვლისას, იოანე-პავლე II გააკიცხა მდიდარი მიწათმფლობელები, რომელთაც ხელში აქვთ ჩაგდებული მიწა და არ აძლევენ ათასობით ადამიანს ნორმალური ცხოვრების საშუალებას. მისი სიტყვებით, პურის წართმევა უამრავი ადამიანისათვის არის ისეთი უსამართლობა და უხეობა, რომელიც არ შეესაბამება ქრისტიანულ და ჰუმანურ იდეალებს, ამ უსამართლობის აღმოფხვრაში ბევრი რამის გაკეთება შეუძლიათ იმათ, ვინც მოკლებული არ არიან ყოველ მატერიალურ სიკეთეს.

მექსიკაში ყოფნის დროს იოანე-პავლე II თითქმის ყოველ გამოსვლაში მოუწოდებდა ქრისტიანებს ბოლო მოელოთ მსოფლიოში არსებული ვაჭრობა-

პისა ღა უმუშევრობისათვის, რომელ-
ნიც, მისი სიტყვებით „ზადებენ სასოწ-
რკვეთილებასა და დანაშაულს, რომ მუ-
შაობა ადამიანს უნდა მოუტანოს სი-
ხარული და სულიერი კმაყოფილება და
არ შეაზიზღოს ცხოვრება“.

ასეთი გამოხატვები და აბსტრაქტული
მოწოდებები სოციალური თანასწორო-
ბისაკენ სულაც არ არის ახალი. ზოგიე-
რთი წინა პაპი პოტილასაგან განსხვავ-
ებით, უფრო შორსაც მიდიოდა. ასე,
მაგალითად, პავლე VI აცხადებდა, რომ
საერთო კეთილდღეობა ზოგჯერ თხოუ-
ლობს საკუთრების ექსპროპრიაციას.
თუკი ზოგი სამფლობელო, თავისი ზო-
ძისა და ნაწილობრივ ან მთლიანად გა-
მოუყენებლობის შედეგად, იწვევს მო-
სახლეობის სიღატაკეს, მნიშვნელოვან
ზიანს აყენებს ქვეყნის ინტერესებს და
ფუნინალმდგეგება საზოგადოების წინსვ-
ლას, ასეთი ქონება ექსპროპრიირებული
უნდა იქნესო.

საკითხის ასე დაყენება ნათლად მოწ-
მობდა, რომ ჯერ კიდევ მაშინ კათოლი-
კურ იერარქებს აღარ ძალუძდათ ანგა-
რისში არ გაეწიათ მშრომელთა შორის
ანტიკაპიტალისტური განწყობილებისა-
თვის. მაგრამ ისიც ცნობილია, რომ ას-
ეთი ზოგადი ფრაზები და მოწოდებები
მდიდრების მიმართ — გასწიონ ქველ-
მოქმედება და დაეხმარონ გაჭირვებუ-
ლებს, აგერ უკვე ოცი საუკუნეა ისმის,
მაგრამ მისგან რაიმე პრაქტიკული შე-
დეგი ჯერაც არ მიგვიღია.

იოანე-პავლე II თავის გამოხატვებში
ხაზი გაუსვა, რომ ვატიკანი არ ეთანხმე-
ბა „მალადობის თეოლოგიის“ („განთავი-
სუფლების თეოლოგიის“) თეორიას, რო-
მელიც ლათინური ამერიკის ეპისკოპო-
სების II ასამბლეაზე შემუშავდა. ეს
ფაქტია, პაპის აზრით, არ იყო კარგად
გააზრებული და შეიცანდა პროკომუნის-
ტურ მოთხოვნებს, რომ ამ პერიოდში
ლათინური ამერიკის ეკლესიებმა სწო-
რად არ გაიგეს კათოლიკური მოძღვ-
რება.

რომის პაპს მექსიკელები დიდი ამბით
შეხვდნენ. მის ირგვლივ უამრავი ხალხი

იყრიდა თავს, პაპის წირვები გვად-
ლუპის, გვადალახარის თუ სხვა ტაძარ-
ებში მთელ ქვეყანაში გადაიცემოდა რა-
დიოთი და ტელევიზიით. საერთოდ, ამ
ვიზიტს ვატიკანის წარმატებად მიიჩნე-
ვენ, მაგრამ საეჭვოა, რომ ვატიკანის
ტრადიციულმა პოლიტიკამ კლასობრივი
სიმშვიდისა და თანამშრომლობის შესა-
ხებ, მოწოდებამ შეძლებული ფენებისა-
დმი — დაეხმარონ ბედისაგან დაჩაგ-
რულთ, ვადაჭრას ის სერიოზული და
მწვავე სოციალურ-პოლიტიკური პრობ-
ლემები, რომლებიც კათოლიკური ეკ-
ლესიის წინაშე დგას როგორც სამხრეთ
ამერიკაში, ისე მთელს კათოლიკურ სა-
მყაროში.

პაპის ვიზიტს მექსიკაში პირდაპირი
პასუხი არ გაუცია იმ საკითხზე, თუ
როგორი იქნება მისი დამოკიდებულება
კომუნისტური ქვეყნებისადმი უახლოეს
პერიოდში. მაგრამ მექსიკიდან ჩამოსუ-
ლის შემდეგ პაპმა არაორაზროვნად გა-
ნაცხადა, მანამ ვერ მოისვენებს, სანამ
ყველა ადამიანს არ ექნება საშუალება
თავისუფლად აღიაროს ღმერთით. აქ
მას მხედველობაში აშკარად კომუნის-
ტური ქვეყნები ჰქონდა. პაპის განცხად-
ებით მარტისში მტრულად არის გან-
წყობილი რელიგიისადმი. შესაბამისად,
სავარაუდოა, რომ იოანე-პავლე II აღ-
ბათ ძირითადად ვაგარძელებს ძველ
კურსს ამ საკითხში, რომელიც ჯერ
კიდევ პავლე VI ჩამოაყალიბა თავის
პირველ ენციკლიკაში „ეკვლესიუმ სუ-
ამში“. აღნიშნულ ენციკლიკაში პაპი,
მართალია, არ უარყოფდა იმ ფაქტს,
რომ ბევრი ათეისტი მალაი, კეთილ-
შობილური იდეალებისათვის იღვწის,
ოცნებობს თანასწორობაზე, სამართლიან-
ობაზე, პროგრესზე, ცდილობს სამყაროს
შეცნეოთ შეცნობას. მაგრამ
იგი მაინც ხაზგასმით მიუთითებდა ათე-
იზმთან დაუნდობელი ბრძოლის აუცი-
ლებლობაზე.

როგორც ცნობილია, პავლე VI ამ
მხრივ კონკრეტული ნაბიჯებიც გადად-
გა. ჯერ კიდევ 1965 წლის 9 აპრილს
II მსოფლიო საეკლესიო კრების დად-

გენილებით, შეიქმნა არამორწმუნეების საქმეთა სამდივნო ვატიკანში, რომელსაც ახალი პირობების გათვალისწინებით ფართო ფრონტი უნდა გაეშალა ათეიზმის წინააღმდეგ საბრძოლველად. სამდივნოს თავმჯდომარედ დაინიშნა არქიეპისკოპოსი კარდინალი ფრანც კიონიგი, მდივნად — პროფესორი ვიჩენცო მიანო. სამდივნოს საფუძვლიანად უნდა შეესწავლა თანამედროვე ათეიზმი, გამოემკვლავლებინა მისი გამომწვევე მიზეზები და აქტიური კონტაქტიც დამყარებინა არამორწმუნეებთან.

1970 წელს, სამდივნოს ინიციატივით, გამოქვეყნდა წერილი, რომელიც ეხებოდა მარქსიზმისა და ათეიზმის შესწავლის აუცილებლობას სასულიერო სემინარიებში. სასწავლო გეგმებში შეიტანეს ამ საგნების სწავლება სპეკულაციებით ან ფილოსოფიის საერთო კურსის პროგრამით. ამ დოკუმენტის ავტორები ხაზს უსვამდნენ იმ გარემოებას, რომ მღვდლობის კანდიდატმა მთლიანად უნდა გააცნობიეროს „ათეიზმის ფენომენის“ მნიშვნელობა.

სამდივნოს ხელის შეწყობით გამოსცა სალუზიანის უნივერსიტეტის ფილოსოფიის ფაკულტეტმა 4-ტომიანი შრომა „თანამედროვე ათეიზმი“, რომელიც წარმოადგენს ერთგვარ სახელმძღვანელოს, ენციკლოპედიას ღვთისმსახურთათვის ათეიზმის დებულებების წინააღმდეგ საბრძოლველად. ვასაკვირი არ არის, რომ ეს შრომა აყალბებს კომუნისტური და მუშათა პარტიების დამოკიდებულებას რელიგიისა და ეკლესიისადმი.

შემდგომი ნაბიჯი ამ მიმართულებით გადაიღვა 1977 წლის 14 თებერვალს რომში, სადაც წმიდა ურბანის სახელობის უნივერსიტეტში, რომელიც აღნიშნულ დროს დაარსების 350 წელს აღნიშნავდა, შეიქმნა ათეიზმის ინსტიტუტი, ალბათ, უფრო სწორი იქნებოდა მისთვის ანტიათეიზმის ინსტიტუტი ეწოდებინათ, მაგრამ ასეთი სახელწოდება თვით აირჩიეს კათოლიკე თეოლოგებმა.

ინსტიტუტის დაარსებაზე შეიკრიბა 7 კარდინალი და 3 არქიეპისკოპოსი. მათ

გარდა ინსტიტუტის დაარსებას ესწრაბოდნენ ვატიკანში აკრედიტებულ დოქტორულ კორპუსის წარმომადგენლები და მრავალრიცხოვანი საზოგადოება.

ათეიზმს წინააღმდეგ მიმართული ინსტიტუტის 3-წლიანი სასწავლო პროგრამა სამი განყოფილებისაგან შესდგება: ისტორიული, თეორიული და ფენომენოლოგიური. იკითხება 30-მდე სპეცკურსი: „რელიგიისა და ათეიზმის ფილოსოფია“; „მარქსი, ენგელსი, ლენინი და ათეიზმი“, „ათეიზმის ვოლუნტარისტულ-ირაციონალური ფესვები: ნიცშე, ფროიდი“; „დექრისტიანიზაციის ისტორია“; „ეგზისტენციალურ ათეიზმი კინოსა და თეატრში“; „ათეიზმი და მისი ქვეყა ბიბლიის მიხედვით“ და სხვ.

შეკრება დიდხანს გაგრძელდა. მასზე რამდენიმე კაცი გამოვიდა. მთავარი მომხსენებელი იყო არამორწმუნეების საქმეთა სამდივნოს თავმჯდომარე ფ. კიონიგი, რომლის გამოსვლის თემას ძალზე მყვირალა სათაური ერქვა: „მეცნიერული ათეიზმის კრახი“. მართალია, ფ. კიონიგი ყოველმხრივ ცდილობდა დაემტკიცებინა მეცნიერული ათეიზმის კრიზისი თანამედროვე ეპოქაში, მაგრამ იქვე, სხვა გამომსვლელების სიტყვებშიც კი, სხვაგვარი სიმართლე გამოსჭვივდა. ასე, მაგალითად, კარდინალი როსი ხაზვასმით მიუთითებდა ასეთი ინსტიტუტის გახსნის აუცილებლობაზე და ამბობდა: „ათეიზმის ინსტიტუტი ისე აქტუალურია, მისი სწრაფი გახსნა ეკლესიის წიაღში ისეთ აუცილებლობას წარმოადგენს, რომ ვრცელ დასაბუთებას და არგუმენტირებას არ მოითხოვს“. მიმომხილველები შენიშნავდნენ: თუკი ფ. კიონიგს დავუჭერებთ, მეცნიერული ათეიზმი კრახს განიცდისო, მაშინ რაღა საჭირო იყო ათეიზმის ინსტიტუტის ასე სასწრაფოდ და აუცილებელი გახსნა?“

ათეიზმის ინსტიტუტის გახსნის მიზანი ცხალზე უცხადესია. იგი ესწრაფვის შეარყიოს მეცნიერული ათეიზმის პრესტიჟი, მოახდინოს მისი პარალოზება, შეზღუდოს და შეამციროს მისი გავლენა

მსოფლიოში. ინსტიტუტის ანტიათეისტური წასიათი კარგად გამოჩნდა ახალგამომცხვარ ინსტიტუტის დირექტორის ბ. მონდენას სიტყვებში.

„ბევრი ჩვენი თანამედროვე ევროპაში, აზიაში, აფრიკასა და ამერიკაში, — ამბობდა იგი, — მისდევს ათეისტურ შეხედულებებს. ამიტომ, თუკი ადრე მისიონერული საქმიანობის ობიექტები იყვნენ წარმართები, ახლა ძალზე ხშირად ესენი არიან ათეისტები, რადგან ათეისტურია ხალხის დიდი ნაწილი, რომელსაც ჩვენ ხსნის სიტყვები უნდა ვუქადაგოთ. ჩვენი გამოკვლევა მიმართულია იმ მიზეზების გასარკვევად, რომლებზეა ხელი შეუწყვეს ათეიზმის განვითარებას თანამედროვე მსოფლიოში“. მისივე სიტყვებით „ათეიზმი მოკლებულია ჰუმანიზმს, მასში ქარბობს ველურობა, იგი უარყოფს თავისუფლებას, სამაგიეროდ, მიესალმება ჩაგვრას, მასში არ არის ქვემარბიტება, მაგრამ უხვდაა ბნელეთის მოციქულობა“...

კათოლიციზმის წარმომადგენლები, კერძოდ, ზემოთხსენებული კარდინალი როსი უარყოფდა ათეიზმის ინსტიტუტის სოციალურ და პოლიტიკურ დანიშნულებას. სინამდვილეში კი ახალი ინსტიტუტი ასრულებს სწორედ სოციალურ დაკვეთას იმ კლასებისა, რომლის იდეოლოგიურ რუპორსაც წარმოადგენენ კონსერვატიული კლერიკალური წრეები.

თეოლოგთა მიხედვით, ათეიზმი მსოფლიოს ემუქრება არსებული წესრიგის შერყევით. ამ გაფრთხილებით ჯერ კიდევ 1976 წლის 2 ივნისს კათოლიკეთა საერთო აუდიენციაზე გამოვიდა პავლე VI. უფრო ადრე, 1975 წლის 19 ნოემბერს, იგივე პავლე VI მოიწონა მარქსიზმის წინააღმდეგ ბრძოლა, როგორც სოციალური უბედურებისაგან თავის დაცვის საშუალება. პაპის კვალდაკვალ ბ. მონდენამაც შენიშნა, „ჩვენ იმიტომ კი არ ვსწავლობთ ათეიზმს, რომ დავცვათ ეკლესიის ინტერესები, არამედ იმისათვის, რომ დავიცვათ კაცობრიობის ინტერესები“.

რომის პაპის ვიზიტი მექსიკაში პირ-

ველი იყო მოგზაურობის იმ სერიიდან, რომელსაც იოანე-პავლე II პაპი უწოდებდა მეორე ვიზიტი შედგა 1979 წლის ივნისში რომის პაპის სამშობლოში — პოლონეთში. თავდაპირველად ეს ვიზიტი გათვალისწინებული იყო მაისში დიდი რელიგიური დღესასწაულის — წმიდა სტანისლავის მოწამებრივი სიკვდილის 900 წელთან დაკავშირებით. შემდეგ ამ ვიზიტის თარიღმა გადაიწია ივნისის თვეში. პაპის არჩევამ კომუნისტური ქვეყნიდან, შემდგომ ვიზიტმა ამავე ქვეყანაში, ნათლად გვიჩვენა, რომ ყურადღება კომუნისტური ქვეყნებისადმი ვატიკანის მხრივ გაიზარდა და ახლო მომავალში კვლავ ბევრად გაიზარდება. ამის დამადასტურებელია ბევრი სხვა ფაქტიც, მათ შორის ვატიკანის რადიოს გადაცემების დაწყება პოლონურ ენაზე.

1979 წლის სექტემბრის მიწურულში პაპი გაემგზავრა ამერიკის შეერთებულ შტატებში. ოკეანის გაღმა მიმავალი იოანე-პავლე II რამდენიმე დღით შეჩერდა ირლანდიაში, სადაც, მისივე სიტყვებით, შეეცადა შეენელებინა ის მწვავე რელიგიური განხეთქილება კათოლიკეებსა და პროტესტანტებს შორის, რომელიც დიდი ხანია სტანჯავს ამ ქვეყანას. ირლანდიის დედაქალაქ დუბლინში ჩასვლისთანავე ღია ცის ქვეშ შეკრებილ მილიონხახევარ მორწმუნეს პაპმა მოუწოდა ხელი აეღოთ ძალადობაზე და დამყარებოდნენ გონიერებას. მისი თქმით, მკვლელობა მაინც რჩება მკვლელობად, რა მოტივითაც არ უნდა იქნეს იგი ჩადენილი. ასეთივე მოწოდებებით გამოვიდა იოანე-პავლე II ირლანდიის სხვა ქალაქებშიც. მთელ თავის ვიზიტს კათოლიკური ეკლესიის მეთაური მშვიდობისა და შერიგების ვიზიტს უწოდებდა. მაგრამ ერთი კვირაც არ იყო გასული მისი ვიზიტიდან, როცა ირლანდიის არმიის გენერლებმა უარყვეს რომის პაპის მოწოდება. მათი განცხადებით, ძალა არის ის ერთადერთი საშუალება, რომელიც აიძულებს ინგლისს დასტოვოს ირლანდია. მართლაც მხოლოდ ლოცვა-კურთხევას და მშვიდობისაკენ მოწოდე-

ბას, თუ ვინმე იგი ქრისტეს მოადგილე-
საგნადაც მომდინარეობდეს, ჯერაც არავი-
სთვის... არ მიტეხანია თავისუფლება.

ერლანდიდან რომის პაპი ბოსტონში
ჩაღრმნდა. ამერიკის შეერთებულ შტა-
ტებში თავისი ერთკვირიანი ვიზიტის
განმავლობაში იოანე-პავლე II ეწვია
ექვს-ქალაქს. ბოსტონის გარდა მან მო-
ინახულა ფილადელფია, ჩიკაგო, ნიუ-
იორკი, აიოვას შტატი და ქვეყნის დედა-
ქალაქი ვაშინგტონი. ამერიკაში კათო-
ლიკური ეკლესიის მეთაურის ვიზიტის
პროგრამა ძალზე დაძაბული და მრავალ-
ფეროვანი იყო. იგი მოიცავდა გაერთი-
ანებული ერების ასამბლეაზე გამოსვლას,
ღარიბთა კვარტალების მონახულებას,
თეთრ სახლში მიღებას და სხვ.

იოანე-პავლე II გამოსვლამ გაერთი-
ანებული ერების ასამბლეაში დიდი ინ-
ტერესი გამოიწვია. დღევანდებთანა და
სხვა დამსწრეებით გადაჭედით დარბაზს
პაპმა ისევ მშვიდობისა და შერიგებისა-
კენ მოუწოდა. თავისი ვიზიტის დროს
პაპი შეხვდა სხვადასხვა რელიგიური მი-
მდინარეობების წარმომადგენლებსაც.
ნიუ-იორკში ღია მოედანზე გამოსვლი-
სას იგი ხუთ ენაზე მიესალმა შეკრე-
პილ ხალხს: ინგლისურად, ესპანურად,
იტალიურად, პოლონურად, და როდე-
საც, ბოლოს, მან ივრიტის ენაზე წარ-
მოსთქვა სიტყვა „შალომ“ — მშვიდობა,
ნიუიორკელმა ებრაელებმა, რომელთა
რაოდენობა უფრო მეტია, ვიდრე მთე-
ლი ისრაელის მოსახლეობა, მას ოვაცია
მოუწვევს. ვიზიტის ბოლოს იოანე-პავ-
ლე II თეთრ სახლში მიიღო პრეზიდენ-
ტმა კარტერმა.

ყველა თავის გამოსვლაში კათოლიკუ-
რი ეკლესიის მეთაური მოუწოდებდა
მშვიდობის, გონიერებისა და შერიგები-
საკენ, მიუთითებდა ქრისტიანული სარ-
წმუნოების ღირებულებების დაცვის აუ-
ცილებლობაზე, იგი მიმართავდა ახალ-
გაზრდებს, ნაკლებად ეზრუნათ მატერია-
ლური სიკეთის ძიებაზე, მითუმეტეს,
არაკანონიერი გზებით მის შექმნაზე. პა-
პმა მკაცრად გაილაშქრა ნარკოტიკების
ხმარების, ალკოჰოლიზმისა და ეროტი-

ზმის წინააღმდეგ. მან განსაკუთრებით
დაგმო აბორტებისა და ჩასახვის საწინააღ-
მდეგო მედიკამენტების გამოყენება.
იოანე-პავლე II სიტყვებით, არავის არა
აქვს უფლება საშოში მოკლას ადამიანი,
და სანამ ასეთი მკვლელობა ხდება, ეკ-
ლესია ყოველთვის აიძალდებს ხმას ამ
უმსგავსოების წინააღმდეგ.

1979 წლის 28 ნოემბერს რომის პაპი
თურქეთის დედაქალაქ ანკარას ეწვია,
აქედან კი კონსტანტინეპოლს (სტამბუ-
ლი), სადაც შეხვდა მართლმადიდებელი
ეკლესიების მეთაურს დიმიტრეოს I. პა-
პის ვიზიტის მიზანი იყო ახლო კონტაქ-
ტების დამყარება მსოფლიო პატრიარქ-
თან და საუკუნეების მანძილზე გაფი-
შული კათოლიკური და მართლმადიდე-
ბელი ეკლესიების აღდგენა. კონსტანტი-
ნეპოლში პაპმა ჩაატარა მესა, რომელ-
საც პირადად პატრიარქი დიმიტრეოს I
დაესწრო. როგორც მიმომხილველები
აღნიშნავენ, უკანასკნელი 900 წლის
მანძილზე ეს პირველი შემთხვევაა, რო-
ცა ეს ორი ეკლესიის მეთაური ერთად
იყვნენ ღვთისმსახურებაზე. აქვე პაპმა
განაცხადა, რომ მალე დაიწყება მოლა-
პარაკება, რომლის მიზანია საუკუნეების
მანძილზე გათიშული ეკლესიების გაერ-
თიანება. ეს კონტაქტები, როგორც
ცნობილია, მთლად ახალი არ არის.
პირველი ნაბიჯი ამ მიმართულებით გა-
დაიდგა ჯერ კიდევ 1964 წელს, როდესაც
რომის პაპი პავლე VI ჩავიდა კონსტან-
ტინეპოლში. შემდეგ კონსტანტინეპოლის
მაშინდელი პატრიარქი ათინაგორი ჩა-
ვიდა რომში და წირვა გადაიხადა. მოსა-
ლოდნელ მოლაპარაკებათა სერიაში დიდ
აღვივს დაიკავეს დოგმატიკური, ლი-
ტურგიკული თუ სხვა წინააღმდეგობათა
დაძლევა, რომელიც ხელს უშლის ამ
ორ მიმართულებას თანამშრომლობაში.
როგორ უნდა შეფასდეს რომის ახლა-
დელი პაპის მოღვაწეობა? ამაზე კატე-
გორიული, ყოველმხრივი პასუხის გაცე-
მა ჯერ-ჯერობით ძნელი საქმეა. თუმცა
მისი პოლიტიკის ძირითადი კონტურები
უკვე თვალნათლივ ჩანს.

უპირველეს ყოვლისა, დასავლეთის

მიმომხილველთა სერთო აღიარებით, რომელს ახლანდელი პაპი საკმაოდ პოპულარულია მორწმუნეთა შორის, ეს მისმა ჰეზიტებმაც დაამტკიცეს. ასეთი პოპულარობა მიმომხილველების აზრით, აისხნება იოანე-პავლე II მაღალი მორალური თვისებებით. ზოგიერთი მიმომხილველი იქამდეც კი მიდის, რომ იოანე-პავლე II პოპულარობას იესო ქრისტეს, პოპულარობასაც აღარებს. მაგრამ სხვა ავტორები უფრო ზომიერად აუბრალებენ ახლანდელი რომის პაპის პიროვნებას, მიუთითებენ იმ თვალშისაცემ წინააღმდეგობებზე, რაც ნათლად გამოიკვეთა მის საქმიანობაში.

ამ წინააღმდეგობათა შორის ერთ-ერთი უმნიშვნელოვანესია და უპირველესია ე. წ. ქალთა პრობლემა. ამ საკითხში პაპი მტკიცედ დგას ბიბლიურ კონცეფციასზე. 1979 წლის 5 ნოემბერს რომში, სიქსტის კაპელაში, იოანე-პავლე II გამოვიდა მონაზვნების წინაშე და მთელი მსოფლიოს მონაზვნებს მოუწოდა დაბრუნებოდნენ ძველ ტანსაცმელს და ქცევას, უფრო ღრმად ჩასწვდომოდნენ ღვთისმეტყველების აზრს. რომის პაპმა მტკიცედ უარყო ცნობილი მონაზონი ქალის — დედა ტერეზიას მოთხოვნა ქალებისათვის მღვდლად კურთხევის ნების მიცემის შესახებ. ჩვენ უკვე ვახსენეთ აბორტებისა და ჩასახვის საწინააღმდეგო საშუალებებისადმი პაპის დამოკიდებულება. რასაკვირველია, კათოლიკური ეკლესიის მეთაურის ასეთმა პოზიციამ უკმაყოფილება გამოიწვია ფემინისტურ ორგანიზაციებში, რომლებიც აქტიურად იბრძვიან ქალთა ემანსიპაციისათვის.

მეორე წინააღმდეგობა, რომელზედაც ყურადღება გაამახვილეს მიმომხილველებმა, ესაა, ერთის მხრივ, რომის პაპის მიერ აღამიანის პირადი უფლებების აღიარება, მეორეს მხრივ, სასტიკი გაკიცხვა ყოველგვარი მემბოხე აზრისა, რომელიც კი ოდნავ მაინც ეწინააღმდეგება კათოლიციზმის ღირებებს. ამ მიმართულებით თვალსაჩინო მავალითად ვა-

მოდგება თეოლოგიის პროფესორის ჰანს კლუნგის ისტორია.

1979 წლის მიწურულში ვატიკანმა გადასცა, ტიუბენგენის უნივერსიტეტის თეოლოგიის პროფესორს ჰანს კლუნგს აღარ შეუძლია გააგრძელოს თავისი მოღვაწეობა, რადგან მისი საქმიანობა უხერხულობას იწვევს კათოლიკე მორწმუნეებს შორის. კათოლიკე თეოლოგს აუკრძალეს როგორც წერა, ისე ქადაგება, თეთი პროფესორმა თავისი მდგომარეობა შეადარა გალილიუს მდგომარეობას, რომელიც ჰგმობდა გაქვევებულ ორთოდოქსიას. ვატიკანი ებრძვის ჰანს კლუნგს იმდენად, რამდენადაც ეს უკანასკნელი უარყოფს პაპის წმინდანობის დოგმატს და ზოგიერთ სხვა ტრადიციულ კათოლიკურ დოგმას.

ჰანს კლუნგისათვის ქადაგებისა და წერის აკრძალვამ დიდი აფიოტაჟი გამოიწვია მთელს მსოფლიოში. ესპანეთში თავისი უკმაყოფილება და პროტესტი გამოთქვა 50 თეოლოგმა, რომლებმაც განაცხადეს, რომის კურიას, ვატიკანს სხვადასხვა შეხედულებები აქვს პიროვნების თავისუფლებაზე სხვადასხვაგვარ ვითარებაში.

რომის ახლანდელ პაპს უყვარს ლაპარაკი პიროვნების თავისუფლების შესახებ, მას თავი მოაქვს როგორც რწმენის თავისუფლების დამცველს, მაგრამ როგორც კი ეს თავისუფლება შეეხო ეკლესიის დოგმატებს, ეკლესია მკაცრად გაუსწორდა სხვაგვარად მოაზროვნე თეოლოგს.

მესამე წინააღმდეგობა, რომელიც შემინევა პაპის საქმიანობაში, ესაა მისი მისწრაფება — დააყენოს კათოლიციზმი როგორც კაპიტალიზმზე, ისე სოციალიზმზე მაღლა. პაპის აზრით, სამღვდლოება არ უნდა მონაწილეობდეს პოლიტიკურ ბროლაში, მაგრამ თავისი საქმიანობით იგი ფაქტიურად მონაწილეობს პოლიტიკურ ცხოვრებაში. ასე, მაგალითად, მხედველობაში ჰქონდა რაკომუნისტური ქვეყნები, 1979 წლის 26 ნოემბერს, წმიდა პეტრეს ტაძრის მოე-


დაწვე გამოსვლისას პაპმა განაცხადა, ხალხი დაიღალა იმ იდეოლოგიური სისტემებისაგან, რომლებიც ზღუდავენ ადამიანის თავისუფლებას, ამ იდეოლოგიური სისტემების დაცვის საბაბით ახშობენ ადამიანთა უფლებებსო.

სხვა წინააღმდეგობებს შორის აღნიშნავენ პაპის კატეგორიულ მოთხოვნას, დატული იქნას კათოლიკური მორალი.

მართალი არიან ის მიმოხილველები, რომლებიც მიუთითებენ რომ ყველა ეს წინააღმდეგობა, რომელსაც რომის პაპი ავლენს თავის მოღვაწეობაში, თვით კათოლიციზმის წინააღმდეგობებია. კათოლიციზმის მორალური შეხედულებანი,

თვით დასავლეთელი მიმოხილველების ალიარებით, მოძველდა, ახალი ღირებულებანი კი ჯერ არ არის ჩამოყალიბებული. ასეთ გარდამავალ დროს რომის პაპის ძალზე კონსერვატიული ფიგურა ხელს როდი უწყობს ამ მძიმე პერიოდის დამთავრებას.

როგორ წარმართავს რომის პაპი თავის შემდგომ პოლიტიკას, ამას მომავალი გვიჩვენებს, მაგრამ საეჭვოა, რომ იოანე-პავლე II შესძლოს კათოლიციზმის სერიოზული კრიზისის დაძლევა და ძალზე შეთხლებული საეკლესიო მხატურებისა და მრევლის შევსება.



შვილის ახსანაპი

მხატვარი ნიკოლოზ იაკოვენკო.



საიუბილეო ქრონიკა

* * *

ბათუმის რკინიგზის ვაგზალში აღიშართა კომუნისტური პარტიისა და საბჭოთა სახელმწიფოს დამაარსებლის ვ. ი. ლენინის ძეგლი.

ძეგლის საზეიმო გახსნაზე აქ მოვიდნენ ამხანაგები ვ. პაპუნიძე, ნ. გუგუნივა, დ. მანჯგალაძე, შ. მესხიძე, კ. სარიჩვი, ი. უნგიაძე, გ. ჩიგოჯიძე, გ. ცინცაძე, რ. ბერიძე, ჯ. ნაკაშიძე, ხელმძღვანელი პარტიული, საბჭოთა, პროფკავშირული, კომკავშირული მუშაკები, პარტიისა და დიდი სამამულო ომის ვეტერანები, წარმოების მოწინავეები, მეცნიერების, კულტურისა და ხელოვნების მოღვაწეები.

ძეგლს ხსნის საქართველოს კომპარტიის ცენტრალური კომიტეტის ბიუროს წევრობის კანდიდატი, პარტიის აჭარის საოლქო კომიტეტის პირველი მდივანი ვ. პაპუნიძე, თეთრი საბურველი ძირს ეშვება და შეერებილთ თვალწინ წარმოუდგებთ ბელადის სამშებრიანი სკულპტურა, რომელიც აიედესტალზე დგას. ძეგლის ავტორები არიან მოქანდაკეები მ. ბოლქვაძე და ო. დარჩია.

მიტინგზე გამოვიდნენ პარტიის ვეტერანი ი. კაკაბაძე, საქართველოს კომპარტიის ცენტრალური კომიტეტის წევრობის კანდიდატი, აჭარის ასსრ უმაღლესი საბჭოს დეპუტატი, ბათუმის მანქანათმშენი ქარხნის მუშა ა. პლუჟნიკოვი, სამხედრო მოსამსახურე გ. ბეზუგლოვი, პოეტები ჯ. ჭაყელი და ჯ. ქათამაძე, ვ. ი. ლენინის სახელობის ბათუმის № 1 საშუალო სკოლის პიონერებმა წარმოადგინეს ლიტერატურული მონტაჟი.

საქართველოს კომპარტიის აჭარის საოლქო კომიტეტის სხდომათა დარბაზში გაიმართა სამეცნიერო-პრაქტიკული კონფერენცია „ვიცხოვროთ, ვიშრომეთ, ვიბრძოლოთ ლენინურად, კომუნისტურად“. იგი მოაწვევს საქართველოს კომპარტიის ბათუმის საქალაქო კომიტეტმა, საქართველოს კომპარტიის ცენტრალურ კომიტეტთან არსებულმა პარტიის ისტორიის ინსტიტუტმა და ვ. ი. ლენინის ცენტრალური მუზეუმის თბილისის ფილიალმა.

კონფერენცია შესავალი სიტყვით გახსნა პარტიის ბათუმის საქალაქო კომიტეტის პირველმა მდივანმა დ. მანჯგალაძემ.

„ლენინი და თანამედროვეობა“ — ამ თემაზე წაიკითხა მოხსენება საქართველოს კომპარტიის ცენტრალურ კომიტეტთან არსებული პარტიის ისტორიის ინსტიტუტის დირექტორის მოადგილემ პროფესორმა ვ. მერკვილაძემ.

მოხსენებით „ლენინი მშრომელთა კომუნისტური აღზრდის შესახებ“ გამოვიდა საქართველოს კომპარტიის ცენტრალურ კომიტეტთან არსებული პარტიის ისტორიის ინსტიტუტის უფროსი მეცნიერი თანამშრომელი, ფილოსოფიის მეცნიერებათა კანდიდატი რ. ბალანჩივაძე.

შ. რუსთაველის სახელობის ბათუმის სახელმწიფო პედაგოგიური ინსტიტუტის ისტორიის კათედრის გამგის პროფესორ პ. ცქვიტარიას გამოსვლის თემა იყო „ვ. ი. ლენინი და ქალაქ ბათუმის პროლეტარიატის რევოლუციური მოძრაობა“, შემდეგ გამოვიდნენ საქართველოს კომკავშირის ბათუმის საქალაქო კომი-

ტეტის პირველი მდივანი ლ. ადგიშვილი და ბათუმის ნავთობგადამამუშავებელი ქარხნის მუშა, სკკ XXV ყრილობის დელეგატი თ. დოლიძე, შ. რუსთაველის სახელობის ბათუმის სახელმწიფო პედაგოგიური ინსტიტუტის მეცნიერული კომუნისმისა და ფილოსოფიის კათედრის გამგე დოცენტი შ. ჯაფარიძე, ტრანსფორმატორების ქარხნის პარტიბიუროს მდივანი რ. შალიკაძე.

ლენინური უბრალოებისა და თავდაბლობის შესახებ ილაპარაკა ვ. ი. ლენინის ცენტრალური მუზეუმის თბილისის ფილიალის დირექტორმა ფ. მახარაძემ.

* * *

საბჭოთა კავშირ-ბულგარეთის მეგობრობის სახელობის კულტურის სასლში გაიმართა აჭარის სახელმწიფო სიმფონიური ორკესტრის (დირიჟორი შ. მეგლეიშვილი) კონცერტი. იგი მიემძღვნა ვ. ი. ლენინის დაბადების 110-ე წლისთავს. კონცერტში მონაწილეობდნენ თბილისის ოპერისა და ბალეტის სახელმწიფო აკადემიური თეატრის სოლისტები — საქართველოს სსრ სახალხო არტისტი ნ. მკერვალიძე და ა. ხომერიკი, ბათუმის სამუსიკო სასწავლებლის ინტეგრირებული პიანისტი თ. ნიკოლაიშვილი.

შესრულდა ლ. ბეთოვენის, ფ. ბიჯეს, ე. გრიგის, ჯ. როსინის, ზ. ფალიაშვილის, რ. ლალიძის, სხვა კომპოზიტორების საორკესტრო და ვოკალური ნაწარმოებები.

* * *

ი. ჭავჭავაძის სახელობის ბათუმის სახელმწიფო დრამატულმა თეატრმა მამულებელს უჩვენა პრემიერა — ბ. ლაფრენიევის „რღვევა“.

დამდგმელი რეჟისორია გ. აბესაძე, მხატვარი — აჭარის ასსრ ხელოვნების დამსახურებული მოღვაწე ა. ფილიპოვა, სამხედრო კონსულტანტი — გადამღვარი პირველი რანგის კაპიტანი ს. ტოშკუა, მუსიკალური გამფორმებელი — თ. შამილაძე.



სექტაკლში მონაწილეობენ საქართველოს სსრ სახალხო არტისტი ა. მეგლაძე, საქართველოს სსრ დამსახურებული არტისტები ნ. საკანდელიძე, გ. ახვლედიანი, ხ. მეგრელიძე, ა. ტაყიძე, შ. შერვაშიძე, ი. ცანავა, აჭარის ასსრ დამსახურებული არტისტები ს. თურმანიძე, ბ. ინჭორველი, რ. კაკაურიძე, ნ. მესხიძე, მსახიობები ც. აბზიანიძე, ლ. ჯიბლაძე და სხვები.

* * *

სურათზე: სექტაკლის სცენა (კირა აბზიანიძისა და იური ცანავას მონაწილეობით).

* * *

ბათუმში კარგ ტრადიციად დამკვიდრდა ქუჩების ზეიმები. ბევრს ახსოვს კონსტანტინე გამსახურდიას ქუჩის დღესასწაული, რომელიც შარშან გაიმართა.

ახლა, ვ. ი. ლენინის დაბადების 110-ე წლისთავის იუბილეს დღეებში, წიგნის მოყვარულთა ნებაყოფლობითი საზოგადოების აჭარის რესპუბლიკური და ბათუმის საქალაქო განყოფილებათა გამ-

გეობებმა, საქართველოს ალკ ბათუმის საქალაქო კომიტეტმა, საქართველოს მწურაღთა კავშირის აჭარის განყოფილებამ, ბათუმის ცენტრალურმა ბიბლიოთეკამ და მისმა ფილიალებმა, ბათუმის პიონერთა რესპუბლიკურმა სასახლემ მოაწვეეს ლენინის პროსპექტის დღესასწაული.

სახელდახელო ტრიბუნაზე ადიან ხელმძღვანელი პარტიული და საბჭოთა მუშაკები, ლენინური პარტიისა და კომკავშირის ვეტერანები, ლენინის პროსპექტის მცხოვრებლები, საზოგადოებრიობის წარმომადგენლები.

ზეიმს ხსნის საქართველოს კომპარტიის ბათუმის საქალაქო კომიტეტის მეორე მდივანი გ. დიასამიძე.

თემაზე „ლენინის სახე აჭარის პოეტების შემოქმედებაში“ ილაპარაკა ლექტორმა ი. ბიბლიკიშვილმა.

ზეიმის მონაწილეებს მიესალმნენ მხცოვანი პოეტი ნ. მაღაზონია და რუსთაველის პრემიის ლაურეატი, პოეტი ფრ. ხალვაში.

აჭარის მხატვართა ნამუშევრების გამოფენა მოსკოვში

მოსკოვის საბჭოთა კავშირის მიხიხტრთა საბჭოსთან არსებულ საქართველოს სსრ მულმივი წარმომადგენლობაში რეგულარულად იმართება გამოფენები, რომლებიც საშუალებას აძლევს მოსკოველებს და დედაქალაქის მრავალრიცხოვან სტუმრებს უფრო ახლოს გაეცნონ საქართველოს კულტურასა და ხელოვნებას.

გამოფენათა საინტერესო ციკლს განაგრძობს აჭარის ავტონომიური რესპუბლიკა. გამოფენა ეძღვნება აჭარაში საბჭოთა ხელისუფლების დამყარების მესამეც წლისთავს.

გამოფენის ინიციატორები არიან საქართველოს სსრ მულმივი წარმომადგენლობა მოსკოვში, აჭარის ახსრ კულტურის სამინისტრო და აჭარის მხატვართა კავშირი.

გამოფენა გახსნა საბჭოთა კავშირის მინისტრთა საბჭოსთან არსებული საქართველოს სსრ მულმივი წარმომადგენელმა მოსკოვში თ. ხაჩიძემ.

ვერნისაზე გამოვიდნენ საქართველოს კომპარტიის აჭარის საოლქო კომიტეტის მდივანი ნ. გუგუნივა, პარტიის ვეტერანი დ. გუმინი, საბჭოთა კავშირის მხატვართა კავშირის პროპაგანდის განყოფილების გამგე ლ. ლაზარევი, საქართველოს სსრ კულტურის მინისტრი ო. თაქთაქიშვილი, მწერლები გ. მდივანი, გ. გულია, ა. შერვაშიძე, სახელმწიფო პრემიის ლაურეატი, მხატვარი ი. თოიძე და სხვები.


საბჭოთა აჭარის სახვითი ხელოვნების უოველი წარმატება უშუალოდ არის დაკავშირებული თბილისის ხამხატვრო აკადემიასთან. აქ აღიზარდა ბათუმელი მხატვრების უმრავლესობა.

პირველი თაობის მხატვრები ო. ჩაჩუა, ა. აირაბეგოვი უოველ გამოფენას მაღალპროფესიული და ფაქიზად შესრულებული ნაწარმოებებით აქობდნენ. ნაყოფიერად მუშაობენ საშუალო თაობის მხატვრები შ. ხოლუაშვილი, შ. ზამთარაძე, ნ. იაკოველი, გ. მგვრელიძე, ლ. სედიშვილი, ი. მარტინოვი, მოქანდაკე მ. ბოლქვაძე.

ღამთავალიერებლები დიდხანს ჩერდებიან ახალგაზრდა თაობის ნიჭიერი წარმომადგენლების ხ. ინაიშვილის, გ. ტულუშის, ს. ართმელაძის, ა. ბაკურიანის, გ. მესხის, ნ. მგელაძის ნამუშევრებთან.

სადა, დახვეწილი მანერით გამოირჩევა გრაფიკოსების ვ. კვერნაძის, გ. წულაძის, ნ. ნიჟარაძის, ზ. ხაბაძის, ჯ. მიქელაძის, ა. წილოსანის, რ. ხანადირაძის სურათები. გამოყენებითი ხელოვნების და ქანდაკების თვალსაჩინო ოსტატებად მოგვევლინენ ვ. ბუალავა, მ. ხალვაში, თ. ლლონტი, ო. ტროფიმოვი, ვ. იზმენდიანი, ო. დარჩია, ა. გურგენიძე, ვ. ინაიშვილი, გ. კაკაბაძე, ა. გაგნიძე, ჯ. ცინცაძე და სხვები.

გამოფენას დიდი წარმატება ხვდა.



„დედასამშობლო მადლოვან გიხდით!“

გენციის, ახალგაზრდობის წარმომადგენლებმა.

სულამო გახსნა აჭარის ასსრ განმარტობის დაცვის მინისტრმა რ. სურმანიძემ.

იმ ქარცეცხლიან ღღეთა ცალკეულ ეპიზოდებზე შეკრებილთ მოუთხრეს აჭარის ასსრ დამსახურებულმა ექიმებმა გ. სვანიძემ, შ. კვაჭაძემ, ი. მოისწრაფიშვილმა, საქართველოს სსრ დამსახურებულმა ექიმმა ლ. წერიძემ, საზოგადოება „ცოლის“ აჭარის რესპუბლიკური ორგანიზაციის რეფერენტმა შ. სირაძემ, პოეტმა ი. მელიამ, შრომისა და ბრძოლის ვეტერანებმა მ. ვიანფელდმა, ი. ოსეაშვილმა.

შეხვედრის მონაწილეებს მიესალმნენ მისი სახელობის ბათუმის № 9 სკოლის უმცროსკლასელები.

დასასრულ გაიმართა კონცერტი.

გაპარტიანებული კლენუში

გაიმართა საქართველოს თეატრალური საზოგადოების აჭარის განყოფილებისა და აჭარის მხატვართა კავშირის გამგეობათა გაერთიანებული პლენუმი. დღის წესრიგში იყო საკითხი „სექტაკლების სცენოგრაფიის სრულყოფისთვის“. ბათუმში ეს პირველი შემთხვევაა, როცა მხატვრები და სცენის ოსტატები ერთმანეთს შეხვდნენ კონკრეტული შემოქმედებითი საკითხის განსახილველად.

სიტყვით გამოვიდნენ აჭარის ასსრ ხელოვნების მოღვაწეები ლ. შარაშიძე, დ. ინაიშვილი, ა. ფილიპოვი, საქართველოს სსრ დამსახურებული არტისტები გ. გოვიბერიძე, ხ. მეგრელიძე, საქართველოს სსრ სახალხო არტისტი ი. კობალაძე, საქართველოს სსრ დამსახურებული მხატვრები შ. ხოლუაშვილი, მ. ზოლქვაძე, მხატვრები ლ. სეიდიშვილი, ა. ბაკურიძე, ი. ჭავჭავაძის სახელობის ბათუმის სახელმწიფო თეატრის დირექტორი ლ. ლლონტი და მთავარი რეჟისორი გ. აბესაძე, დრამატურგი ა. ჩხი-

სსრ კავშირ-ბულგარეთის მეგობრობის სახელობის კულტურის სახლში გაიმართა შეხვედრა — „დედასამშობლო მადლოვან გიხდით!“ იგი მიეძღვნა ფაშისტურ გერმანიაზე საბჭოთა ხალხის გამარჯვების 35-ე წლისთავს. დარბაზში თავი მოიყარეს დიდი სამამულო ომის მონაწილეებმა, მედიკოსებმა, ინტელი-

მე, აჭარის ასსრ კულტურის მინისტრი
ბ. მახარაძე.

კლენუმის მონაწილეებმა დეკორაცი-
ული თვალსაზრისით მიმოიხილეს სპე-
ქტაკლები „ბუდე მეცხრე სართულზე“,
„ეზოში ავი ძაღლია“, „შთამომავლობა“,
„მეცხრე წმინდანი“, „ნაცარქექია“, „კა-
ტასტროფა“, „დრო — 24 საათი“.



სახანძარიშო კონცერტი

აჭარის მუსიკალურ-ქორეოგრაფიული
საზოგადოების საქალაქო გამგეობისა
და ბათუმის სახალხო დეპუტატების სა-
ქალაქო საბჭოს აღმასკომის კულტურის
განყოფილებასთან ორ წელზე მეტია რა-
მოვალბდა საეუნდო კაბელა (ღირიფო-
რი. აჭარის ასსრ ხელოვნების დანსახუ-
რებულნი მოღვაწე ს. მიქელთაძე, კონ-
ცერტმაისტერი ჯ. ბაუჟაძე).

ანსამბლი კონცერტებს მართავს ფაბ-
რიკა-ქარხნებში, კოლმეურნეობებსა და
საბჭოთა მეურნეობებში, თავის ხელო-
ვნებას აცნობს დამხვენებლებს, ტური-
სტებს, ჩვენი კუთხის სტუმრებს.

ფალიაშვილის სახელობის სამუსი-
კო ინსტიტუტებელში კაპელამ გამართა
საანგარიშო კონცერტი, რომელშიც ღი-
ლი. ინტერესი გამოიწვია. თბილისიდან
ჩამოვიდნენ სახელმწიფო კონსერვატო-
რიის კათედრის გამგე პროფესორი ვ.
ფალიაშვილი, კომპოზიტორი ი. გორ-
დელა და სხვ.

კაპელის საკონცერტო პროგრამა სტი-
ლისტურ-უანრობრივი მრავალფეროვ-
ნებით გამოირჩეოდა. შეასრულეს ქარ-
თული და რუსული კლასიკური, საბ-
ჭოთა კომპოზიტორებისა და შუა საუ-
კუნეების დასავლეთევროპელი პოლი-
ფონისტების ნაწარმოებები.

* * *

სურათზე: ღირიფორი ს. მიქელთაძე
და კონცერტმაისტერი ჯ. ბაუჟაძე.

„საბჭოთა აპარატი“ გამოსცა

თედორაძე დ. — ორდანი უკრავს.
ლექსები. 1,000 ეგზ. 30 კაპ.

ფირცხვანიშვილი ზ. — ქვიშის ქა-
ლაქი. ლექსები. 1,000 ეგზ. 15 კაპ.

ღირიფორი ნათქვამი. უკრაინელი
იუმორისტი მწერლების მოთხრობები.
თარგმნა გ. სიხარულიძემ. 20,000 ეგზ.
45 კაპ.

მსენინი ს. — ღირიფორი. ლექსები. თა-
რგმნა გ. სალუქვაძემ. 2,000 ეგზ. 40 კაპ.

პატიშაძე ჯ. — ტირიფორი ქარში.
ლექსები. 2,000 ეგზ. 25 კაპ.

აბტორთა ჯგუფი — სამხრეთ-და-
სავლეთ საქართველოს კულტურის ძე-
გლები. რედაქტორი დ. კომახიძე. 2,000
ეგზ. 1,70 კაპ.


მხანბარაძე ფ. — ღირიფორი ცხოვრების
ფურცლები. 3,000 ეგზ. 1, 46 კაპ.

აბიტბორთა და კოლიტინფორ-
მაბორთა დასახმარებლად. საქართვე-
ლოს კ აჭარის საოლქო კომიტეტის
ცნობარი. შემდგენელი ა. ციციხაია. 500
ეგზ. 10 კაპ.

3. იპპობაძე — ცხოველთა გადამდე-
ბი დაავადებანი და მათ წინააღმდეგ
პროქოლა. 500 ეგზ. 10 კაპ.

ბ. ფხატაძე — ი. გოგებაშვილი და ში-
სი „რუსკოე სლოვო“ (რუსულ ენაზე).
1,000 ეგზ. 40 კაპ.

ს. ბელსკი — მეგობრობის მარშრუ-
ტები (რუსულ ენაზე). 1,000 ეგზ. 25
კაპ.



ლადო გუდიაშვილი
კარიზი... კარიზი...
(მოგონებათა ახალი წიგნიდან)

სულიკო ჟღენტბი
რეზო ჩხეიძე

რაციონის მდივანი
(კინოსცენარის მეორე ნაწილი)

*Литературно-художественный
и общественно-политический журнал*

„Ч О Р О Х И“

ОРГАН СОЮЗА ПИСАТЕЛЕЙ
ГРУЗИИ И АДЖАРСКОГО ОТДЕЛЕНИЯ
индекс 76118



18

რედაქციის მისამართია:
ბათუმი, ენგელსის ქ. № 21.
ტელეფონი — 3-33-71.
საფოსტო ინდექსი
384516

მთავარი რედაქტორი
ალექსანდრე სამსონია

სარედაქციო კოლეგია:

აზიზ ახვლედიანი, ვიორჯი ბანაჩილაძე, ზურაბ გორგილაძე, მამია
ვარუანიძე (პასუხისმგებელი მდივანი), ზოთა ზოიძე, დავით თედორაძე,
იოსებ ნონეშვილი, ვიორჯი სალუქვაძე, ჯემალ ქათამაძე,
ალექსანდრე ჩხაიძე, ფრიდონ ხალვაში, დავით ხახუტაიშვილი,
ჯემალ ჯაფარიძე.

საქართველოს სსრ გამომცემლობათა, პოლიგრაფიისა და წიგნის
ვაჭრობის საქმეთა სახელმწიფო კომიტეტის აპარის. პოლიგრაფიული
საწარმოო გაერთიანება, ბათუმი, ლუქსემბურგის, 20. ფასი 40 კაპ.



8/10/43

06496344
608241033

